


# Wat möt, dat möt

W. Fricke

FROM THE LIBRARY OF  
OTTO BREMER



Im Verlage von **Hermann Costenoble** in Jena  
erschieden ferner folgende neue Werke:

- Fischer, Dr. Wilhelm**, Holländische Geschichten. Novellen. 3 Bde. 8. broch. 3 Thlr.
- Gusek, Bernd v.**, Der schlimmste Feind. Historischer Roman. (Unterhaltungs-Bibliothek für Reise und Haus V. Band.) Zwei Theile in einem Band. (Mit besonderem Doppeltitel.) 8. In eleg. Buntdruck-Umschlag. broch. 22 $\frac{1}{2}$  Sgr.
- Gerstäder, Friedrich**, Nach dem Schiffbruch. Nordaustralische Abenteuer. (Unterhaltungs-Bibliothek für Reise und Haus VI. Band.) 8. In eleg. Buntdruck-Umschlag. broch. 10 Sgr.
- Gerstäder, Friedrich**, Das Wrad des Piraten. Erzählung. (Unterhaltungs-Bibliothek für Reise und Haus VII. Band.) 8. In eleg. Buntdruck-Umschlag broch. 15 Sgr.
- Ernesti, Luise**, Todtes Capital. Roman. 4 Bde. 8. broch. 4 Thlr.
- Fels, Egon, Foreley**. Roman. 4 Bde. 8. broch. 5 $\frac{1}{2}$  Thlr.
- König, E. A.**, Die Geheimnisse einer großen Stadt. Roman. 3 Bde. 8. broch. 4 Thlr.
- Klind, F.**, Unter dem letzten Welfenkönig. Roman aus der jüngsten Vergangenheit. 2 Bde. 8. broch. 3 Thlr.
- Gerstäder, Friedrich**, Die Blauen und Gelben. Venezuelanisches Charakterbild aus der letzten Revolution von 1868. 3 Bde. 8. broch. 4 $\frac{1}{4}$  Thlr.
- Van mienen Keenich Willem**, Van'n oll'n Nümärker. 8 broch. 1. u. 2. Aufl. 1 $\frac{1}{4}$  Thlr.
-  **Schnell hinter einander erschienen zwei Auflagen!**

**Röller, Eduard**, Klatschereien. Drei Geschichten.  
8. broch.  $1\frac{1}{2}$  Thlr.

**Pasqué, Ernst**, Drei Gefellen. Eine heitere  
und ernste Erzählung. 4 Bde. 8. eleg. broch.  
 $4\frac{1}{2}$  Thlr.

**Hayes, Dr. J. J.**, Das offene Polar=Meer.  
Eine Entdeckungstreise nach dem Nordpol. Aus  
dem Englischen von J. E. A. Martin, Custos  
der Universitäts=Bibliothek zu Jena. Nebst 3  
Karten und 6 Illustrationen in Holzschnitt. (Biblio-  
thek geogr. Reisen **I. Bd.**) Lex.=8. Eleg. broch.  
 $1\frac{2}{3}$  Thlr.

**Kühl, Ph. H.**, Fernand Mendez Pinto's  
abenteuerliche Reise durch China, die  
Tartarei, Siam, Pegu und andere Län-  
der des östlichen Asiens. (Bibliothek geogr.  
Reisen **II. Bd.**) Lex.=8. Eleg. broch.  $1\frac{2}{3}$  Thlr.

**Vater, Samuel White**, Der Albert N'yanza,  
das große Becken des Nil und die Er-  
forschung der Nilquellen. Autorisirte voll-  
ständige Ausgabe für Deutsch'land. Aus dem Eng-  
lischen von J. E. A. Martin, Custos der Uni-  
versitäts=Bibliothek zu Jena. Mit 33 Illustrationen  
in Holzschnitt und 1 Karte. **Zweite Auflage,**  
**wohlfeile Volksausgabe.** (Bibliothek geogr.  
Reisen **III. Bd.**) Lex.=8. Eleg. broch.  $1\frac{2}{3}$  Thlr.

**Heuglin, M. Th. von**, Reise nach Abessi-  
nien, den Gala=Ländern, Ost=Sudan  
und Chartum in den Jahren 1861 und 1862.  
Nebst 10 Illustrationen in Farbendruck und Holz-  
schnitt, ausgeführt von J. M. Bernatz, einer  
lith. Taf. und Originalkarte. Groß-Lex.=8. eleg.  
Ausstattung. 5 Thlr.



# Wat möt, dat möt.

---

Erster Band.





# Wat möt, dat möt.

---

Ene lustige Geschichte  
in nieder=sächsischer Mundart

von

W. Fricke,  
Verfasser der „Snörken un Hamörken.“

Erster Band.

Jena,  
Hermann Costenoble.  
1870.

77489  
575 24  
100

Bremer

NOV 11 1890  
AMERICAN  
LIBRARY

# Inhaltsverzeichnis.

Seite

## Dat 1. Kapittel.

<u>Ene Koffegeſellſchaft un wat vör Lüd dorbi wiren. —</u>	
<u>Wat noch vör Lüd ankömen. — Worüm Hinnit</u>	
<u>Kohlhaas in ſinen niegen Zilingerhaut ſitten deit.</u>	
<u>— De iſte Andrud geiht verloren un nabs ſollt</u>	
<u>de ganze Pott intwei. — Jochen Pott ſnacht bi</u>	
<u>ſit ſilwſt . . . . .</u>	1

## Dat 2. Kapittel.

<u>Worüm Tanten Zophie krank is un Fru Eufemihlen</u>	
<u>ſchellt. — Tanten frigg dat mit de Langewiel,</u>	
<u>probird ehr niege Mänting un kümmt dorbi in</u>	
<u>de Huſ tau ſitten. — Wat is 'n Pangſchon. —</u>	
<u>Jochen Pott as Heirathskannedat, un wie hei</u>	
<u>dorbi ſweiten un blag anſopen deit. — Tanten</u>	
<u>Zophie möt ſit argern, und Tanten Lena geiht</u>	
<u>dat of jo . . . . .</u>	37

## Dat 3. Kapittel.

<u>Worüm Eufemihl in Gedanken gahn deit un woran hei</u>	
<u>denkt. — Kunigunde frigg dat mit'r Weinen. —</u>	

<u>Achter de Spanischleberbed. — Jobst hannelst gegen sin Prinzip. — Adjäs Krischan! — Tanten Fischen smitt 'n Angel ut, äwer de Fisch will nich bieten. . . . .</u>	<u>79</u>
--	-----------

#### Dat 4. Kapittel.

<u>Nah Swerin. — Dat sürnehme Gericht, un Susemihl sin Gedanken äwer dat Wurt Fräulein. — Worüm de Sprüttenmannschaft in de Bein klummt un Susemihl mit Kolumbus tau verglieken is. — Zwei Lannskild. — Susemihl verswinnt un sin Fru leggt en Gelübniß af . . . . .</u>	<u>126</u>
--	------------

#### Dat 5. Kapittel.

<u>En Breif an Paster Ehrbor. — Susemihl unner de Durn- heck, un woans sin Frau em upnimmt. — Jetten nimmt Affschieb, Mudding but Slösser in de Luft un klummt dorbi up'n Meswagen tau sitten. — Krischan liff in't gelobte Land, un as hei recht tausilht, is't 'n leddig Kiep . . . . .</u>	<u>180</u>
---	------------

# UNIV. OF CALIFORNIA

## Dat 1. Kapittel.

Ene Koffegeſellſchaft un wat vör Lüüd derbi wiren. — Wat noch vör Lüüd ankömen. — Worilm Hinnik Kohnhaas in ſinen niegen Zilingerhaut ſitten deit. — De irſte Indruck geiht verſuren un naſſs föllt de ganze Pott intwei. — Jochen Pott ſnackt bi ſit ſüßſt.

---

„Jah, dat is ſo,“ ſeggte Tanten Blieſaaten, indem dat ſei de Geſellſchaft 'n friſch Taſſ' Koffe inſchenken ded, „jah, dat is ſo, de ollen Tieden wiren doch de beſten, un wenn wi unſ' Eier un Bobber of jeztund dreidumwelt betahlt kriegen.“

„Ja,“ ſtimnte Unkel Joſt bi, „as Tru un Globen noch in'n Cours wiren un 'n Handſlag ſo vål as 'n Eid gellen ded, da wir't noch wat, äwer ſietdem dat de Iſerbahn erfun'n is un de Frugenslüüd Kringelinen drägt, ſietdem böggd dat of rein gornix mihr in de Welt.“

„t is All as 't is!“ nöhm nu Unkel Blieſaat dat Wurt, „ik kann doch nich äwer de jeztigen Tieden klagen; wenn de Pacht of 'n beten

hoch is, de Weiten kost desto mihr; dat gliest sik  
 ümmer so wedder ut. De lütt Mann in de Stadt  
 mag it jowoll iher föhlen, denn de hett süs sin  
 Lüfften vör vier Schillinge köfft un möt nu  
 teigen geven; wi Landlüt äwer, wenn wi iherlich  
 sin wüllt, wi kânt uns nich beklagen. Un wer  
 äwerall sik man rögen mag, de kümmt hüt of  
 noch iherlich dörch de Welt."

"Ja, wenn hei sik wat tau stillt!" brummte  
 Jobst in sin Koffetass 'rin.

Nu kôm dat Gespräk vun de ollen Tieden up  
 de Kantüffeln, un vun de Kantüffeln up de  
 Runkeln, vun de Runkeln up de Swin un vun  
 de Swin up den Menschen, vun da wedder up  
 de Tieden un so ümmer rundüm; blos, dat  
 denn un wenn mal statt de Kantüffeln de Rogg  
 orer Weiten, un statt de Minschen dat anner  
 Beih an de Reihg kôm. Na, man weit woll, wi  
 dat up so'ne Gesellschaft hergeiht, wo blos Koffe  
 drunken un Fienbrod instippt ward.

Wi wüllt uns nu de Gesellschaft bet nöger  
 beseihn, damit wi weiten, mit wat vör Lüt wi  
 dat eigentlich tau daun hewen. Baben an den  
 Disch satt Unkel Jobst, em gebührte de Jhr';  
 wenn bi den einen orer den annern Unkel orer  
 Better mal wat los wir, so müß Unkel Jobst



babenan sitten; hei ordinirte un kummandirte  
 Allens, wat hei seggn ded, dat güll; wir hei  
 doch de erfohrnste Minsch in ganz Warsow, denn  
 hei harr jiz all verschiedenen Wind in verschie-  
 denen Weltgegenden um de Näs weihn laten.  
 So Einer kann of woll Allns beter weiten, as  
 Einer, de all sin Lebe nich achter Mudders Brod-  
 schapp rutkamen is. Jobst harr den Franzosen mit  
 äwer den Rhin holpen, was darup in östreich-  
 schen Deinsten wesen; hei harr in Italien  
 Schlachten mitmaakt un was später up'n engelsche  
 Marine wesen; äwerall was hei dor mit biwe-  
 sen, wo de Minschen jiz um anner Minschen  
 ehr Jhr un Nachgier bodslögen. Hei was ut  
 all de Schlachten mit 'n blages Og davunkamen;  
 dat heit, bet up ein Bein, dat harr hei halw in  
 de Krim laten, un nu hümpelte hei so dörch  
 de Welt, at bald hier tau Middag, bald dor  
 tau Vesper un wo anners drüñk hei seinen Koffe;  
 äwerall was hei bekannt, un was tau All un  
 Jeden Unkel. Jobst was, trotz sinen Frugens-  
 haß, den hei Gott weit wo upgabelt harr, doch  
 'n ganz lustigen Kirl; 't müg woll sin, dat hei  
 sinen Humor ut den allmächtigen Primscher sög,  
 den hei bestännig an de link Sied mang de Ru-  
 sen sitten harr, dat de Bock utseihg, as wenn hei

de gräßlichsten Thänpien hewen ded; sülwst wenn hei taufällig, wat äwer sihr selten vörkôm, mal keinen Prim harr, denn stünn de Baß doch grad so af, as wenn einer drin set; woll ut Gewohnheit, orer de Baß harr sik trocken wi 'n Rock nah 'ne hoge Schuller. An de rechte Sied ut den Mund lek verwegen so'n lütten swartgeblöferten Kalkstummel herut, wobun de Mund sik all ganz nah dahlwats trocken harr. „De Stummel hett manchen Storm erlewt,“ plegte hei sihr oft tau seggn, „den hew ik all ümmer up't Schipp roft.“ Jobst höll of vâl davun, hei let em nich ut'n Mun'n, ut'n Ogen gornich. „Smiet Ji mi den Stummel intwei,“ sähd hei, „denn slah ik Jug Arm un Bein taunicht!“ — Tau desse Baß und dessen Mund kôm nu noch 'n Näs, as so'n lütt Kinnerfust dick, un wenn de Sünne darup schiente, denn glanzte sei lifstervelt as wenn sei glasurt wir, vun wegen ehr robe Farw; dat gaw em ein paßiges Utseihn, äwer de lütten dunkeln Ogen, de unner de beruhriekten buschigen Brunen rut lüchten, bröchen Jeden enen dägden Respect bi; Jobst was denoch 'n gauden Kirl, un hei hadd trots sinnen Frugenshaß 'n weiß Gemäuth. Baben up dit Gesicht un dit Gemäuth satt bestännig, ob Com=

mer, ob Winter, up de Strat orer in'n Hus, 'n lütt pelzverbränte Mütz ahne Schuht, de inwennig un butwennig so schön fettig wir, dat, wenn sei mang 'n Kohl in'n Pott stecken würd, dor gor kein Fleisch wieder anbrukte, de Kohl würd doch möhr naug warden. Jack un Bux wiren vun blagen Flaus, as de Matrosen drägen, of Winter un Sommer äwerein. Tau Jobst sin Bin'nwenniges kömen noch en poor Angewohnheiten, wo't eigentlich nix mit is, un de mitunner den Menschen eklich in Unannehmlichkeiten rinner rieten können. Jobst harr vun dat engelsche Schipp her sit de beiden Würt: „God dam!“ taulegt un brukte sei nu bi jede Gelegenheit, wenn hei mal recht sin Person in't richtige Licht stellen wull; wenn em desse Würt nich gliek bi de Hand wiren, orer em süs nich passlich schienten, denn sähd hei: „Dat bi de Hahn hact!“ denn äwer meinte hei dat gaud un was in sin Fett, as man tau seggn plegt, wenn einem 't so recht behaglich is. —

Neben Jobst an de link Sied satt Tanten. Pischen, dat arme Worm was 'n beten tau fort kamen, dat heit, de Natur habb sei steinmüdderlich behandelt; obgliek sei sit in ehr Wasdomsjahren ümmer unnern Mairegen stellt harr, wir

sei doch nich länger worden as wi drei un enen halben Faut; de Kopp hengegen was rieklisch, binah tau rieklisch utwussen, so dat sei vör gaub un girn vör'n lütten wiwlichen Gnommen ut de Feenwelt gelln kunn. Wi de Kopp mit dat Unnergestelt in 'n Webberspruch stünn, so stünn sei of mit Uns in de Welt in 'n Webberspruch; de unschülligste Fleig an de Wand kunn ehr argern, bet taum blag worden. Tanten Bischen was noch 'n Jungfräulein vun ungefähr nägen un viertig Johr un höll stark up de moralischen Neben, weswegen sei sik of nich recht mit Jobst verdrügen kunn, wiel de oft sin Fokus daran harr, dat oll lütt Worm in des' Wies' tau brüden, woräwer sei denn bestännig blag anlöp.

Up de anner Sied neben Jobst dor satt Tanten Bliesaatn orer slicht weg: Tanten Lena, de Gastgeberin vun de hütige Gesellschaft. Wer einmal mit des' ihrwürdige Fru, sei was so in de Föstig, spraken harr, de markte gliest, dat ehr de Kachelreim fix sneben wir; dat leiw Mund: warf güng wi 'n Pääpermähl wenn vun 'ne wichtige Sak de Ned wir, un Uns was wichtig, wenn sei vertellte; am allerwichtigsten wir ehr äwer ümmer dat, wat anner Lüdb tau daun un tau laten harren, wat ehr doch eigentlich gornix

angüll. So künne denn of nix in Warsow geschehn, woräwer nich Tanten Lena utföhrlichen Rapport afftatten künne; sei was de lebennige Tietung, un wenn Einer mal wat weiten wull äwer den annern sin Verhältnisse, denn köm hei nah Tanten Lena un wuß bescheid. Allens lewte un wewte an ehr, sogar de beiden blagen Müzenbänner an ehr sünndagsch Dromös, de bestännig as de Bammeltiefers in Bewegung wiren. Tanten Lena was ganz dat Gegendeil vun ehren Mann, de wedder an ehr grön Sied satt.

Unkel Bliesaat was woll 'n teigen Johr öller as sin leiw Gemahlin; de Tied harr sin, wi Unkel Jobst sin Hoor stark blekt; de Falten in sin Gesicht harrn scharpe Runturen fregen, äwer dat Hart wir weiß blewen. „Tru un ihrlich!“ was sin Wahlspruch vun je her wesen un was't of noch bet up denn hütigen Dag. Hei ded kein Kind wat tau leben, blos wenn Tanten Lena dat mal en beten alltau stark möß mit ehr Kläneri, denn tröck hei den Börkopp in Schrulln un sähd sachten:

„Du mit Din Kläneri snackst uns noch in't Spinnhus!“ wieder sähd hei äwer nix, denn denn ded em dat all led, dat hei sin leiw Fru hart ankamen wir.

Bet lanter an'n Disch satt wedder Jemand, de sik in de ganze Stün'n, dat de Gesellschaft tausamen wir, noch nix nich harr marken laten, blos as flitiger Inhauer in den Bodderkaufen, den Tanten Lena sülwst backt harr, un in des' Sak arbeite hei denn of dägdig un späulte mit Koffe ümmer fix nah; so dat, as de Annern an'n Disch een Tass' mit Gemüthlichkeit runner snackt un kumpelmentirt harren, hei all 'n Stücker drei wegpukt harr. Jochen Pott wir sin Nam, un was ein wietlöppige Verwandter vun de Tanten un Unkels, de dor noch an'n Disch seten. Jochen was Tanten Lena ehr Swager=Mutter=Brauder=Dochter=Kind; harr also ein Recht, dor mit tau sitten, un ded denn jo of sin Mägelichst; smet denn un wenn of mal 'n fründlichen Blick up Ein orer den Annern, wenn de Ein orer de Anner mal wat seggen ded, lachte am dullsten mit, wenn lacht würd, strek sik of woll mal mit all fief Fingern dörch de gelen Flashhoor, un kek, wenn sin Tass leddig wir, stramm rin in de Tass, un denn mal wedder Tanten Lena an, wat de denn of ball verstünn, sin Tass wedder vull schenke un woll tau em sähd: „Je, Jochen, Du seggst hüt jo of gornix nich.“ Denn antwurte Jochen mit'n sihr verstännig Gesicht, wat hei allnah-

gradens upstellen künn, indem dat hei siejuntwintig Johr olt was: „„Jau, wat sall'n denn Grots seggen?““ verstummte un süng wedder an förstötsch tau arbeiten in Tanten ehren Bodderkaafen un in den söten Koffe.

Twischen Jochen un Unkel Blisaat satt Hanne Blisaat, de beiden ollen Blisaaten ehr einzigste Dochter un Ogappel. Je, 't was ok ein Mäten, dat woll Einer as 'n Ogappel leiw hewen künn; ganz de Gaudmäudigkeit un dat Frame vun ehren Vader, blos de schönen blagen groten Ogen un dat helle Hoor vun ehr Mudding, un dortau an Wux, so slant un grad as 'n Pappel, un'n Talg as dat ünnefst En' vun'n Winbuddel un — un fort un gaud! 'n Mäten taum rinbieten, denn de Kallühr was ok man so as 'n riepen Taftappel. Jungfer Tanten Lischen was all männigmal äwer desse Schönheit blag anlopen, denn so wat krimwelte ehr.

Hanne sähd ok nix in de Gesellschaft, sei was tau bescheiden üm mittauspräken, wenn öllerige Lüüd mang'nanner spröken. Mitunner sohrte sei husch, husch, vun ehren Staul up, ut de Döhr 'rut, un halte 'n frisch Kann Koffe rin, un besorgte den Töller, wo de Bodderkaafen up laggt, dat Jochen nich tau töwen brukte. Wenn sei dit

Geschäft besorgt harr, denn set sei wedder still up ehren Platz, un ehre groten blagen Ogen feken äwer de Gesellschaft weg, dörch dat Fenster in den blagen Hemen, as wenn sei ein poor lütte Stücken vun de grote Kugel wiren, de sik sehnten, wedder an Urt un Stell tau kamen, wo sei förredem seten harrn; un in den Harten dor glöhte 'ne Kahl, un de Kahl was 'ne stille Leiw, un de Leiw was jung; wat dat tau bedüden hett, ward woll ein jeder Minsch weiten, de nich vör sin sösteinst Johr versfrozen is. Dat Hart in Hanne's Bost, dat slög vör Krischan, un Krischan was 'n armen Düwel, vun den Mudder Blisaatsch nix nich weiten wull, obglief sei „Lüd, de de Näs hogdrägen“, as sei sähd, nich lieben kunn, un Badder seigh dat jo of nich girn, indem dat Mudder dat nich hewen wull.

Stille, heimliche Leiw is all oft mit'n Kahl vergliekt, wil dat sei so glöhn un brenn'n deit; äwer stille, heimliche Leiw is of söt, ach so söt! väl söter as 'ne Leiw, de sik äwerall drist breid maken dröfft; äwer sei gript den Menschen an, sei farwt de Backen blaß un schüwt de Ogen bet in'n Kopp henin, wat denn of bi uns' Hanne leider de Fall wir; un doch wull Mudbbing dat nich hew'n!



Dat wiren nu de Lüd an Tanten Vena ehren Koffebisch; äwer de Gesellschaft wir noch nich vullständich. Twischen Jochen un Tanten Lischen wiren noch drei Stäuhl unbesetzt. Tanten Vena harr jo meint: „Wi künnt up de Kohlhaasen nich länger mihr luren, lat uns man anfang'n," un sei wir'n anfang'n; nu äwer, as sei de drüdd Tass', vör Jochen de söst inschenkte, meinte sei denn doch: „Fritz," wobi sei sik nah ehren Mann wendte, „wenn dat nich Din leiwliche Swester wir, des' upsternatsche Kohlhaasch, denn sähd ik tau ehr, wenn sei nu so ankehm: Kohlhaasen, wenn Sei min Gesellschaften nich mihr estermiren, denn brukten Sei jezt ok nich mihr tau kamen! äwerhaupt väl leiwer wir mi dat, wenn sei gornich min Hus betreden deden."

„„Na, na —“" sähd Unkel Fritz so vör sik hen.

„Ik weit nich," fohrte Tanten wieder un de Mühenbän'n danzten Engelsjeck, „ik kann de Ur Lüd nich utstahn, de de Näs jo hoch brägen, un doch nich mihr sünd as annerein. — Wat bill'n sik de Menschen eigentlich in? — Dat sei mal dat Glück habbd hewen un väl Geld in de Lodderi gewun'n? davor künnt sei jo sülwst nich. Wi dücht, de können sik man girn tau uns tell'n un

de Näs statt ünnern Bähn, up'n Fantboden  
richten, wo't männigmal dreckig genau bi ehr  
utsüht." —

„„Jes, nu lat dat doch man gaud wesen,““  
sähd Unkel Friß, „„lat doch de Lüüd, Jeder maht  
sin Sak so, as em geföllt.““

„Ja, äwer“ — iwerte Tanten, „wer bi mi  
kümmt, de möt dat hochdrawsche Wesen tau  
Hus laten, sünst kann ik em nich willkommen  
heiten!“

„„Hm!““ brummelte Jobst in'n Burt, „„'tis  
doch nahrschen in de Welt, dat de Lüüd ümmer anner  
Lüüd ehre Fehler un Gebreken utfinnig maken un  
de eigenen min Lebe nich gewohr warden.““

„Wat?“ frög Tanten Lischen, de wat un of  
nir verstahn harr, „wat meinst Du, Jobst?“

„„D, nir nich,““ wehrte Jobst af, „„dat, wat  
ik eben meinte, dat is unmoralisch, dat dröff ik  
jo doch nich unner Din Ogen seggen.““

Tanten Lischen möß ein äwerwendlich Ge-  
sicht un frimelte sik inwennig, dat sei webber blag  
anlopen bed.

„Still! dor rummelte wat up'n Hof rup.  
Wat ward nu?“ sähd Tanten Lena, indem dat  
sei sik vun'n Stauhl upluchte, langsam güngt  
man, denn sei was wat vüllig.

„„„Wat nu?“““ sähd Unkel Frits un stünn of up.

„Hoho!“ sähd Jobst, indem hei sit in de Höcht lüchte un an't Finster hümpele. „Dat di de Hahn haadt! nu geiht mi 'n' Ebrankrüsel up!“

De äwrighe Gesellschaft drängte jif of an't Finster, un alle seihgen eine hochbeinte Kutsch ut ollen Tieden up'n Hof herupper balangsiren.

„Dat is doch nich Paster Ehrbor sin Kutsch?“ frög Tanten Bischen, de kum äwer de Finsterbank wegkieken kunn.

„„„Ne,“““ sähd Unkel Frits, den sin is frielich of so'n ollen Kumpellkasten, awer so'n wandschapen Dings, as dit is, is dat doch nich. Dat möt wer anners sin.“““

„Na, na,“ sähd Jobst, „wenn mi min Ahnimus dregen beit, denn lat ik mi morgen as Strohkirl in de Arwten stelln!“

Jobst sähd äwer nich, wat sin Ahnimus em seggen deb. Jeder mök nun sin Bemerkung un sin Wunnerwarcken äwer dat Dings un wer dor woll insitten kunn; blos Jochen nich, de harr jif'n Stück Bodderkaufen mit an't Finster nahmen un bet slietig bi't Kuterkieken af.

Nu willn wi mal in de Geswinigkeit en beten dörch de stöwigen Finstern in de Kutsch

fiefen. Up den hinnelften Sitz feten twee Dams, de ein de künn woll hoch in de Viertigen fin, de anner woll so'n föfstein Johr telln. Up den Ruggsitz satt ein öllerrigen Herrn mit'n tämlich gadlich Stück vun'n Näs mitten in't Gesicht; eine Uennerlipp, de twee Toll äwer den Nästippel wat eigentlich 'n Knop wir, wegkef, un'n glatt-  
 rasirt runnes Kinn. De Ogen wiren tämlich versteken unner de buschigen, strumen Brunen. Babenup desse Phisognomi satt, bet deip up de Uhren, un deip in'n Nacken, so dat man vun de fortgeschorten brandroben Hoor of nich 'ne Brauw seihg, ein swarten Zilingerhaut, as Unkel Kohlhaas dat Angstrohr näumen ded. Ja, Unkel Kohlhaasen was't, de rüggling in den Rumpellasten vun Kutsch set, un de beiden Dams, dat wiren Tanten Kohlhaas un ehr Dochter Jetten.

Tanten Zophie, as sei slicht weg näumt würd, satt stiew und stur, den Kopp 'n beten achteräwer, dat de spiße ümgestülpte Näs so verwegen in de Luft stünn, as wenn sei seggen wull: „Sühst mi woll? Ik möt de ganze Sat vörstahn, wo ik nich bün, da is de Koop nich güllig.“ Un dat spiße Kinn stünn dorunner un kef ingrimmsch nah de Näs tau höchten un sähd: „Ik help Di bi't regirn, Du allein kannst doch nix verrichten!“

Twischen desse beiden Spitzen satt de lütte Mund mit de dünnen Lippen fast tausam geklemmt, un üm em spelte ein führnehmes Lächeln, denn hei wuß, dat de annern Beiden woll stillswigen müssen, wenn hei befehlte. De beiden swarten Ogen stunnen äwer dat Ganze un höllen Wacht; ja, den beiden gung nix verluren, dat Geringste würd vun de runnen Karfunkelsteine bemarkt, ümsünst wiren sei ok nich so grot. Dat is das Gesicht vun Tante Zophie; äwer un üm dit bummelte un baumelte dat; ein poor Schock Bänner vun allerlei Kallühren, un mang de Bänner keken allerlei Blaumen un Bläder in de Welt. Desse Kron, de gaud drei Faut in'n Dörchmeter harr, näumte Mudder Kohlhaasen: „Min Müß.“ Wat nu bet hendahl unner den Kopp sat, dor kunn Einer ebenso wenig klauf ut worden, as ut de Müß. Indem sei dor so sitten bed, sah man wieder nix as Spitzen un Bänner un Däcker un siedden Lüg un Snörken un Geschichten; fort, dat Ganze seihg ut, as dat mitunner up'n Utraupeldisch bi'ne Ofschön utseihn deit.

Setten was dat naturgetrugste Runtersei vun ehr leiw Mudding, wat man je erefirt hett; Gesicht un Antoch, Alles stimmte up't Hoor, blos

de Mück, dat dull Ding fehlte noch; sei wir je erst fösstein Johr olt.

So nöhmten denn de beiden Frugenslud binah den ganzen Platz in de Kutsch weg, dat Badding man 'n knapp Flach blewen wir, wo hei sin leiw Allerbestes dahlssetten kunn; de Wein müß hei fast tausam un de Fäut up'nanner holln, un denn man immer fixing ruhig sitten, wenn hei nich Gefohr lopn wull, unner de Gadrow vun sin leiw Frugenslud tau gerahden un sik denn heil un beil tau verbieestern.

So sahg dat in de Kutsch ut, as sei up den Bliisaatschen Hof führen ded. Vadder Kohlhaas haar den Rumpelkasten irst den vörigen Dag sik ranner handelt vör'n Spottpries up dat Pipenbrinksche Gaud, wil de Gaudsbesitter Herr vun Pipenbrink bankerott maht harr un nu sin beten oldmaubschen Krempel vun Gerichtswegen verkösft wir. Tanten Zophie harr dat denn ok recht schön befun'n, dat ehr Mann up den Infall kamen wir, de Kutsch tau köpen, un harr gliest seggt: „Dor föhrt wi morgen mit noch de Bliisaaten; dat bringt de Respect bi, un argern ward sei sik taum Proppen, wenn sei seiht, wi wiet dat wi dat nu all bröggt hewen.“ Un as 't nu losgahn süll nah de Gesellschaft hen, dor harr

Tanten wedder meint: „Awer wi mät nich so tiedig kamen, damit de Gesellschaft irst ganz tau hopen is; denn sei argern sik All, un süllt sik argern!“ Dat wirn slichte Gedanken, doch Tanten Zophie wir einmal so, un so as de Minsch is, so is hei, dor let sik nix mihr in't Deller bi daun; in de Jugend da help de Klatsch mitunner.

Au harr Jemann ran müßt, un wir in 'ne Liweree stecken, de Badding of gliets mit köfft harr; wat äwer eigentlich kein Liweree wir, sonnern 'n Jodei-Antoch, den de Herr vun Pipenbrink mal up'n Weddrieden anhatt harr. De rob Jack, wenn sei man 'n beten vullkamer weßt wir, stünn Jemann denn jo of ganz gaud, un de gel Aneibür wir blos 'n gauden Faut tau fort, so dat de blanken Anei, unsern Jemann tüschen Bür un Stäweln rutkieken deden, un denn of hellischen prall siten ded, dat hei sik jo nich alltauväl rögen un bögen dröffte; „äwer't schadt nix,“ harr Tanten seggt, „dat gehürt sik so!“ un 't mök sik jo of heil fein, as Jemann mit sin brun Gesicht, as 'n leibhaftigen Urangutang, vörn up'n Buuck set, un Tanten sähd of:

„Dat makt sik, dat ward sei mal argen! — Vun den irsten Indruck möt sei All stumm warben. Paß up, Sinnik, wi sei dat Mul uprieten,

Friede, Wat möt, dat möt. I.

2

paß up! De irste Indruck entscheid't; wat de Minsch vör'n Indruck taurst makt, wenn hei irgendwo ankümmt, davör ward hei ümmer holln. Also, Jehann, führ mit Schick, dat Du uns den irsten Indruck nich verdarwst."

„„It will't woll maken,““ segte Jehann un hockte up sinen Buck, as wenn hei de gräßlichst Limweihdaag harr, diweil hei sik nich recht stramm hensenetten kunn, vun wegen de Engigkeit vun sin Limweree.

In dessen Versat kamm nu de Rutsch nöger.

„Hinnik,“ seggte Tanten Zophie liesing, indem sei mit dat eine Og börch't Finster schielte, „Hinnik, kiek, wat sei dor an't Finster staht un mulapen; sei sünd All all dor. Süßst Du, wie Tanten Lena de Ogen upritt? Ja, wie spält jekt 'n anner Kull in de Welt as wi Ji! Hinnik, Du müßt taurst rutstiegen, un mi denn an de Hand rutböhren, dat wi ok mit Anstand ut den Wagen stiegen. Un Jetten, nimm Du Din siden Kleb in Acht, dat Du nahrens an hängn bliwst. Ah, Ji süllt einen schönen Begriff vun uns kriegen; Ji künnst Jug glücklich heiten, dat wi mit Jug äwerhaupt verkehren, un kamt ok noch habenin tau Jug. — Huch! — Ach Herr Je!“

„„De verdammte Steen!““



Dor lag de ganze Rutsch up de Halw, grad vör de Husdöhr, un as ut deipen Grund hörte man de Würt siß mauhsam an de Luft drängen:

„De irste Indruck is verluren!“

„„Huch! — Ach Je!““ schallte dat of tau glieker Tied ut de Stuw, un de ganze Koffe-gesellschaft löp dor dörscheinanner. Jobst wull siß rasch ümdreihn, üm tau Hülp tau lopen, prallte dorbi gegen Tanten Lischen an, de hei wegen ehre Lüttigkeit nich seihg, dat de rügglingß midben in de Stuw henföll un mit de Bein in de Luft rüm stangelte. Unkel Friß süht dit Mäslühr nich, will of ut de Döhr lopen un — perbauß föllt of de äwer Tanten Lischen ehr stangeligen Bein as 'n Klaw Holt taur Jrd. „Jes, Jes!“ röp Tanten Lena dormang, „wat is dit, wat is dit? Wat is mi dat, Jochen, Du seggst jo gornix dortau?“

Jochen, den vör Schreck de lezte Happen noch mang de Thänen set, laute irst den Mund leddig un seggte:

„„Jau, wat sall'n dor Grotß tau seggn. — Kumm Tanten, kumm in de Höcht!““

Tanten äwer was heil un deil blag anlopen, vör Arger un vör Schreck.

Buten mät wi nu irst unsern Jekann mit

dat Jockei-Kostüm upjōken, denn de mōt doch as deinstborer Geist sin Herrschaften taurist tau Hülsp springen. — Je ja, je ja, wo sahg de ut!

„Minsch!“ sähd Jobst, de em taurist gewohr würd, „Minsch, wat sōchst Du denn dor üm Migeli mang de Stickbeern? De sünd jo üm Jehanni riep.“

Jehann satt mit sin Klebaasch in de Stickbeernbeck un harr sik sin Gesicht, Hän' un wat nich all, blödig reten, un sin herrlich Lieweree harr ganz unverschamte Lustlöcker fregen.

„„Je,““ seggte hei, „„de verfluchte Stee — auh! — Taum Dunnerwedder, wo mōt ik hier in so'ne verdamnte Sizung kamen? Herr Jobst, Jes, faten S' mi doch 'n beten an.““

Na, Jobst was em behülplich un Jehann kōm ut de Stickbeern wedder rut; sahg äwer ut as 'n Märtyrer ut'n sōsteinsten Johrhunnert.

Widdewil was Alles vōr de Dōhr kamen, Tanten Vischen höll sik äwer 'n beten vun fiern, denn sei wull sik nich de Gefahr utsetzen, noch mal ümstōtt tau warben.

In den ümgestülpten Wagen, de so lagg, dat de eine Dōhr up de Jrd was, un nich apen gūng; de anner Dōhr dagegen in'n Heben kēf, was ein verworren Geschrei un Gemurmel vun'n „irsten Indruck“ un „natürlicherweise,“ wat

Vadder Koblhaas sik tau begern angewennt harr, dat hei dat up Allns anwendbor make.

Jobst was hier de Erst, de up de Kutsch rup=flaspern ded, mit Mäuh de Döhr apen freg, un nu vun babendahl in dat Geschrei un Gemurmel rinner kiefen ded, as wenn 'n Englänner vun babendahl in den Besuv kiefen deit. „God dam,“ seggte hei un halte dat Band un Blaumengestell an de Luft; „dat Di de Hahn hacht, dor kümmt jo woll am En' 'ne ganze Kunstgarneri taum Börschin!“ un smet Tanten Koblhaasen ehr Müß Tanten Vischen tau, un dröp so schön, dat dat Gestell dat oll lütt Ding grad up'n Kopp flög, de nu dadörch utfahg as wi 'n Weberhex, un äwer dit Utseihn natürlich wedder blag anlo=pen ded.

„Ach du meine Güte!“ jammerte dat ut den Kutschenslag tauhöchten un Tanten Zophie ehr spitze Näs ragte in de Luft. — „Ach du meine Güte, wat is dit vör ein Mallühr! wat is dit vör ein Mallühr!“

„„Dat Di de Hahn hacht!““ prallte Jobst taurügg, damit em de spitze Näs nich in de Ogen steek; „Zophie! wat make Si vör Anstalten!““

„Ach ja, so wat möt uns nu of noch pas=siren!“ —

Na, Tanten Zophie würd nu mauhsam an de Luft halt, un of Jetten löm taum Börschin, blew äwer ümmer achter ehr Mubbing stahn, so dat ehr kein Minsch nich in't Gesicht seihn kunn; sülwst Jochen nich, de sik da sihr üm bemäuhete.

Tanten Lena bewillkamte denn nu Tanten Zophie mit'n Urt vun mitleidig Gesicht; doch äwer in sik: „Sühst Du, dat geschüht Di recht!“

„„Wo is denn Hinnik?““ frög nu Unkel Blisaat.

„Jes, ja, min Mann, min Mann!“

Un min Mann satt unnen up den prowisorischen Boden vun de Kutsch, un harr'n Ramm in't Bein kregen, dat hei nich tau höchten kamen kunn; un taum Siz harr hei sinen eigenen niegen Zilingerhaut wählt.

„Minsch,“ seggte Jobst, „wat huckst Du denn noch dor, as wenn Du 'n Kluckhaun wirst! Kumm doch tau Brett.“

„„Natürlicherweise,““ gaw Unkel Hinnik taur Antwort; „„natürlicherweise hew ik vun dat stiwe Sitten, diweil ik mi nich rögen kunn, indem dat min Dams den ganzen Platz innöhmten, 'n Ramm in't Bein kregen. Wo is Jehann?““

„Je, Jehann,“ seggte Jobst, „de kann sik nich recht seihn laten, hei hett jo sin ganz Klebasch

in Feszen reten, as hei mang de Etickbirn set."

„„Wat? de schöne Liweree, de mi tein Dahler kost hett?""

De Schreck äwer den niegen Verlust, de Zilingerhaut was of hen, jagte den Kamm taum Düwel, un Unkel Hinnik kamm mit sinen breit-gesetzten Zilinger ut de Klapp krupen, um Jehannen uptausöken un em einen gehörigen Marsch tau blasen vun wegen dat Uemsmieten un Kaputrietten vun de Liweree; äwer Jobst höll em wiß un bedübte em, dat dat nich Jehann sin Schuld, sonnern den ollen Rumpelkasten vun Rutsch jin wir.

„„Wat? Rumpelkasten?"" bölkte Hinnik Jobst an; „„Rumpelkasten nennst Du dat? Natürlicherweise, Du hest keinen Verstand dorvun! — Wo'n Herr vun Pipenbrink in utführt is, dat is kein Rumpelkasten! versteihst Du mi?""

„Ja, ja," sähd Jobst, „lat't man gaub wesen, 't is 'n schön Gestell — wull seggen 'n schöne Rutsch."

„„Na, nu kamt man rin,"" sähd Tanten Pischen, de doch of wat seggen wull. „„Nu kamt man rin un varmünnert Juch man 'n beten, dat de Schreck jik wedder ut de Glieder treckt.""

„Ja,“ seggte of noch Tanten Lena spitz, „ein beten harren Ji man noch utbliewen süllt, denn wir de Koffe allwesen, un ik harr woehrhaftig keinen frischen Kakt — üm Guerntwegen“ — wull sei noch seggen, verbet sik äwer noch tau rechter Tied un doch dat blos.

De Gesellschaft güng nu tausamen in de Stuw; äwer mit Tanten Zophie wir't ut; sei harr frielich ehr Blaumengestell wedder up'n Kopp set un de Spitzen un Bänner t'recht zupt; äwer de irste Indruck was verluren gahn, un dat kränkte ehr deip. De spize Näs was noch spizer worden, hung äwer'n beten deiper as vör gewöhnlich, un dat Prahlen vun 'n groten Christoffer güng of nich so vun statten, wat gaud vör Tanten Lena wir, denn so wat kunn de jo doch up'n Dod nich utstahn. Unkel Hinnik was of 'n beten mißgestimmt worden, äwer hei müß denn doch natürlicherweise vertellen, woans hei tau de Kutsch kamen wir, un up den Insall, jinen Kutscher in so'n Apenjack tau stecken.

„Dat Di de Hahn hackt!“ seggte Jobst, „Du bringst dat dor noch hen, dat Di de Großherzog taun Minister orer jüs so'n Geldvertehrer maht. Du heßt forsche Anlagen taun Awangsjiren.“

Sowat smeichelte Unkel Hinnik, un de Unner-

lipp kôm noch 'n beten mihr vörut un dat Ünnerfinn swöll bet an, wat dat ümmer ded, wenn't recht wat gelln süll, orer Hinnik siß in sin Selbstgefäuhl wäuhlte. Tanten Vena gaw ehren Frik 'n lütten Fuch unner't Rugggrat un grimlachte in siß.

Sietdem de Kohlhaafen ankamen wiren, güng dat mit Fochen sin Äten un Drinken nich recht mihr vun Flessen; hei harr an sin grön Sied nu ok noch 'n jung Däm, nemlich Jetten; Fochen satt in eine angenehme Sizung. Jetten äwer beachte Fochen man sihr wenig, orer eigentlich gornich, denn as Dochter vun so fürnehme un rieke Öllern künn sei siß doch unmägelich mit den ollen Dränbartel vun Fochen, de man 'n lütten Halwmaier wir, inlaten. Fochen hadd trotzdem wieder nix nich tau daun, as Jetten in einen furt antaufiesen un unrauhig up'n Stauhl hen un her tau rutschen, wobi hei denn Jetten ümmer so unverwohrens un mit Willn an'n Ellbogen orer süswo stöten ded, wat de natürlich nich beachten kunn. Fochen möß ok ümmer so, as wenn hei wat seggen wull, äwer 't kôm nix rut; dat hadte gewiß achter den välen Bodderkaufen, den hei äten harr.

't wir nich dat irste Mal, wo Jetten Fochen



sin Ogenmagnet west wir; hei harr all lang 'n  
 stille hemliche Leiw mit sik rümmer slept, harr  
 man blos noch nich den Ogenblick packen kunnt,  
 wo hei sei apenbohren dröffte; denn wenn hei  
 mal in Jetten ehr Reg kamen bed, denn wiren  
 da ümmer mihr Lüß tauegen, un dat scharnerte  
 em; tweitens harr hei denn of gewöhnlich, as  
 hüt, 'n beten riecklich äten, wo't denn ümmer  
 achter hacken blew. Tanten Lena harr dat all  
 lang spitz kregen, wat in Jochen vörgung, un  
 dat wir ehr hellschen verdreitlich, denn sei harr  
 ehr Hanne dortau utseihn, up Jochen sinen Hof  
 tau regiren; Jochen schien ehr de best Swieger=  
 sähn tau sin, indem dat hei nich vâl seggen bed,  
 weil hei ümmer doch nix „Grots“ tau seggen  
 harr, un wat Lütts schien em jo woll de Mäuh  
 nich wirth tau sin. So Einer wir am lichsten  
 ünnern Tüffel tau kregen, un ünnern Tüffel  
 müß de Mann, Tanten Lena ehr Ansichten nah,  
 stahn; de Fru müß dat Regiment hewen, süs  
 wir't nix! „Wat weit de Mann vun de Wirth=  
 schaft in'n Hus? Un Einer, de de Wirthschaft  
 nich kennt, kann of nix tau seggen hewen. Bi  
 ehren Mann harr ehr dat utgeteikend glückt,  
 denn de wir jo so'n oll gottsframes Lamm, de  
 kein Kind 'n Hoor krümmte; hei harr sik in de



irst Tied nah de Hochtied Allns gefallen laten, un wer sik in de irst Tied of man 'n beten gefallen let, de mët sik nahs ganz bestimmt Allns gefallen laten.

Na, Tanten Lena smet denn of mitünner ganz infamt grimmige Ogen nah Jochen räwer, woran de sik äwer dörchut nich stöten ded, grahd as Jetten an sin Rieken. Wenn de grimmigen Blick nix utrichten deden, denn plinkte sei ehr Döchtigtau, wat so väl heiten sull, as: „Maß Di doch 'n beten mit em tau daun, unnerholt Jug doch!“ Hanne versöch dat denn jo of as gehursame Dochter, freg äwer of wieder nix as „ja“ un „ne“ ut em rut, wobi hei sei gornichmal ansahg; dat wūr ehr denn doch natürlisch langwielig un sei sähd of wedder nix. Denn versöch Mubbing dat sülwst un seggte:

„Na, Jochen, nu segg doch of mal ein Wurt!“

Un Jochen antwurte:

„„Jau, wat salln den Grots seggn.““ —

De Annern in de Gesellschaft ünnerhölln sik unnerdessen wedder ümschichtig äwer't Weber un äwer de Tieden, as vörher; und Tanten Lischen füng mal, üm of wat tau seggen, vun't Glück an, dat dat doch so männigen Winschen unner de

Arm, un so männigen Minschen so unbarmhartig  
vun sik stöten ded.

„Ach wat,“ sähd hierup Unkel Hinnik mit de  
Unnerlipp, „Di is dat natürlicherwise so vun  
den Paster inpaukt worden, as Du sprickst!“ —

Lischen würd blag. —

„Glück is gornix, rein gornix. Wenn Einer  
'n beten Minschenverstand hett, denn kann hei  
dat tau wat bringen; blos Minschenverstand! Un  
wenn denn Einer dörch sinen Verstand dat tau  
wat bröggt hett, denn seggen de dummen Min-  
schen: hei hett Glück.“

Dumm? — Tanten Lischen löp noch blager an.

„Wat ik bün,“ fohrte Hinnik wieder, „dat  
bün ik dörch mi sülwst, ik will vun kein Glück  
nix weiten. Uemsichtig möt ein wesen, un sin  
Vörbeihl tau benutzen weiten, denn hett man  
Glück!“

„„Soooo?““ kömm lang as 'n Bohnenschacht  
ut Tanten Lena rut, de irst all bi dat Wurd  
dumm hadd losplagen wullt. „„So? Also  
Glück giwt dat nich in de Welt? Un dat wi  
nich wieder kamen sünd, dat liggt an uns'  
Dummheit? Wi harrn also dat ok so wiet  
bringen künnt as Ji, wenn wi nich tau dumm  
wiren?““

Tanten was heßsch falsch, dat kunn man ehr an de Ogen asseihn, sei was nah dran, Sinnik mit all tein Fingern in't Gesicht tau springen. Unkel Fritz gaw ehr'n lütten Fuß in'n Rügg, um sei an Rauß tau vermahren. „„Ne,““ seggte sei, „„buff mi nich; wat tau dull is, is tau dull! So'n Grotprahleri kann ik nich utstahn! Ne, dat is jo rein tau arg; wenn Einer 'n Hümpel Geld in de Bodderi gewinn'n daun deit, will hei den Annern dumm schelln, weil hei nix wun'n hett? Dat 's so'n Dicknuteri, de will'k nich weiten!““

„God dam, nu föllt de Pott intwei!“ brummte Jobst, un Tanten Vischen reterörte achtern Aben, dat sei nich wedder ümlopen worden kunn; denn de Fomili Kuhlhaas rückte mit einen Furdi de Stäuhl vun'n Disch un prallte in'n En', as wenn sei mit Sprungfeddern nah un'ntau verseihn wiren.

„Wat?“ röp Tanten Zophie, „dat nennt man jowoll 'n Stäuhl vör de Döhr setten?“

„„Ja, dat mag man woll so nennen!““ sähd Tanten Lena snippsch un puterroth in'n Gesicht.

„Kinnings!“ föll nu Jobst in, „vertürnt Jug doch nu man blots nich um so'n Klenigkeit.“

„„Ach wat, Kleinigkeit!“ iwerte Tanten Zophie, un Hinnik sähd mit upgesmeten Kopp und breid Unnerlipp:

„Natürlicherweise, Fru Swägerin hett uns unser Deil all lang nich günnt; „dat hett ehr all ümmer kiwWelt, dat wi mihr hewt as sei. Kumm lat uns gahn, Zophie, wi brukt uns jo nich mit solche Lüüd tau bemengen; wi hewt dat nich nöhdig!“

Ho, dat flög Tanten Lena in't Og, dat dat Für dabunfleigen bed, so'ne Geringschätzung! Nu gung't los; sei wull den Schlag taurügggeben, un piel sprung sei vör ehren Swager in de Höcht, un wenn Tanten Zophie dor nich tüschen fohren bed, harr hei sin Ogen man in de Hand, orer süs wo in, tau Hus drägen kunnt; so äwer kreg nu Tanten Lena statt de Ogen 'n Fluhs Hoor tau faten, un Tanten Zophie, de den Fluhs Hoor gehören bed, söch sik nu wedder 'n Fluhs, un — heidi! wat flögen nu stöwten de Hoor in de Luft rüm! Hinnik söch sin Fru tau rebden, un tröck sei achter an'n Rock und sähd:

„Zophie, lat dat doch, lat dat doch; giw Di doch nich mihr mit de Tang af.“

Hanne harr ok 'n Slipp vun ehr Mudding ehren Rock tau faten un blarte: „„Mudding,

Mudding, lat Tanten doch los; kumm doch, lat sei doch gahn!" "Äwer Mudding hürte nich un seihg nich, sei müß ehr Wuth nu löhlen, de all so lang in ehr brennt harr.

Jetten harr of ehr Mudding, as'ehr Vadding, achter an'n' Slipp sat't un jammerte as wi Hanne; un Jochen harr dat Wurt loskregen, dat achter den Bodderlaufen irst behacken blewen wir, un sähd: „Kumm, Jetten," indem hei ehr wedder an'n Noß zuppen ded; „kumm, dat Du nich of wat afkriegen deist; Tanten Vena sleiht 'n gaude Handschrift." Un an Jochen sinen Noßshoot harr Nero, de oll jung Kedenhund de noch tämlisch kalwsch wir, anhaßt un blaffte dor un zuppte dor rümmer, un mahte so dat Ganze vollkamer.

Jobst hümpelte ümmer üm de Grupp rümmer un secundirte mit sinen Krückstoch, un söch den Freden tau stiften, -- äwer ümsünst. „God dam," seggte hei, „wat maht Zi hier vör'n Remedi! Ik bün in männig Slacht wesen, wo't heit hergahn hett, äwer so hewt narrens de Splittern davunflagen, as wi hier." —

Vun de oll lütt Tanten Vischen sahg man blos de hütelfte Spiß vun ehr Näs achtern Aben

ruckieten; sei harr sik fast achter klemmt, um jo sicher tau sin.

Dat ganze Huspersonal kôm natürlisch up dissen Spectakel in de Stubendöhr taum Börschin, äwer blos bet in de Döhr, wieder wagte sik Keiner; da drängte sik Hans un Greten, un Klas un Dürten, un Jehann kôm of, un twors mit de unnellste Hälft in 'n Hem'm, wil hei grahde bi west wir, sin vun Sticksbeern terretene Bür einigermaten wedder tau reperiren; so stünn hei nu dor mit sin Patschent in de Hand, as Stin, dat Stubenmäten, de of wat seihn wull, angerönnt kôm, sik äwer de Hand vör de Ogen höll un glief wedder reterürte indem sei seggte: „Sei sull'n Sif of wat schämen, in so'n Uptoch hier rüm tau lopen. Wat is dat vör'n Manier.“

Jehann hürte dat nich, hei vergeht sik un de Welt, un ret mit de Annern um de Wedd dat Mul bet an beide Uhren up.

Endlich güng de Slacht ehr En'n entgegen. Tanten Lena süfzte deip up un güng en poor Schritt taurügg. Tanten Zophie brök in ludes Weinen ut, wat ehr Döchting 'n Weinekramp näumen deb.

Einen Ogenblick hürte man wieder nix as Clucksen un Weinen un Stöhnen, dunn sprüng

Tanten Lena wedder piel in'n En' as 'n Stahl-  
 fedder, üm noch einmal den Angriff tau wagen;  
 äwer ehr Geist was williger as ehr Fleisch; dartaу  
 kömen Dadding un Döchtling ehr Ruckzuppen, un  
 Mudding sackte in de Knei un föll nu in'n  
 richtigen Amdam.

Tanten Zophie ehr Weinekramp freg of sin  
 En', as äwerhaupt alls Jrbische 'n En' friggt.  
 „Weg! weg! weg nah Hus!“ Hinnik röp nah  
 Jehann! un Jehann was all dor: „„Teuwen  
 S' man einen Ogenblick, bet ik min Bux wedder  
 anhem.““

Äwer ne, nix vun teuwen! Up'n Buß!  
 Angespannt! Börwats! — Börwats! dat brennte  
 achter de Kohlhaasen. Weg, ut dat Hus, wo de  
 irste Indruck so smählich verluren gahn was,  
 un davör annere Indrücke in Tanten Zophie ehr  
 Gesicht sitten blewen wiren un sik blag farwt  
 hadden.

„Min Sünndagsmütz!“ let sei sik noch ver-  
 nehmen, as sei all in de Döhr stün; de künn  
 sei jo of üm Himmelswilln nich in'n Stich laten.  
 Je ja, je ja, wo wir de Mütz? De oll kalwisch  
 Nero slög sik damit üm de Uhren, dat de Bänner  
 un Blaumen davunstöwten. Ratsch ret Tanten  
 sei em weg, un swab — swab harr de oll kalwisch

Gricke, Wat möt, dat möt. I.

3

Röter mit de Müß ein poor äwer't Rüggrat,  
dat hei jämmerlich quiekend davun löp.

„„„Schon doch de Rosen!“““ sähd Jobst, „„„wi  
sünd all in de Tied, wo sei anfangt knapp tau  
warden.““

„Di nehm ik't nich äwel,““ sähd Tante Zophie,  
puterroth in't Gesicht, „denn ik weit, Du büßt  
ebenso albern as dat Beiß vun Dirt.“

„„„Hoho!“““ meinte Jobst, „„„Du just einem  
jo ördentlich in Anseihn bringen, dat näum ik:  
sik revanjerem. God dam!““

Tanten satt in einen Fuhrdi in'n Wagen.

„„„Si äwermaudigen Minschen,“““ brummte  
Jobst in'n Buct, „„„Jur Stelt sall sik oi woll  
noch mal geben. Wer hoch fliggt, de föllt hoch!“““

„Sitten S'?““ röp Jehann.

„„„Ja, man geswin!“““ Un heidi! flög dat  
hochbeinte Dirt vun Rentsch äwer'n Hof. Jochen  
smet hemlich ein poor Kußhän'n achter her.

Bör't Duhr röp Jehann: „Nu möt ik irst 'n  
Ogenblick anholtn; de Jungs kamt süs achter  
uns. Oho, hrrr.“ — Un dormit makte hei  
sik wat an sin Beinwarf tau daun, un knöpte  
bet de gel Leddern wedder sitten bed. „So nu  
jüh!“ —

In de Stuw, wo eben de Slacht flagen, wiren



noch de düttlichen Spuren tau seihn vun dem, wat vörfohn; Alles leg grugelig dörscheinanner; Dischen, Stäuhl, Tassen un Bodderlaufen, Hoorfluß un Müzenbänner, Rosen un Vergißmeinnichts, un middenmang all dit Krams lag Tanten Lena noch ümmer in Swögniß. Unkel Frix un Unkel Jobst un Hanne un all de Deinstbirns stün'n üm ehr rüm un speihten mit Water un tuten ehr in de Uhren, dat 'n Dober harr vun upwaken funnt; Tanten wakte dor denn jo ok endlich vun up.

As Tanten Lena nu wedder in de Reihg wir, da let Tanten Bischen achtern Aben rut sik vernemen: „Ach fat mi doch mal Einer an, ik bün hier fastklemmt!“ Dat arme Worm harr sik in ehr Hartensangst so wiet achterklemmt, dat sei nu nich allein wedder rut kamen funn.

Alle Mann faten denn nu an un tröcken un troschten, as wenn 'n oll gebreklich Schipp up'n Stapel trocken ward; Jobst möß sin Bemerkungen un süng dat „Ohoi“ dortau, woräwer dat lütt Ding bet achter beide Uhren blag anlöp, und as sei befriet wir, ehrn Haut nöhm un „Abschüs“ bö.

Jeder ward sik nu woll sülwst vertellen können wo dat an düssen Abend nah düß' Begebenheit bi Unkel Koblhaas un bi Unkel Blisaat utseihg.

Up beiden Sieden was Rebellutschon in't Gehirn; de Gedanken drängten sik dörcheinanner, as wi de Menschen up'n Kieler Umslag, un beide Partien verschworen sik: nie in ehren Lebe wedder bi einanner vörtauspreken. —

Jochen Pott harr noch lang an den Stänner vun de Burt stahn und in't Blage seken, dorhen wo dat wandschapen Dings vun Rutsch henrullt wir, un harr süßt un tau sik sülwen seggt — bi sik sülwsten künn hei ümmer wat Grots seggn, blot nich in Gegenwart vun anner Lüden: — „Un wenn't 'n Schäpel Weiten kost, Jetten dat möt de Minig werden! — Ik glöw sei mag mi ok. — Morgen in'n Dag gah ik hen und frag de Olln, wat sei ehr Jawurt geben wüllt; un daut sei dat denn nich, denn gah ik hen“ — hier grawelte hei sik mit beiden Füsten in sin gelen Halshoor — „un — segg gornix!“ —

## Dat 2. Kapittel.

Worin: Tanten Zophie krank is un Fru Susemihlen schellt.  
— Tanten kriggt det mit de Langewiel, probirt ehr niege  
Mänting un kümmt derbi in de Huf tau sitten. — Wat is  
'n Pangschon. — Jochen Pott as Heirathskannedat, un wie  
bei derbi jweiten un blag anlopen deit. — Tanten Zophie mët  
sik argern, un Tanten Lena geiht dat ok so.

---

Daags darup lag Tanten Zophie in't Bedd;  
de spize Näs ragte piel in'n En' un lek ut de  
Rüssens 'rut as ein Wegwieser, de den rüigen  
Sünner nah'n Himmel wiesen sall. Tanten  
harr sik dat in de vörige Nacht erinnert, dat,  
wenn führnehme Dams wat Starkes passiren  
ded, sei denn wenigsten drei Daag krank sünd,  
indem dat sei Nerven hewen, de nich Alles ver-  
drägen können. Eine richtige arbeitsame Bursfru  
weit, Gott Low! vun sowat nix. Tanten was  
äwer keine gemeine Bursfru mihr, sei rekente  
sik siet einiger Tied tau de führnehmen Dams,  
un somit müß sei denn jo ok nu nothwendiger-

wies Nerven uptauwiesen hewen, un of wenigstens drei Daag in't Bedd liggen un krank wesen; denn de gistrige Begebenheit wir doch wahrhaftigen Gott keine geringe Begebenheit orer Passirigkeit, as sei't näumen deb, west; ne, dat wir gor tau starken Toback wesen.

Also krank un dat drei Daag! — Mit dessen Entschluß blew sei an dessen Morn in't Bedd beliggen. Vadding un Döchting termäudbarsten sik, wat Mudding woll fehlen kün'n, denn mit Fragen was nix ruttaubringen. „Je, denn möt wi man nah'n Doctor schicken,“ mein Hinnik, „dat kün'n süs ümmer slimmer warden.“

„Ne, ne!““ sähd denn Mudding, „„nich nah'n Docter, dat ward sik woll so wedder verdecken: schickt jo nich nah'n Docter, ik hew dor nix mit in'n Sinn.““ — Ne, sei harr dor nix mit in'n Sinn, de Docter kün'n möglicherwies rutfingeriren, dat sei eigentlich gornig krank wir, un denn köm tau den Schimp noch Schan'n; denn wenn sei of noch so sihr sik anstrenge, Smerzen orer süs wat tau entdecken, so wir ehr dat doch nich mägeliich; sei müß sik sülwst seggen, dat ehr nix fehl.

D'rüm jonich nah'n Docter. Üwer Kamellu würd fast un trechtert, dat dat summ un piep;

dat let Tanten Zophie sik denn ok gefallen, denn etwas müß doch brukt werden, süs künnt ehr Umgebung dat jo ahne 'n Docter marken, dat sei man blos so daun ded. — 't geiht manch leiw Adamsdochter so as uns Tanten; 't liggt Manche daaglang in'n Bedd orer maht süs Anstalten, un ehr fehlt nix, blos dat sei ehrn arm Ehemann dat Leben sur maht, wat so all eben nich nah Sonigtaufen smecht. Wedd sünd krank, wil de Ton dat mit sik bringt, denn dat müß jo 'n Piernatur wesen, de nich in jede Wef wenigsten einmal tau Bedd liggen blieben müß. Bi dat Volk kann dat woll ahne dem gahn, äwer man nich bi de sogenannten Gebildeten. Anner sünd wedder krank ut äwergrote Gefährlichkeit; wenn sei sik mit'n Nadel in'n Finger steken hewen, denn glöwen s', 't künnt'n Blandsturz taur Folg hewen, orer süs doch 'n flimm'n Nahlut, un warden denn ut luter Ängstlichkeit vör flimmen Folgen wirklich dodskrank, un de arm Ehemann hett sin Last mit Raken un Schüern un Waschen un Upwohren, un dröfft denn dortau noch nich mal wat seggen, wenn hei nich vörn geföhllosen ungebillten Minschen gelln will.

„Hinnik!“ seggte Tanten Zophie mit ließe Stimm so gegen halwig nägen tau ehren Mann,

as grad Keiner wieder in de Stuw was. „Hinnik, Du süßst, ik bün sihr angegreden, ik kann jo woll den Dob dorvun kriegen.“

„„Hurrjeh!““ sohrte Hinnik up, „„Zophie, min leiw Zopfi!““ — hei was 'n geplagt Ehmann — „„Natürlicherweise, denn süß, so denn lat mi doch nah'n Docter schiden, dat wi de Krankheit stüren daut, denn —““

„Ne,“ seggte Tanten, bitmal heil lud, „lat mi mit den Docter in Raub; dat ward sik woll so geben. Süß, ik wull nu man mal mit Di spreken vun uns' Kind, uns' Jetten —“ Nu süng sei wedder hell'sch sacht un langsam an, as wenn ehr dat Spreken würklich swor würd — „Vun uns' Jetten — süß, wi hewt dat jo; — Du stimmst liksterwelt mit mi äwerein — Gott Low! — wi künnt drifter uppedden as de Annern —.“

„„Natürlicherweise!““ sähd Hinnik. „„Wer't Geld hett, hett 't Wurd un kann den Düwel dazgen laten.““

„Ja, süß, — wi brukt also uns' Kind, uns' Jetten nich an All un Jeden tau versriegen, — sei kann wat Besonneres kriegen, ik will man seggen, jo'n Eddelmann orer 'n Koopmann in de Stadt.“

„„Natürlicherweise!““

„Old genau is sei nu binah taun Fiegen.  
 — De gistrige Passerigkeit mit de Bliesaatſch  
 — 't deit mi leid dat Fritſ min leimlich Brauder  
 is, äwer hei paßt nich tau uns, dörcht nich!—  
 De Passerigkeit, wull ik man seggen, hett mi  
 hellſchen ſcharnert vör min Dochter, sei harr dat  
 nich seihn müßt. Um nu nich in ehr Gegen-  
 wart noch einmal ſowat tau erleben — un  
 äwerhaupt möt wi dor wat bi daun, dat sei  
 mihr mit de Billung begabt ward, dat sei dat  
 Führrnehmſche loskriggt; denn süs höllt dat ſwor,  
 dat wi sei an den rechten Mann bringen.“

„„Ja, wat denn man, Zophie, wat let ſit  
 denn man dorbi daun? Natürlicherweiſe heſt  
 Du ganz recht, äwer wi künnt unſ' Kind doch  
 ok nich in de wiede Welt rutſtöten, dat dat  
 mang frömmen Minschen ümkümmt?““

„Ja, Hinnik, dat is ok, wat mi nich ſlor is,  
 woans wie dat anfangen. Segg mal, wenn wi  
 Eufemihl da mal um Rath befragen beden; de  
 is doch 'n ganz klauken Mann in deſ' Urt, un  
 is uns ok am irſten gefällig.“

„„Dat is, natürlicherweiſe, 'n ganz ver-  
 nünftigen Gedanken vun di, Zophie, äwer kief  
 mal, dat gript Di doch hellſchen an, hüt äwer  
 ſo'ne Saken tau reden un Di Dinen Kopp

darāwer tau terbreken; lat dat bet morn, hūrst Du?" "

„Ne, Hinnik, wenn’n wat will, denn mōt man ok wat willn, un denn mōt dat glichs gescheen. Hal Du den Rōster man glics ran, hūt mōt wi dat āwerleggn, un ik mōt dor mit hi sin.“

„„Natūrlīcherweise! — Åwer eigentlich is mi dat doch hellisch scharnirlich, den Rōster, wat doch man so’n wrampig Worm is, um Rath tau befragen, so as ik de rieft Bur in’t Dōrp.““

„Hinnik, Du kannst Di jo all ganz gaud den fūhrnehmen Anstrich geben; sūh, Du mōst den Rōster dat nich marken laten, dat wi dat nich fūlwst antaufangu weiten; Du mūst em dat so tau verstahn geben, dat dat ’ne grote Jhr vōr em wir, wenn wi em in de Berahdung vun uns’ Familienangelegenheiten mit mang mengelirten; hei ward dat denn ok woll fōhlen, dat dat wūrlīch vōr em ’ne Jhr is un ward herkamen, un denn maht sik de Sak ganz vun fūlwst, ohne dat hei wat marft. Hūrst Du, Hinnik, nu gah.“

Hinnik mōt sik denn ok up de Strūmp, fehrte āwer in de Dōhr nochmal wedder ūm un seggte: „„Sophie, wat meinst, is’t nich ok beter, wenn



Jehann de Rutsch anspannt un if den Röster  
per Wagen afhalen dau?““

„Hest recht, Hinnik,“ antwurte de franke  
Zophie, „dat bringt em mihr Respect bi.“ —

Hinnik güng rut. Jehann müß gau de bei-  
den Schecken vörspann’n, in sin Apenjack rinkrupen  
un de repererte Bux, de nu alle dütschen Lanns-  
farwen presentirte, denn sei harr mit anner Flicdens  
flickt warden müßt, vun den gelen Lankin was  
nix dawesen; worüm sett hei sik dor of mit in  
de Stiekbirn!

As de Rutsch dicht vör’t Rösterhus ankem,  
röp Hinnik sinen Jehann dörch de Klapp tau:  
„Jehann, nimm Di of in Acht, dat wi nich vör  
den Röster sin Döhr of tau liggen kamt.“ Hei  
dach an gistern Nahmiddag. Hüt güng’t beter;  
mit ’ne gehörig breid Unnerlipp un den Blick  
so’n beten vun habendahl peddte Hinnik bi den  
Röster in, de grad ’n lütten Rüffel vun sin lütt  
Fru kreg, darāwer, dat hei Schultens Stin so  
fründlich „gun Morn“ seggt harr un ehr dorbi  
in de Backen knäpen.

„Un dat segg if Di nu ein- vör allemal,“  
iwerte sei, „wenn Du noch einmal wedder ’n  
starwend Wurt tau de Dirn seggen deist un  
ehr blos antickst mit’n Finger, denn geiht Di

dat gewaltig slicht! So'n ollen Efel! so'n ollen  
 Sünder! so'n — so'n Nägenmürrer! so'n Efel  
 will Köster sin? will Ehman wesen, un grint un  
 lacht jede Strün vun Dirn an? Wat heft Du  
 mit dat Pestür vör? Segg? — Vör mi heft Du  
 nich einmal so'n fründlichen „gun Morn“, vör  
 mi nich, ne, un bün ik Di doch antrugt, mit Liw  
 un Leben bün ik Di. Ik wull leiwer, ik wir'n  
 ollen Bohenschacht orer 'n ollen Henkelpott  
 antrugt, as wi so'n ollen gottvergätnen, nieder-  
 trächtigen Kirl, wat 'n ehrbohren Deiner vun  
 Gottes Wurt wesen will! Oh! — o —“ Fru  
 Köstern kem ut de Pus. Wenn sei ehren Mann  
 so'ne Straspredigt höll, wat sihr oft vörkäm,  
 denn güng dat oll leiw Mundgeschirr wi 'n Pā-  
 permähl, un ümmer in eins furt, hastig un lud,  
 un so'n anstrengende Arbeit hell der Döster 'n  
 Bertelsiünn ut, välweniger so'n swacklich Geschöpf,  
 as uns' Fru Köstern wir.

As Hinrick Kohlhaas mit sin breid Unnerlipp  
 in de Stuw trampen ded, föll den Köster 'n  
 Hunnertpundssteen vun'n Harten; denn nu kunn  
 sin Fru doch nich bi't Bullern klieben, sei muß  
 nu jo up annere Gedanken kamen, woräwer sei  
 denn möglicherwies Schultens Stien un dat fründ-  
 liche „gun Morn“ vergeten kunn. Sei güng

denn nu of, as wir nix passeert, fründlich den rieken Buern entgegen, nöhdigte em dahl un frög mit'n ganz Schock vun Kumpelmenten, wat em denn eigentlich de Jhr verschaffen ded vun dessen hogen Besöf.

Hogen Besöf, dat smeichelte unsern Hinnit nich wenig, und hei tröf sik of glich 'n drei Toll stiwer in'n En' un brög de Lipp noch bet nah vörn, un fef so sührnehmenschen, as hei kunn, wat em anstahn ded, as wenn de Ap in'n Speigel fikt, up unsern arm' spittelichen Röster dahl un seggte: „Natürlicherweise — hm — hm“ — Ja hei harr sik unnerwegens in sin Rutsch so schön darup preferwirt, wat hei den Röster seggn wull, woans hei em inladen wul, mittaufamen; nu was't all wedder sleiten ut sin Gehirn, dat sette em so in Verlegenheit, dat em de dicken Sweitdruppen äwer Back un Näs löpen. — Ja, hm, hei dröff sik of nix vergeben.

„„Na,“““ seggte de Röster, „dat is woll ganz wat Besonneres,“““ un wendte sik tau sin Fru: „„Gah doch mal 'n Ogenblick rute, hörst Du, min Zuckerhauhn? Herr Kohlhaas de hett mi wat tau seggn — un Du weißt ja — Uns paßt nich vör Fragenslud, de künnt nicht Uns weiten!“““

Fru Sujemihlen meinte äwer, dat de Frugenslud irst recht Allns weiten müßten, dat nix gahn kunn, wotau sei nich ehr Meinung geben, un dat harr sei ehren Mann all oft genau seggt; sei was äwer doch 'n gebillte Fru, sei wüß, dat man frömm Lüd nich ümmer de eigenen Familien-Ordnungen un Jurichtungen up de Näs hängn möt, deswegen güng sei denn of mit 'n ganz unschulligen Blick, as 'n Lamm Gottes, un 'n deipen Knix gegen Hiinnik ut de Döhr; grüllte äwer inwennig un was hellschen fallsch up Hiinnik, dat de sei stürt harr in ehr Vermahnungsgeschäft, sei wir nich tau En' kamen, denn dat endte gewöhnlich, dat den Köstler sin Dörköpp orer süs hervorragende Gliedmassen mit ehren lütten Tüffelaßsag Bekanntschaft möken. „Na,“ seggte sei buten bi sik sülwst, „Dat is Di doch nich schenkt!“ dreihete sik snubs üm un höll dat Uhr an't Gläsellock, denn sei was jo of ebenso gaud as anner Frugenslud mit de leiw Mieglichkeit begabt, un müß doch nu hören, wat de rief Bur vör Heimlichkeiten mit ehren Mann hewen kunn. Wer verdenkt ehr dat? De Männer plant't sülwst de Mieglichkeit in de unschülligen Harten; worüm hewt sei so oft Heimlichkeiten, wovun de Fru nix weiten sall? Da is't jo gornich anners mäg-

lich, as dat so'n arm Worm up den Gedanken  
föllt: jaßt doch mal ins ein beten dörch't Slätel-  
lock kiesen.

Na, wi weiten't all, Heimlichkeiten wiren  
ditmal nich in'n Antoch. Hinnik köm allmällich  
so wiet, dat hei den Rööster dat verfloren bed,  
hei müß mit em kamen. De Rööster wir dörchut  
nich afgeneigt, Hinnik sinen Wünschen tau will-  
fahren, indem dat 't dor ogeneschienlich 'n gaud  
Freuhstück bi affmieten bed, un dat wir ümmer  
mittaunehmen; denn sin oll lütt krätig Fru achter't  
Slätellock wir hell'schen ökenomisch, un wüß dat  
Aten ümmer grad so intaurichten, dat dat just  
all wir, wenn hei recht in'n Smaç köm. Eigent-  
lich is so'n ökenomisch wesen heil vâl wirth, de  
Minisch äwerlad jik nich den Magen un tweitens  
hett hei ümmer gauden Appetiet; beides fehlt so  
Manchen so oft, drüm künn Mancher wünschen,  
dat sin Fru so'n praktische Fru wir, as uns' Fru  
Rööstern.

De gaude Apptiet un de schöne Utzicht möß  
denn Susenihl ganz vergnügt; was glief prat,  
harr den Haut all in de Hand un rönnte nah  
de Stubendöhr, bauts flög sei apen un — per-  
bauts — en luden Schrieg un dor lag de öke-  
nomische Fru un krümmte sik as 'n Worm up

de Dähl; de Näs höll sei mit beiden Hän'n fast, worut dat Bland glieds so pieplings rutlöp, as dat Water vun de Regenschirmstimpfen, wenn't Burjungs regent. — Da, dat kümmt vun de Nieglichkeit!

De arm Köster was of in den sülbigen Ogenblick ganz un gar ut sinen vergnögten Himmel rute solln, un freg dat mit'n dägd Bittern, denn hei wüß, dat dat em nu heßsch slicht gahn würd. Hinnik — denn Susemihl wüß sik in den Ogenblick nich tau faten — versöchte, de Fru Köstern wedder up de Bein tau kriegen, wat sei em denn of mit'n dankboren Blick gaud wüß, äwer of tauglied 'n Blick up ehr slichte Hälft smieten ded, de den bet in'n lütten Thön tröf as iskölliges Water, un em so vål seggte, as: Kumm Du mi man irst allein wedder unner de Ogen, denn friggst Du Din Fett! Darup reterürte sei in de Käf, üm den Kopp, de ganz unverschamten an tau swilln süng, in'n Emmer Water tau steken, un löp nahs, as de beiden Mannslüd weg wiren, in de Stuw hen un her as 'n dull Ding, un luerte up, dat sik ehr Opferlamm wedder seihn laten süll.

As Hinnik vun sin frant Fru gahn wir, was de allein in't Hus bleben, denn Jetten was mit

de Knechts un Mätens nah't Nahmatt. 't was 'n prächtigen Morgen, so warm un schön, dat de Fleigen sit noch mal so recht verlustirten un in ganze Drummels up'n Disch, unner de Deck un up'n Fautborn hen un her schöten un sit an de Brodkröms un Bobberklacksen, de hier un dor legen, recht gemüthlich beden. Tanten lag dor in den Alkoven un kek mit de spiße Näs twischen de Gardinen döör un argerte sit äwer dat lustige Weih, denn äwer ehr Dochter ehr Taufunft kunn sei nu doch nich ihrer irnstlich nahdenken, as bet de Köster dor wesen wir. Jes, wat was dat langwielig, so allein mit 'n gesunn'n Korpus an'n heiligen Daag in'n Bedd tau liggn; dat kunn of Tanten Zophie nich uthollen.

„Wat Pump!“ seggte sei bi sit, „so lang will it upstahn, bet sei kamt.“ Un der Deuwel hal! sei bed't; sei stün up un güng in ehren bebrängten Kleidungsümstänn mit de grot Nachmütz mit'n Swinsmagensnitt up'n Kopp in de Stuw hen un her mang de Fleigen, Brodkröms un Bobberklacksen; doch dat wör ehr taulezt of langwielig. Da föll ehr in, dat ehr leiw Hinnik ehr jo 'ne niege Mänting schenkt harr tau ehren Geburtsdag, un dat sit dat noch ümmer nich brapen harr, de mal recht ümtauprobiren un sit vör de



Nahwers dormit seihn tau laten. Wo wir't, wenn sei nu de Mänting 'n beten ümbünn un siß dormit vör'n Spiegel stellte? De leiwen Evasdöchter sünd taufreden, wenn ehr Puß Nümms seihn kann, wenn sei siß denn man sülwst in ehren Puß seiht. So of uns' Tanten Zophie. Fuch, fuch; sei up de barwsten Fäut nah't Kleber-spinnt un' de Mänting rutgehalt un ümgebunn'n, vör't Spiegel gestellt un ringeketen. „Jes, wat sei mi nett sitten deit, dat ward de Annern mal argern, wenn't nu irst köller ward un iß mi dormit in't Dörp seihn laten kann. 't is de niegst Mod, as sei de Stadtdams drägen.“ So äwer siß sülwst un ehr Mänting siß freuend, strebelte sei sei ümmer mit de Hänn'n nah dahlwats, as wenn't 'n Muskat wir.

Je, 't wir of 'n heil prächtig Mänting un sei stün ehr of heil schön, man müß bloß nich nah unnwats seihn, wo't wegen de bebrängten Kleidungsümstänn nich ganz besonnens laten bed. Tanten Zophie stünn so nu woll 'n tein Minuten, strafelte, swögte un freute siß, un sei was ganz in siß weg, as mit enmal de Döhr apen reten würd un uns lütt spittellich Röstler, un achter em ehr Hinnik rintreden deden. „Huch!“ seggte Tanten un rutschte in de Huf tausamen



un satt nu dor mit de Mänting as 'n Hauhn wat bröden deit.

„„Herr Gott Zophie!““ seggte Hinnik, wo kannst Du Di in Din Krankheit so vergeten un ut't Bedd gahn, Du müßt Di jo natürlicherweise up'n Dod verküßn!““ .

„Rut! rut!“ röp Tanten Zophie un schupste den Köster sin Hand trügg, de hei ehr truhartig henreden ded un sik nich slicht wunnerte, wat de ehrbohr Fru Kohlhaasen hier vör Manöwers bedriewen ded. „Rut! rut!“ röp sei, un höß de en Hand vör de Ogen un mit de anner de Mäting un'n tausam. —

Na, Hinnik tröck denn den Köster vun achtern an de Rockslippen wedder mit sik ut de Döhr, un Tanten reterürte mit Mänting un Allns in't Bedd, schämte sik so bägg, dat sei gor kein Antwort vun sik geben ded, as Hinnik sin Näs dörch de Döhrenriß steß un frög: „Zophie, künnst wi nu kamen?“ Endlich let sei denn so'n liesen Lub vun sik hören, un Hinnik treckte taun zweitenmal mit den Köster in de Stuw.

Tanten pößte sik denn nu of bald ut dat Unangenehme herut, un dat Gespräch breihte sik up Jetten ehr Billung, wobi de Köster ümmer nah den Disch henkel, wo de Fleigen an de

Äwerreste vun enen Äwerfluß sik verlustirten; hei lek mit en Gesicht, as wenn hei de Fleigen beneiden ded, un wat of würllich de Fall wir, denn dat Freuhstüek let noch ümmer up sik töwen, wat hei all so schön sik utmalt, un wo hei all in'n Geist de Fingern nah licht harr. Ganz mißgestimmt würd de oll arm Köster, as Tanten Bophie em apenborte, dat sei em girn en beten. Vermünnerung vörsetten wull, äwer dat sach hei woll in, dat sei wegen ehr Krankheit nich rutgahn kunn; Hinnik dröffte sik doch nich so wiet vergeten un Deinstbirnsarbeit daun, un anners was jo kein Minsch in't Hus. „Also,“ sähb sei, „nehmen S' 't man nich äwel.“ Dat was hellschen fatal; Eusemihl müß frielich so daun ut Höflichkeit, as wenn hei dörchut of nix annehmen wür, wenn sei em of wat vörsetten. 't was würllich sihr fatal un unangenehm. De Utsicht up dat schöne Freuhstüek harr sinen süs all nich lütten Apptiet noch verduwewelt, un nu gornix? All de schönen Wüst un Schinken, de em up den ganzen Weg all ümmer vör Ogen danzt hadden, schrumpften nu mit enmal so tausam, dat man blos noch de Gluhs un afgelickte Knaken dor rümsweuten. Je, un dorbi den Hunger, den Apptiet, un denn ut verdamnte Höf-

lichkeit of noch tau leigen, noch tau seggen: Ik dank, maken S' sik jo kein Umständ! Dat is sihr fatal.

So würd denn nu of ut unsern Susemihl wat süs 'n heilsch gespräkigen un fidelen Mann wir, mit enmal 'n sihr kollen einbönigen Kirl; de Erinnerung an sin beter Hälft, de tau Hus up em luern deb, deb of ehr Deil dortau, dat dat Tanten Zophie bannig swor würd, dat ut den Köster ruttaubringen, worüm sei em eigentlich halen laten harr.

Hinnik künn in so'n Angelegenheiten gor kein Würd maken, den güng dat denn binah so as Jochen Pott de ümmer nix Grotz seggn künn.

Tanten kreg äwer doch nah un nah so völ ut den Köster rut, dat dat Best' vör ehr Jetten wir, wenn sei ehr Jetten nah de Stadt in Pangschon schiden deb. „Wat is Pangschon?“ frög sei ehren Mann lief in't Uhr. „„Ja, ik weit dat jo of nich;““ sähd Hinnik wedder eben so liesing in Zophi ehr Uhr.

„Ja, denn müßt Du mal den Köster up'n schidlich Wies fragen daun; äwer dat hei den Respect nich verlieren deit.“

Un Unkel füng denn of an: „„Jah, Pangschon — Pangschon — dat mag woll ganz gaub

fin mit de Pangschon vör uns' Dochter, äwer — äwer wo is dat man glief doch noch mit so'n Pangschon?"" —

„Je,“ kôm Zophie dormang, „dat weißt Du doch woll.“ Sei wüß't jo irst recht nich, äwer des' Bemerkung müß doch den Schien affmieten, as wenn sei't beid gaud wüßten, dor man blos nich up kamen kunn'n, as güng ehr dat so as oll Boß, de of ümmer nich up kamen kunn up't Pird, den ümmer irst Einer nahböhren müß.

„„Jh,““ seggt Hinnik, as de Röster noch ümmer nich nahböhrete:

„„Dat Einen dat doch so ganz ut'n Sinn kamen kann, wat dat vör'n Dings is, so'n Pangschon. „Je, ik hew dat doch so gaud wüßt, as wi ik weit, dat tein und vier twölfs sind.““

Susemihl säh noch ümmer nix, hei dach noch an dat verlurngahn Freuhstück.

„„Herr Susemihl, helpen S' mi doch up de Gedanken vun wegen de Pangschon.““

Nah un nah kôm de den so wiet, hei müß de Wustsluhs un de Schinkenknaken ut 't Finster smieten un Hinnik dat ut'nanner setten, woans dat bat mit'n 'n Pangschon is.

„„Ja 't is recht,““ seggte Hinnik, as Susemihl mit de Ut'nannersetzung prat wir. „„'t is

recht; ja, dat ward dat Allerbest vör uns' Zetten sin."

„Ja,“ meinte Tanten Zophie, dat is denn man, dat is denn nich mihr äwer min Döchtling waken kann; dat deit mi doch led, sei unner luter frömme Lüüd tau weiten. — Doch wenn't nich helpt, denn helpt dat nich; dat is jo of nich anners möglich, uns' Stand de verlangt dat jo so, dat wi uns' Tochter so'n Erredung geneiten laten. Wi hewt jo dat Geld, wi dröfft dat dor nich up ankamen laten; un denn driggt dat jo of sin Zinsen, wenn Zetten dadörch gne' Fru orer süs doch so wat worden deit. — Hinnik da müßt Du Di denn man in dessen Dagen glief up'n Strümp maken und nah de Stadt führen, damit dat Du 'n richtige Pangschon upgabeln deist, wo wi s' denn henschicken künnt."

„Natürlicherweise,“ antwurte Hinnik un de Ünnerlipp köm wedder bet breder taum Börschin; dörch dat Richweiten vun wegen de Pangschon wir sei ganz lütting worden, wo't nu äwer wedder güll sit tau bosten, da köm denn of de Lipp wedder paßig hervor.

„Dat Best äwer wir“ — flüsterte Zophie, ehr spiß Näs in Hinnik sin Uhr — „min Meinung nah, wenn Du den Röster dormit hennehmen

best, de weit doch bäter in de Stadt bescheib, as wi Du, hei is dor jo as Semmelkrist orer Provatlehrer wesen."

„„Natürlicherweise,““ seggte Hinnik, de dor all in Stilln bi hang worden wir, dat hei möglicherwies gor kein Pangschon utfünnig maken würd; hei seggte lud tau den Köster:

„„Herr Susemihl, un wenn Sei dat 'n Plesir maken daun deit, denn fall mi dat ok natürlicherweise 'n Vergnügen sin, wenn sei mit mi nah Swerin reisen beden; wat meinen S', wenn wi uns taum Sünnaabend inrichten, denn gaht jo doch Seier Wiegelsferien an, un Sei versümen nix dorbi; Seier Fru ward dor jo woll mit inverstahn sin?““

„Jah, wenn s' dat man is,“ antwurte Susemihl ganz dünn, hei würd daran denken, wat em bevorstün; wenn hei nu tau Hus kem, denn dröffte hei um Himmelwilln nix vun tau Stadt führen reden, dat was nun enmal Fru Susemihle ehr Dob, wenn ehr leiw slichtere Hälft ahn ehr 'n Vergnögung mitmöß. „Ik bün süs girn dabi,“ sette hei nah 'n lütt Besin'n hentau.

„„Na topp!““ seggte Hinnik, „„also 'n Sünnaabend —““

Bum — bum — bum — kloppte wer an de

Stubendöhr in dessen Momang. — Ihre wi den Klopfer inlaten daut, wüllt wi em 'n beten buten beseihn, un seihn, wo hei herkümmt, denn Ein steiht doch nich glieds man so bats vör de Stubendöhr; Ein kümmt denn doch of woher, un dat hett denn doch of 'n Ursak. De Ursak hier was Jochen Pott sin Leiw tau Jetten Kohlhaas, un de vör de Stubendöhr was Jochen Pott sülwst eigenhännig.

De ganze Nacht harr Jochen sit mit sin Gedanken rümklagbalgt un harr kein Og nich tau habbd. Hei harr 'n groten Slachtplan upsmeten, den hei hüt dörchtausetten Willns wir. „Wat,“ harr hei dacht; wenn hei denken deb, denn dach hei ümmer forsch vun de Leber weg, ganz as jeder anner ihrlich Minsch, blos in Gegenwart vun anner Lüb wüllt nich recht mit de Sprak. Also, „wat,“ harr hei dacht, „'t is all as 't is; helpen helpt dat nu jo doch einmal nich, un wat möt dat möt, un de Minsch möt friegen! Wenn ik mi noch lang besin'n dau, denn snappt mi noch gor en Anner dat Mäten vör de Näs weg un ik kann in'n Maan lieken as de Ap in'n Spiegel. 't is man blos um de Würd, mi föllt, wenn ik so vör ehr stahn dau, nix nich in; un wenn sei mi denn mit ehr groten



Ogen so ankieken deit, denn föllt mi dat, wat ik wüß, of noch in'n Dreck. Ik möt mi hüt mal tauhepen nehmen; 't is nu enmal so'n Bestimmung, dat ik dat Mäten hewen möt. Wat möt, dat möt, un helpen helpt dat nich un töwen dörf ik nich; also gah ik man hüt glieks nah de Olln ran un holl üm Jetten ehr Hand in alln Thren an un segg: Wat möt, dat möt, un ik möt friegen un — ja — un — un da de Dugenden vun Jur Dochter mi angrepen hewt — un ik inseihn hew, dat mi Jur Dochter an't Hart wussen is — un ik nich ahn Jur Dochter leben kann, — so bün ik kamen, üm as sik dat gehört, in allen Thren üm Jur Dochter ehr Hand antauholn. — — Zi weit't, wo't mit mi stahn deit, wat ik intaukamen hew un woans ik 't Jur Dochter beiden kann. Bäl hew ik nich, äwer naug is't doch, darüm frag ich Jug: Call ik Jur Dochter hewn orer nich? — Je, un wenn sei denn „Ne“ seggn daut? — Je, wat denn? Denn bün ik jo woll kumpabel un häng mi up — ik dau mi wat taum leben. Äwer wat, de seggt of nich ne; ik bün jo 'n ihrlichen Kirl, un wenn de Olln nich mihr wirthschaften mägt, denn föllt de Häuw tau min, un de Olln sett sik up't Ollndeil; wat stahst sei denn ut? — “



So mit des' Gedanken un noch annere, wi't später denn up sinen Hof utseih'n würd, slög Jochen siß de Nacht herümmer, un as kum de Sün'n äwer de Hals räwerkieken ded mit dat eine Og, da stünn hei all fix un jahrig ange-trocken vor sin Rath un röp den leimen Herrgott an, dat de doch in des' Sak up sin Sied treden müg. Darup süng hei an iwig Blaumen tau snieden un de Blaumen tau einen Struß tau-sam tau wrummeln, un as de jahrig wir, würd de an'n Bussen, man blos noch tau Bröw, steken, un nu würd noch einen Struß bun'n, wobi Jochen halwslud vör siß hen sähd: „De is vör ehr —“

„„Dat Di de Hahn haßt!““ röp 'ne Stimm in dessen Ogenblick äwer'n Tuh'n her, un in de sülwig Richtung, wo de Stimm herköm, da glänzte, vun de güll'n Morgensün'n beschient, Jobst sin robe Näs räwer as 'n Rubin ut de griese Asch.

„„Jochen, wat bedüd dat? Wat maßt nu?““

„Je,“ segte Jochen ganz verlegen, „Jobst dat will ik Di nahsten seggn.“

„„God dam, Minsch, Du kümmt mi vör as 'n Heirathskannedaten; segg, Du büßt doch woll nich gor up so'n verblennten Weg? Wat heit mi dat mit Din Blaumenwerkstam? Wat?““

„D, nix nich.“

„„Mensch, ik rahb Di as Din best Fründ:  
Gah nich up bösen Wegen!““

„Johst, ik segg Di blos so<sup>väl</sup>: Wat möt, dat  
möt!“

„„Jochen, dat is of 'n ganz richtigen Gedanken  
vun Di, darin hest Du recht; äwer de Mensch  
de irrt sik of mitunner un süht dat vör noth-  
wennig an, wat all sin Lebe kein Nothwendigkeit  
vör em is, wat em blos tau sin Schaden is.  
Segg mi in alln Ernst, wat hest Du vör un  
wat wullt Du? Wat möt denn?““ —

„Na,“ seggt Jochen un ke<sup>t</sup> sik uppn Ehönen,  
„Du friggst dat jo doch einmal tau weiten, ik möt  
un will friegen.“

„„Kunn 't mi woll denken nah desse An-  
stalten, de Du bedriwen deist. Äwer Mensch,  
bedenk mal, in wat vör ein Elend Du Di sülwst  
stötst; bedenk Din En'n! doch Du büst noch tau  
jung, Du kannst dat noch nich bedenken, drüm  
lat doch wenigstens Di rahben vun'n vernünftigen  
un'n erfohrn Menschen, as wi ik bün; lat Di  
segg, Jochen: wer friet is de grööst Esel, den  
jemals de Sünne beschieht hett.““

„Denn was min Vaber of ein.“

„„Gewiß! dat is wöhr, hei hett of nich up

Rosen wannelt in sinen Ehstand; hei hett damals vör sin Hochzeit woll keinen Minschen hadd, de vör em in de Bucht sprungen is; it was damals noch nich hier. Jochen, wenn Du nu noch friegen wist, da it Di warn dau un Di bibben dau, denn büst Du noch mihr as 'n Esel; God dam, denn büst Du 'n Schaapskopp! Süh, Ehstand is 'n Wehstand, hett sik noch all min Daag so lang as it denken kann bewiest; it hew reist, it hew in Nördn un in Süden de Minschen betracht, un hew fun'n, dat sei narrens dörrch de Friegeratschon glücklich worden sind, dat narrens dat in Erfüllung gahn is, wat sei hofft hewen; de Friegeratschon hett sei oll in't Unglück störrt! Süh, wat fehlt mi? Ik kann gahn un kamen, wenn it will, mi brummt kein Minsch nich wat; it hew nich nöhdig Gebinenpredigten tautauhören un wat nich süs noch allerlei Unannehmlichkeiten vörfalln. Wist Du nu vernünftig sin, denn stek Di de Blaumenbouquetters in 'n Blaumenwas' un freu Di daräwer, so lang as sei sik frisch holst; äwer wieder hebriew nix damit, hörst Du, Jochen? Si vernünftig!" "

„Je, Jobst, wat möt, dat möt.“

„God dam! papperlapapp, jo'n Dummheit möt nich! mak mi nich irst falsch mit Din dumm

Redensurt.““ Jobst jin Ogen fungen an tau lüchten un jin Näs funkelte mang den dicken Tobacksdamp, de ut den lütten swartgeblöckerten Kalkstummel uptreckte, as 'n glönige Rahl in'n Backawen, wat en seker Zeiken was, dat hei sik dägd argerte; ja, hei argerte sik äwer Jochen sinen Unverstand, dat he sik nich vermähnen laten wull un ümmer wedder mit sin dämlisch „wat möt, dat möt“ anköm, wenn hei meinte, dat hei em nu rüm harr. Un as Jochen noch sähb:

„Jf hew mi dat naug äwerleggt!“ plakzte Jobst los:

„„'n Dreck heft Du Di äwerleggt! sünst wirst Du woll up vernünftigere Gedanken verfalln. Jf sei, Du büst steinpöttig; gah, gah meintwegen direktemang in't Mallühr herinner; äwer kumm nich naher un jammer mi de Uhren vull, wo Di dat gahn deit; if hew Di naug warnt, 't is äwer ümmer so, ihre de Uhl sik nich de Flüchten verbrennt, ihre let sei nich nah, in't Licht tau steigen.““

Bauts fährte Jobst sik üm, humpelte stramm 'n En'n lang weg, dreihete sik äwer noch einmal üm un keß wedder mit sin Nässtück äwern Tuhn. „„Jochen, min Sähn,““ sähb hei in'n weissen Ton, köm ganz wedder taurügg ün freg Jochen bi de Hand tau faten — „„Jochen, slah in Di,

besinn Di; ik hew Di nu de Ogen upknöpt, glöw wat ik Di seggn dau.““

„Je, seggte Jochen, wat sall'n dorbi maken, wat de Natur einmal in uns leggt hett; friegen möt sin, un denn süh, jede Pogg in'n Maanschin hett jo sin Wiw, dor süllt wi Minschen 'n Bie-spill an nehmen.“

„„Ach wat, Pogg hier, Pogg dor; wen Du 'n Pogg wirst, denn würd ik Di nich asrahden. Poggen un all dat anner Beih de hewt nix tau sorgen, wenn de Jungen geburen sünd, denn helpt dat sik sülwst dörch de Welt; Minschen-finner äwer de wüllt irst twintig Johr olt warben, un denn künnt sei ok noch nich 'nmal up ehr eigen Häut stahn un mät sik ümmer noch up Baddern orer Muddern stütten, de ehr leiwe Noth oft dormit hewt. Doch dat is dat Wenigst, dat is gornix; äwer mit en Fru äwerein tau kamen, dat is de Knuppen, den de gescheitsten Köpp nich lösen künnt. Kief, en Frugenstimmer hett lang Hoor un korten Verstand, plegt man tau seggn, un dat is ok so. Wenn'n Mann de gescheitsten Infall vun de Welt hett, so'n Frugenstimmer kann dat nich inseihn, kann de Gescheitigkeit nich begriepen, un is mit aller Kraft un List gegen den Mann sin Infall; in Listigkeit is so'n

Frugensstimmer heilsch fix, sei äwerlistet den arm  
 ihrlich denkenden Mann mit sin Gescheitigkeit,  
 un wat hei sik of asmaracht, hei kümmt tau nix.  
 De Frugens sind de Hemmschauhs vun den  
 Furtshritt; sei sünd de Felssteins, de den Furt-  
 schritt in'n Weg liggn, wenn de nich wiren, wi  
 Minschen wiren all vâl wieder in de Welt,  
 Jochen, dat lat Di seggn, dat kannst Du glöben.  
 Wenn Du nu Dinen Hof, Din Wesen vergrößern  
 wist, statt tau Grun'n richten, denn slah Di de  
 Heirathsgeanken ut'n Kopp un lew glücklich,  
 Jochen, ik will Di ümmer taur Sied stahn mit  
 Rath un Dath, un denn kannst Du mi jo vör  
 Din Fru anseihn, wenn Du dörschut wen um  
 Di hewen möst.""

„Je, Jobst,“ meinte Jochen nu, „dor hürt  
 doch woll en beten starke Inbillungskraft tau,  
 de ik denn doch nich hew, un wenn Du Di of  
 in'n egengemaften Unnerroß stecken deist.“

„„Jochen!““ fohrte nu Jobst wedder up,  
 „„lat dat Späßen sin, ik bün furchtbor irnst  
 gestimmt un kann dat nich lieben, wenn mi Einer  
 lächerlich unner de Ogen geht in dessen Moment;  
 taumal da ik dat gaub meinen dau.““

„Ik weit nich,“ seggte Jochen, „wat Di  
 eigentlich de Frugenslüb dahn hewt; was doch

Din Mudder of'n Frugensstimmer; un wenn Du dat würllich gaud meinst mit mi, wat ik girn glöwen dau, denn bedank ik mi vālmals bi Di vōr Dinen gauden Rath, āwer annehmen kann ik em nich; denn ik hew dat nu einmal bi mi beslaten un will dat mal up minen Ünnergang wagen, wo Du so bang vōr büst."

Jobst sähd gornix mihr, breihste sik taum tweiten Mal üm un güng, bitmal ahn wedder taurügg tau kamen, nah Kröger Lüttmann un erklärte vōr de anwesenden Gäst Jochen Pott vōr'n dummen Jungn, un prophezeite, dat nix ut em warde kunn. De Gäst lachten, wiel sei Jobst sinen Frugenshaß kennten; harrn sik dor wieder nix bi dacht, oer dacht mit Jochen, wiel sei doch grōtsendeils all girn Frugenslud lieben muchen: „Jobst is nich klaut, Friegeu mōt sin. Arbeidn, Friegeu un Äten un Drinkeu dat sünd de irsten vier Gebote.

Jochen keß Jobst 'n Tiedlang nah un dach in sik: „Wenn ik dor wat bi daun kunn, den mōt ik dat, dat de oll griesgramme Kirl sik noch in sin ollen Dagen bet āwer de Uhren verleiven deb; lachte darup un fleut'te sin Stüdschen un würd ganz lustig, wedderhalte denn un wenn sin Anred, de hei an de Olln holln wull, un



as't so hen tau nägen güng, fohrte hei in sin  
 sünndagsch Bür, halte den blagen Kunfermat-  
 schonsrock ul't Kleiderspint, den hogen Haut un  
 de swart sieben Hanschen, de sieben West mit  
 de twei Reihg blank Knöp dörfte natürlich of  
 nich fehlen; dat ein Blaumenbouquet würd vör  
 de Post steken un dat anner nöhm hei in de  
 Hand. So trippelte hei nu 'n Stünn vör'n  
 Spiegel up un dahl; strafelte denn un wenn de  
 gelen Flahghoor bet achter'n Uhren, un zuppte  
 hier un zuppte dor, un ümmer höll em dat noch  
 taurügg, noch ümmer kunn hei sik nich entsluten,  
 den Gang tau gahn, de em in sin Glück lebden  
 süll. Bannig bullerte em dat Hart in't Liew, un  
 noch niemals in sinen ganzen Leben wir em wat  
 so swor solln, as des' Gang.

Endlich doch fot Jochen sin Hart mit beide  
 Füß an un — hei stunn buten vör de Döhr,  
 hei was up'n Weg, un nu man grab dör; un  
 richtig, obschons dat Hart em hell'sch tau Rih  
 güng, Jochen let sik nich verbiestern, hei köm up  
 Kohlhaasens Hof an; hier würd dat Bullern in de  
 Post äwer noch duller, un hei kunn so absolute-  
 mang nich intreden, em wir, as wenn em de  
 Athen haben in de Kehl behacken blew. Hei  
 versöck vun de ein Sied mit dat ein Og in't



Finster tau tiefen, üm sik tau äwertügen, ob of nūms Fröms in de Stuw wir, denn denn kunn hei dörchut nich mit sin Gewarw tau Schick kamen. Ne, hei sahg keinen Minschen in de Stuw; uns' Drei, de seiten in de ein Eck, de man vun Jochen sin Standpunkt ut nich seihn kunn. Nu keß hei sik rundüm, ob em of Keiner seihn harr; da Einer harr'em seihn, dat was Pluto, de oll Rādenhund, de nu 'n mörderlichen Spectakel anfüng, dat dat de höchste Tied vör Jochen würd, dat hei in't Hus kem, wenn man em nich dor achter't Finster in sin Hochtiedsbirrerantoch drapen süll.

So, nu enmal in't Hus rindrewen, güng hei denn of stramm up de Stubendöhr los, nehm sin ganz Kurahsch tausamen un bullerte mit all sief Knäwel an de Döhr, as wi all weiten. Köster Susemihl was bi dat Ankloppen piel in 'n En'n sprungn, denn hei doch grad an sin leiw Fru, wat de dortau seggn würd, wenn hei 'n Sünnaabend nah Swerin führen wull; hei was heil un deil in sin Gedanken weg un wull sik grad de Antwort maken, de em werden würd. Dat Ankloppen bröck em tau sik sülwst, äwer hei was nu nix anners vermauden, as sin leiw Runnigunde; hei harr jo noch 'n Schinken bi ehr in Solt; wenn de em nu gor hier upstöck, denn

slög't Gewitter in, dat wüß hei; also kein Wunner,  
dat hei an Hänn un Fäut tau bebern anfäng.

Hinnik lüchte sik bet inne Höcht, röp fort weg  
„rin!“ un Tanten Zophie tröck sich dat Awer=  
bedd äwern Kopp, so dat sei nich tau seihn wir.  
Up Hinnik sin „rin“ makte Jochen bebernd un  
verzagt de Döhr apen, un freg 'n hellschen Prell,  
as hei den Köster dor stahn seihg, de utsahg, as  
wenn Hinnik sik 'n Kirl utstoppt harr, den hei  
in de Arwten, vun wegen de Späzen, setten wull.

Hinnik möß grot Ogen, de Blaumenstrüß  
schienen em so wat Besonneres tau verkündn.  
„Na Jochen?“ seggte hei, „Du sühst jo natür=  
licherweise ut wi 'n Köstbirrer, wat hest Du denn  
up'n Harten?“

Jochen was dat Hart in'n Stäwel sackt, as  
hei seihn, dat de Fomili Kuhlhaas nich allein wir;  
de Sprak blew em in de Gördel behacken, so dat  
hei puterroth utseihn würd un de Sweit em in  
dicken Druppen vun de Näs un äwer de Backen  
löp. „„O — och,“““ köm so bilütten rut; „„och  
Unkel, ick wull Sei girn allei“““ — hier slöck hei  
mal drög dahl — „„girn allein ünner vier  
Ogen —“““ Klacks full'n Sweitdruppen up de  
Br; so hellschen grep em dat an.

„Dat möt denn jo woll natürlicherweise wat

sich Wichtiges sin. O, Herr Susemihl, bet 'n Sünnaabend, wat?"

„Jawoll, bet 'n Sünnaabend;“ seggte Susemihl un reterürte ut de Stubendöhr herut.

„Na, nu legg man los, Jochen,“ seggte Hinnik.

Jochen drögte mit'n Rockslippen sik dat Gesicht af un würd heil un deil blag dorbi utseihn, denn de oll blag Rock, de mal frisch upfarmt wir, farmte gefährlichen af.

„Je, Unkel,“ füng Jochen nu an; „wat möt, dat möt —“

„Da heft Du natürlicherweise recht,“ unnerbrök em Hinnik, un tek äwerwendlich up em dahl. Up Unnerbrekungen was Jochen nich instudirt, un deswegen müß hei sin Red nochmal anfangn:

„Wat möt, dat möt; ik möt friegen —“ Klacks full wedder 'n Druppen up de Ir' un Jochen drögte wedder un würd noch blager, wat hei jowoll marken müß, denn hei füng an tau bebern — „möt dat möt — möt friegen — da de Dugenden vun Jur Dochter —“

„De hett sei —“ wull Hinnik ünnerbreken, äwer ditmal let Jochen sik nich ünnerbreken; „mi angrepen hewt —“

„Ja, Du sühst ganz angerepen ut,“ meinte Hinnik.

„„Ja,““ seggte Jochen, drögte nochmal un doch dorbi: „„Jes, wat is't doch vör'n swor Stüß, so'n Heirathsandrag. Je, äwer nu was hei wedder ut de Ned solln. Hei besünn sik — angrepen — ja, angrepen was dat Letzte west; also: „„hewt; un da ik inseihn hew, dat mi Jur Dochter an't Hart wüssen is —““ Klacks! zwei Druppen.

Tanten Zophie ehr spitz Näs harr vun Anfang an all unner de Beddeck rutkeken un wet dor man Arg ut hatt harr, harr sei gewehr warden kunnt; nu köm bi des' Ned ehr link Uhr ümmer bet taum Vörschin; un Hinnik füng an, sin leiw Mundwart ümmer gröter apentaurieten, un de Ogen kömen ümmer mihr ut'n Kopp rut.

Jochen fohrte wieder: „„un ik nich ahn Jur Dochter leben kann, so bin ik kamen, um in alln Jhren —““

„Wat? Wat? Wat is dat?“ schriege nu mit einmal Tanten Zophie up un köm unner dat Beddeck rutgefohrt as 'n upgejagten Hasen ut'n Kuhl in einen Fuhrijah, dat Jochen, de in den Ogenblick jo woll glöwte, de Bähn bröf in, sik vör Schreck uppe Lung bet un taugliet in de Huf tausam schöt as 'n Klappmeß, wo de Fedder an lahm worden is.

„Wat? Min Dochter, un? Jetten, so'n un-

bedarvten Bengel taur Fru? Hinnik, wat seggst Du dertau? Ik glöw, Jochen Pott hett sinen Verstand verluren!"

„„Natürlicher Weise,““ sähd Hinnik, „„mi kümmt dat of so vör, as wenn dat bi den jungu Winschen nich ganz richtig is.““

Jochen harr in dessen Ogenblick of reinweg all sin Sin'n verluren, hei wuß knapp mihr, wo hei wir, dat güng all mit em rund; Disch un Bänk un Stäuhl harren sik vör sinen Ogen anfat un danzten jowoll Ringe range Rosenkranz. Hei trugte sik nich ut sin Huf in de Höcht tau kamen, indem dat hei bang wir, em wür de Swindel wedder lingerlang an de Jr' hensmieten.

Tanten Zophie kunn sik dor gornich in faten, wo so'n pauwrer Mensch, wenn hei of halweg tau de Familie gehörte, wo so'n Mensch dat sik inbilln kunn, dat de riektst Bur tau Warsow em sin Dochter taur Fru geben süll. „Herr Du meines Lebens!“ beehrte sei up un köm binah ut'n Alkoven in ehr bebrängten Kleidungsümstänn herut, as irsten, wenn nich Hinnik sei taurügg drängte. „Herr Du meines Lebens, so wat is mi denn doch of noch nich in minen Leben vörkamen; so'ne Frechheit! Je, dat ward jo woll ümmer duller ward dat jowoll; dat schient mi

vun de Blisaatsch anstifft tau sin, dat is so en, de ehr Näs äwerall mit mang sticht un nu darup sin'n deit, uns Argerniß tau maken. — Kümmt so'n naktiger Minsch un meint, dat wi keinen annern Swiegersöhn kriegen künnt, as hei is! Wat wullt Du Snappsnut uns' Dochter beiden? Stüerst Du woll up de Ustüer un meinst, dat Di de gaud tau paß kümmt? Dat Di de rutrieten fall ut Din verschult Kath? Je, dat wir denn doch — da kunn uns' Jetten jawoll, dat swacklich Kind, achtern Plaug hergahn, orer mit de Meßkühr tau Jellen schuben? Ne, uns' Dochter kann'n betern Mann kriegen; ehr Taufunft fall enen annern Schien — ach — ach ik arm Person bün frank un möt mi nu so dāgb angriepen; ik kann jowoll den Dob dorvun kriegen."

„„Da, da,““ röp Hinnik, „„da is noch Kamellen, drink man rasch, dah, da, drink min Söting, drink.““ Ja, Hinnik was 'n sihr upmarksamem Ghrmann, dat möt ein em laten. Zophie föll in de Küssens taurügg un Hinnik harr genau mit ehr tau daun, dat hei sik nich wieder um Jochen bekümmern kunn; de äwer was endlich so halweg taur Besinnung kamen un seihg nu in, dat hei ut all sin säben Himmels, wo hei noch dessen Morn in rümswewt harr, mit enmal

bauts rutsohn wir. Langsam un schuh as en begaten Pudel tröck hei af mit'n Kopp, de in allerlei Kallühren spelte, wiel em dat Bland darin= schaten was un dat dörch de blag Farw dörch= spelte. Jes, Jes, wo was em tau Sinn; wo was em tau Maub!

„Jochen, dat harr Di Din egen Vernunft seggen müßt, dat Di dat so gahn würd,“ säh mit 'nmal en Stimm achter Jochen, as hei ut Kohlhaasens Purt rutkem; des' Stimm was wedder Unkel Jobst sin, de ut dat kallührt Gesicht richtig rutfingerert harr, wat Jochen passirt wir.

„Wo kunnst Du nu woll,“ sohrte Jobst wieder, „afgeseihn vun de Dummheit, blos den Gedanken tau hegen, dat Du friegen müßt, nu noch habenin glöwen, dat de hochnäsigen Kohlhaasen Di arm Spittelsitz ehr enigst Tochter taur Fru geben können? Minsch, God dam, ik glöw, dat ward jowoll ümmer slimmer mit Di, un Du müßt tauleßt noch reinweg nah'n Dullhus.“

Jochen hürte man halw, mit em füng dat all wedder an tau dancen.

„Nu gah man tau Hus,“ sette Jobst noch hentau, „vielleicht hett Di dit 'n beten kureret un Du warst jowoll vör't Jrst nich wedder up de Heirathgedanken kamen.“



„„Jobst, dat Mäten hett mi't andahn!““

„Ach wat, segg man den Ballberer Schrapen-  
mez bescheit, dat de Di mal taur Alder laten deit,  
dat ward Di ganz gesund sin; nu gah mit Gott!“  
Dormit dreichte Jobst sik af un hümpelte graden  
Wegs nah de Blisaaten.

Jochen söhlte sik nah sin Rath, äwer unner-  
wegs höll em en Jeder an: „'Dag Jochen!“  
'Dag Pott! Je, Minsch, wat büst Du hüt nobel?“  
So güng dat ümmertau, un Jochen wüß nich,  
ob hei in de Ir sacken orer in'n Hewen fleigen  
süll vör luter Scham; hei glöwte ut all de Ge-  
sichter tau lesen, dat sei All all bescheid wüssen,  
wo em dat gahn müß, wo schön hei anlopen  
wir. 't was jo ok wohr, dat künn ok ein Jeder  
inseihn; anlopen wir hei dāgd.

Eben so'ne Uppregung, as wi Jochen bi de  
Kohlhaasen anstifft harr, stiffte nu ok bi de Blie-  
saaten de Nachricht an, de Jobst dor standepoh  
bröck, dat Jochen üm Zetten anholtn harr.

„I du meine Güte!“ sehrte Tanten Vena  
up; „Nu geht jewoll de Welt ünner.“ Wo kann  
dat angahn, wo kann dat angahn? Ik treck min  
Hanne tau de best Husfru ranner, üm den Däs-  
battel vun Jochen mit'ne dāgd'ge Fru tau ver-  
jorgen, un de Snakenkopp geht hen, ahne dat



en starwend Minsch dor 'n starwend Wurt vun  
weit, un hölt üm de dicknäsigge Dirn vun Jetten  
Kohlhaas an? Vader! Frits! Je, nu segg dor  
doch of mal 'n Wurt mit tau! Dat is denn jo  
doch rein üm verrückt tau worden is dat jo doch.  
J, desse Floßkoop vun Bengel, dess' Mulap, de  
kein Wurt nich tau Weg bringen kann, wenn  
mal 'n Minsch mit em spreken will? dess' Ölgöb,  
de geiht hen un will de riekt, dicknäsigst Burdirn  
frieges!"

„„Nu, Mudder,““ föll Frits tüschend dor=  
mang, „„, jeder Minsch hett sin egen Hart, un  
wat dat em seggt, dat möt hei daan.““

„Ach wat, Hart hier, Hart dor! Ik hew dat  
ümmer mit em gaud meint; hei süll mi folgen,  
denn freg hei 'n gaude Fru un uns' Tochter  
freg 'n bruckboren Mann, denn de Slapmütz let  
sik am besten regiren, un so einen will ik taum  
Swiegersöhn hewen, den ik mi trecken kann,  
damit ik seker bün, dat min Tochter dat Tieds  
Lebens gaud geiht.“

„„God dam, dat sünd nübliche Utsichten vör  
Jochen,““ seggte Jobst, strek sik mit de vull Hand  
äwer't Gesicht un rokte verduell ut sinen Stummel.

„Ja, dat sünd de besten Utsichten vör em,  
denn hei is en Däsbattel, hei möt wen hewen,

de em ledden deit. Ik mein dat wohrraftig gaub mit em."

„„Dat süht lister Welt so ut! Wat meinst Du dortau, Friß?" seggte Jobst, indem hei sit nah Friß ümbreihete, de mit de Hân'n äwer de Maag gefolgt an'n Aben stünn.

„Ja," seggte Friß, „t' is man, dat uns' Hanne em so recht nich lieben kann; süs wir Jochen mi all recht; hei is 'n flietigen Jungn, un wenn hei dessen Hof äwernehmen deit, denn will hei em of woll vörstahn können, Jochen is bi alledem of doch nich so'n Slapmütz, as wi hei utsüht."

„„God dam nich! süs harr hei nich den Infall kregen, um de rielst Burbirn tau warben."

„Ja, dat mein ik of. — Äwer Vena, ik müg doch nich, dat man min Dochter twingen deit, wenn sei em dörchut nich lieben kann."

„„Ach wat!" füll nu Vena wedder in, „lieben mägen kümmt achternah; Hanne, dat is noch 'n unerfohren Kind; wat weit de vun lieben mägen; de gewöhnt sit licht an Jochen, wi hewt uns jo of irst aneinanner gewöhnt; in de irst Tied, hewt wi uns dor nich männigmal kawelt, wiel Du ümmer mihr tau seggn hewen wust, as wi ik mi gefallen laten wull? Süh, nu hewt

wi uns so gewöhnt, dat wi all min Daag kein Kawweli mihr hewt." "

„Ja,“ brummte Jobst vör sik hen, „wenn Du slapen deist.“

„„Lat mi man maken,““ resonirte Lena wieder, „„Jochen is dor nu so schön asblijt, hei ward dor nich taum tweiten Mal hengahn un üm de Dirn anholn; nu ward hei vun sülwst mihr bi uns verführen, un denn, wenn de Beiden sik man öfters seihet, denn trecht sik dat all vun sülwst trecht. Lat mi man maken, lat mi man daun!““ Sei löp ut de Döhr un de Mützenbänner dangten noch forsch Mennuet, as sei of gornix mihr säh.

„Fritz,“ seggte Jobst, as Tanten Lena de Döhr achter sik taumakt harr, „wenn de noch lang lewt, denn glöw ik, stellt sei de Welt noch up’n Kopp, grad so gaud, as wi sei Di up’n Kopp stellt hett.“

„„Wat?““ frög Fritz un keß den olln griesen Jobst an, as wenn hei nicht recht verstahn harr; hei harr äwer ganz gaud verstahn; hei müß woll, dat sin Fru de Büren anherr, un nix wir em empfindlicher, trotz all sin Gaudheit, as wenn Einer em dat unner de Näs rinwen ded; darum

soch hei denn of glief dat Gespräch up'n annern Gegenstand tau richten.

Jeder gehursame Ehemann, den de Banntüffel äwer'n Kopp swewt, spricht nich girn vun sin Familienverhältnisse; hei schämt sik dorvör; hei weit recht gaud, dat dat anners sin muß, hett äwer nich de Kurasch, sin Lag tau ännern; gewöhnlich is't of all so wiet inreten, dat sik dor nix mihr bi daun let, dat Best is, vör de Hochzeit sik de Fru tau trecken, as man sei hew'n will, denn denn is dat Frugenshart noch weif wi'n Kaufenbeeck un let sik allerlei Form geben, nah de Hochzeit, sett sik dor 'n Rin'n um un denn is't Kneben vörbi.

### Dat 3. Kapittel.

Vorüm Susemihl in Gedanken gahn deit un woran hei denkt.  
— Kunigunde friggt dat mit't Weinen. — Achter de Spansch-  
fleberheft. — Jochst hammett gegen sin Prinzip. — Adjäs  
Krischan! — Tanten Lischen smitt 'n Angel ut, äwer de  
Fisch will nich bieten.

Langsam un beberig güng Köster Susemihl  
deip in Gedanken dörch Warsow, as hei vun de  
Kohlhaasen dörch Jochen Pott verjagt worden  
wir. Wo dach hei an, so deip in Gedanken? Hei  
dach an sin leiw Kunigunde. Hei harr vördem,  
as hei sin Hus verlaten harr, 'n swart Bäu up-  
stiegen seihn; je nöger hei nu wedder an sin  
Hus ranner kôm, je swarter un dicker seihg de  
Bäu ut un je höger steg sei em äwer'n Kopp  
taufamen; hei seihg all in Gedanken, wo de Blike  
üm em rüm lüchten un wo de lütt Affsaz vun  
sin Fru ehrn lütten Lüffel em as Dunnerkiel  
ünner de Ogen suste. Hei sünn stark darup,  
wat hei tau sin Entschulligung vörbringen kün,

un woans hei dat antaufangen harr, ehr dat bitaubringen, dat hei mit den Bur Kohlhaas nah Swerin führen wull.

Eufemihl hadd de snafsche Angewohnheit, tämlich lud tau denken un mit de Arm un Bein dortau beklmiren, as wenn hei up'n Bühn stünn. „Jah,“ dach hei, „wenn ik ehr verspreken dau, wat mittaubringn, denn mag't woll noch am irsten gahn, äwer sei nimmt am En'n man gornix nich an, wiel allns Annere, womit ik ehr woll süs 'n Freid hew maken wullt, ehr min Lebe nich tau paß west is, ik hew blos Schells statt Dant davör kregen. 't is 'n wohres Leiden, dat ik ehr Wunsch un Gedanken nich so recht verstahn kann. Geföllt mi dit, denn mag sei dat; mag ik dat Swart lieden, denn höllt sei dat Witt vör't Best. Ach!“ hier süßte hei deip up, „ach, un wat was sei fröher vör'n taufreden, unschülliges Kind, as sei noch nich min Fru wir; ganz dat Gegenpart; wo hew ik mit min Gedanken up Rosen un Vergißmichnichts swewt, un mit wat vör schöne Biller hew ik min Taufunft utkliestert; dat de Welt en rein't Paradies worden wir, wenn Allns so prächtig in Erfüllung gung. — Wo kann de Wunsch sik irren! Ik hew dat all min Daag nich glöwen wullt, wenn anner Lüd sähden: Herr

Susemihl, laten S' dat Fiegen sin, dor kümmt nix bi rut as Arger un Verdruß. — It hen dacht: Ji Schapsköpp weit dat man nich up'n rechten En'n antaufangn; it will woll seihn, dat it keinen Arger un keinen Verdruß hewen dau. Ach, wo recht hewen de Lüde hadd! bi mi is noch väl, väl mihr in Erfüllung gahn as wi dat. So väl is gewiß: in minen ganzen Leben frieg it nich taum tweiten Mal, denn id hew vullkommen genau an dessen einen Draken hadd; dat heit, wenn it em irst los bün."

Sachten, äwer wiß söhlte hei nah desse Würt, dat sik 'ne Hand achter an sinen Rockstragen wat tau schaffen möt. Susemihl dreichte sik fort um un würd tau Maud as Jochen Pott in den sülwigen Ogenblick, da Tanten Zophie unner't Äwerbedd taum Vörschin kôm, de Hand gehörte sin leiw Kunigunde.

Kunigunde harr dat Quern achter de Finsterschieben nich mihr utholln künnt; sei was rut gahn, de Arger harr ehr in de frische Luft drehen, un da harr sei denn ehren leiw Schatz mit Arm un Bein bekelmiren seihn un lud denken hürt; sei was an em vörbigahn, denn wenn Susemihl lud dach, denn hür un seihg hei nix; so was sei achter em kamen un achter em an

gahn, hadd nu Allns hört, wat hei dach, un of dat mit den Draken; da äwer kunn sei sik nich mihr holln, sei packte em an'n Kragen un verwannelte dadörch sin lude Gedanken in sachte, denn as hei ehr gewohr würd, dach hei: „Nu sleiht dat Gewitter in!“ dückerte sik dahl, as 'n fram Hauhn, wenn man dat griepen will, un töwte, dat dat losbreken süll mit Dunnern un Blizen.

Doch so as mitunner en Gewitter, wenn't vun de Firn of heil bös utseihn deit, sik uplöst tau enen stillen Landregen, so süll of dat Gewitter äwer unsern arm Susemihl sinen Kopp tau enen stillen Landregen sik uplösen, un de irsten Druppen sülln em all warm up'n Kopp dahl.

Fru Kunigunde, dat oll lütt, süs so krätig Ding, blös mit einmal ut ganz anner Piepen; sei weinte ehr snablangn Thranen un saß heil jämmerlich dorbi ut, dat ehr Mann, de 'n weisses Hart harr, dat binah mit de Angst kreg un mein, sin' Fru kunn 'n Thranfissel kregen hewen bi dat Döhruprieten vun vördem; hei wir sowat gornich gewennt. Thranen harr Kunigunde jowoll ehr Verwsdaag nich vergaten. Susemihl tröck sin beter Hälst sanft an sik mit 'n ganz bedröft Armsünnergesicht un frög: „Min best Kind, wat is Di? Wat is Di, min Kunigunde, worüm weinst Du?“



„„Wat?““ Kunigunde freg dat nu mit 'nmal mit't Ogenluchten, un Susemihl ahn nix Gauds; dat Gewitter kunn jo doch noch kamen; un hei schöt binah wedder in einen Klumpen tau-samen, mit so'n Ogen sahg sei em an; äwer ne, sei was tau sihr intwei, tau swor beleidigt, sei kunn kein hart Wurt loskriegen, sei flemmte man blos, wobi sei oft mit de Stimm äwersnappte: „„Noch Spott, — Spott habenin? — Wat mi is? O Joseph, Du hefst mi weih dahn, — sihr weih; wie kannst Du Di nu noch ünnerstahn, mi tau fragen, wat mi is? Wo kannst Du Di verstellen? — Bün ik vör Di noch Din leiw Kunigunde? O dat wir, dat is mal wesen; de Tied is äwer längst hen. Wo kannst Du mi in dessen Ogenblick woll „Din leiw Kunigunde“ heiten, wenn Du mi eben vör'n ollen Draken estemirfst? — Gah! — Tru un ihrlich hew ik dat ümmer mit Di meint; hew mi schinnt un plaßt, damit uns' Verhältnisse 'n betern Schick fregen; hew Allns dahn, hew Allns opfert um Di, un nu — nu estemirfst Du mi vör'n Draken un wünscht mi ut de Welt! O! o, dit is min Dob!““

Pieplings löpen de Thranen up de Ir', un Susemihl wūr of ganz flimmerig vör de Ogen; hei meinte nu sülwst, dat hei siß doch woll tau

wiet vergeten un dat dat so nich meint wir;  
 füng an Abitt tau daun un wischte sin Fru de  
 Thranen mit de Fattersied vun sinen Rock=  
 slippen af un weinte sülwst 'n poor Druppen,  
 äwer, äwer nu bröf ein Gewitter vun de anner  
 Sied los, nu gaw't doch noch Dunneri. Dat  
 wir tau vâl Spott in Kunigunde ehr Ogen, dat  
 Susemihl weinen ded, dat kunn sei nich mit an=  
 seihn, un swab! harr de Köster einen mang Näs  
 un Kinn sitten, dat dat em grön un gel vör  
 Ogen würd; un swab! swab! kömen noch 'n poor  
 vun linksch un rechtsch. Dat Gewitter slög in.

„„Wat? Wat? Du wist Thranen vergeten?  
 Du wist mi wiesmaken mit Din Rohren, dat Du  
 dat uprichtig berühst? Meinst Du, dat ik Di so  
 slicht kenn'n dau? Ne, ne, ne, ik kenn Di beter!  
 Sied hüt Morn hew ik Di ganz utwennig lihrt.  
 Du verdreihste, fringelbeinige Kirl!““ Un dorbi  
 würd Susemihl schüddelt as 'n Plumbohm in de  
 Nieptied, dat em Hürn un Seihn vergüng un em  
 de Thän klappern ded as bi drütig Grab Rüll.

Kunigunde snabte frischen Athes, üm up't  
 Frische lostauprusten un ehr slicht Hälft sin Sün'n  
 vörtauhelln. Da äwer leggte sik ne Hand mang  
 de Geschichte.

Uns' beiden Ghlüd harrn ganz vergeten, dat

sei nich in ehr Schaulhus wiren, sonnern up frie, apenbore Strat sik besün'n, un Dosche Möller, wat Susemihl sin Nahwer wir, harr vun sin Stubenfinstern mit anseihn, wo dit Unweder äwer Susemihl sinen Kopp tau hopen tröck, un harr bi sik sülwst seggt: „Man sall sik nich in Ehrlüd ehr Angelegenheiten mengeliren, äwer hier möt ik doch twiischen springn; wenn dit mihr Lüd un Jungs mit anseihn, dann hewt nahs jo de Görn gor kein Respect mihr vör ehren Schaulmeister, un de angahnden Husfrugens kânt jik licht 'n slicht Exempel an sowat nehmen; min Olsch hett dor jo ok all wat vun lihrt, un deswegen is mi den Köster sin Nahwerschaft gornich an't Hart wussen.“ Mit desse Gedanken wir hei rutgahn un leggte nu sin harre quefige Hand up Fru Susemihln ehr zorte Schuller un seggte: „Mi dücht, Fru Köstern, dat dat doch woll beter wir, wenn Sei Seiern Mann äwerhaupt so wat Inbringliches tau seggen hewen, dat Sei denn mit em ünner Daß un Facß gahn daun, hier hett jo man de Welt, wenn't lang durt, wat tautauseihn un nahs wat tau sludern.“

„„Wat? wat?““ bruste Kunigunde nu unfern ihrlichen Dosche Möller an. „„Wat hewen Sei sik mang uns' Saken tau steken? Seihn Sei

tau, dat Sei mit Seier egenen tau Schick kamen!  
 verstahn Sei mi? Dat geiht keinen Minschen  
 wat an, wat ik mit minen Mann — wo is hei  
 blewen?" "

Je ja, je ja; Fründ Susemihl harr de Ge-  
 legenheit benuht un was utract; Dosche Möller  
 dreihete sik nu ok baff üm un wiesete sin breid  
 Achtersieb. Da stünn nu dat oll lütt krätig Ding  
 alleen; de Wuth un de Jwer bröck ehr den Schum  
 vör'n Mund, un nu was kein Minsch da, an den  
 sei ehr Wuth utäuwen künnt; dat harr nu na-  
 türlich wedder taur Folg, as meistens bi de  
 oll lütten krätigen Frugenslud, wenn sei ehr Wuth  
 nich recht utäuwen kânt, dat sei ehr suablangen  
 Thranen wedder weinte un in einen Fuhrija tau  
 Hus löp.

Wat dor nu noch gescheihn is, dat hett Keiner  
 so recht nich wies werden künnt; blos Bäl wüllt  
 an den Dag seihn hewen, wi de Köster mit 'n  
 sihr bedröwlich Gesicht rümmer wannelt is un  
 sik denn un wenn mit de verkiht Hand vun  
 habendahl lang dat Rugggrat streken un dat sin  
 Nock so verschiebene Stoffstriepen uptaawiesen  
 habb hett.

Dat is en wahren Jammer, wenn de Mann  
 so'n Fru un de Fru so'n Mann hett; kein wohre

Freid, kein rechte Lust kann dor tau Rum kamen. De Regierung benimmt de Frugens dat Zorte, Weibliche, as de Hochdütschen seggu; de Fru glöwt denn äwer jeden Schritt vun ehren Mann waken tau möten, un seiht in ehren Iwer jeden Schritt vör'n Fehltritt an; wiel sei mit ehren Frugens-verstand kein Mannswirken begriepen kann, un sei is ümmer untaufreden daräwer, ümmer grämlich, un Untaufredenheit un Grämlichkeit verbittern dat Leben.

Währendem nu, dat Jochen Pott so jämmerlich affpießt worden was bi de Koblhaasen; währendem, dat bi de Blisaaten ne Upröhrigkeit dördi Jobst sin Nachricht entstahn was un währendem dat Gewitter Röstler Susemihl so äwern Kopp swewt, un Dunner un Bliß un Regen em üm de Uhren sußt harr, währendem satten twei Harten achtern Spanschflederheck bi Unkel Bliesaat sin Schön un lachten un rohrten un küßten dor ümmer ein gegen den annern an, dat 'n anner ihrlich Wensch, de dat harr möglicherwies mit anseihn müßt, ganz slimn dorbi warben orer em dat Hart harr apen gahn künnt, wat denn of unsern Unkel Jobst passiren ded. De Beiden, de dor dit Manöwer möken, wiren uns' lütt, tru Hanne un ehr leiw, best Krischan. Ach wo was

den beiden arm Kinner dat Hart swor, un wo vull, wo vull! Jeder wull den Annern hüt noch so vål, so vål vertellen, un dorbi seggte doch Keiner wat; sonnern Alls, wat sei mäglicherweise seggen wulln, verwannelte sik in'n Kuß, un 'n Kuß was wedder de Antwort; un dat anner Wurt was 'n fast an't Hart drücken, und dat drütte was 'n Thran, de sik up de Back mit de anner Thran as Antwort vermengelte.

Worum all dit Röhren, Küssen un an't Hart drücken? Je, 't was nix Gewöhnlich's. Krischan harr Orer Kregen, sik tau stellen, hei süll Suldat werden un müß nu weg nah Swerin, un lütt Hanne müß dorblieben un sik unnerdessen, wenn dat Mubbing vör gaub besünn, mit'n Annern trugen laten; un wenn Krischan denn wedder köm, denn wir jo woll lütt Hanne ut Gram un Kummer tau Dob stormen. Ja, un dat is of nix Lütts!

Bi desse Art, sik einanner dat Hart tau verweisen, harren uns' Beiden nu all ball twei Stün'n dor achter de Spanschflederheß seten. Wat kümmern sik twei Leiwste dorüm, wo de Stun'n blieben un woans de Sünne treckt, ob sei bargup orer bargdahl geiht? Sei vergeten of ganz, wat Hanne's Mubder seggn würd, wenn

de gewohr würd, dat ehr Döchtling sik narrens nich wiesen ded; doch dat wir jo ok nich slimm, wenn Mudding ok wat akrot wir, Hanne harr doch de mihrst Frieheit up'n ganzen Hof, un sei plagte sik leiwer 'n ganzen Dag, as dat ehr Kind en Stün'n sik quälen süll. Krischan harr ja ok Tied; de harr sinen Deinst bi Schultens doch upgeben müßt, da hei morgen weg müß; hüt harr em Keiner tau befehlen un beswegen gung dat Drücken un Küssen ok ümmer wedder vun Frischen los, bet endlich lütt Hanne dat Wurt nöhm un seggte, wobi ehr de Thränen ümmer pieplings äwer de Backen löpen: „Nich wohr, Krischan, schrieben deist Du mi doch glick in de irsten Daag, wo Di dat dor gahn deit? un wat Du ok hungern müßt, denn warr ik woll Anstalt maken können, dat ik Di wat nachschicken dau. Nich, min oll Jung, Du schriwst ok oft?“

„Ja,“ stemmte Krischan, „wenn ik man schriewen kunn; wat mi de Köster lihrt hett vun't Schriewen, dat hew ik leider Gotts all allwedder vergeten.“

„Ach Gott, denn kannst Du jowoll dod gahn un kannst mi dat denn nichmal schriewen? un ik möt rein ümfamen vör Sorg und Angst.“





„„Hanne, dat is nich so schlimm as wi dat utsüht; süh, ik warr taußeihn, dat ik mi mit minen Untroffzier up'n gauben Faut stellen dau, un denn schriwt de vör mi; Du schickst em denn dor mal bi Gelegenheit 'n Wust orer 'n Stück Schinken vör, denn gliekt sik dat wedder ut.““

„Ja, Krischan, dat will ik jowoll Alles girn daun, wenn ik man weit, wo dat mit Di steiht in de Welt.“

„„Dat Di de Hahn haadt!““ brummte lies up de anner Sied vun de Heß Einer in'n Burt, un sachten dükerte sik dor wat nedder, wat äwer vun uns beiden Bedröwten nich bemerkt würd.

Hanne was nu'n Stein los vun'n Harten, nu dat sei wüß, dat sei doch später wat weiten süll vun ehren Krischan un woans em dat gahn ded. Äwer vun dat Rünnerfallen vun den Stein harr en tweiter sik löst un de brückte nu up't Frisch an't Hart. Dat was de Twivel an Krischan sin Leiw. Wenn sei em of noch so leiw harr un ehr de ganze Welt in sin Hart lag; so güng ehr dat doch so as't ein jedes Mäten gahn deit, de Iwersüß grient 'r ümmer dörch. Hanne was bang, dat Krischan in de grote Stadt licht 'n anner Mäten tau seihn kriegen kunn, de em



beter geföll as sei em ; un deswegen kôm sei of  
 liesing un schüchtern dormit tau Rum mit ehrn  
 Twivel, un seggte: „Krischan, nich wöhr? un  
 tru bliewen daun beist Du mi doch ümmer?  
 Süh, wenn Du Di in de Stadt mit ein Anner  
 holn beist, un ik dat gewöhr würd, denn würst  
 Du Di vun min Graw, wenn Du mal  
 ins wedder kômst, 'n Vergißmeiniß plüden  
 kânen.“

„„Hanne!““ seggte Krischan un kof as 'n  
 Hiligenbild vun unn'n up, äwer mit'n würk-  
 lich truges Hart. „„Hanne, glöwst Du, dat ik  
 man so wenig vun Di holn dau, dat ik in de  
 Stadt 'n Annre mihr lieben mägen kûnn? Hanne,  
 Du weist gewiß, ik hew bi leiw as nix Lütts;  
 äwer wenn Du so'n Gedanken hegen beist, süh  
 so denn möt ik annehmen, dat Du mi doch nich  
 so ganz leiw hest, as Du ümmer seggen beist;  
 denn süh, wenn man Einen recht leiw hewn  
 beit, wat Susemihl oft naug seggt hett in de  
 Schaul, denn hett hei of en fastes Vertrugen  
 tau em un kein Twivel in'n Harten; wer äwer  
 Twivel in'n Harten hett, de hett den Annern nich  
 leiw.““

„Krischan!“ weimerte Hanne nu wedder,  
 „Du büst jo min Alles, ik hew dat jo of man

so seggt, it weit dat jo un glöw dat jo, dat Du Di nich mit anner Mätens treckst."

Wedder löpen de Thranen vun vier Backen ineinander un wedder würd drückt un küßt, dat Jobst, de dat irst wesen wir, de sik dor achter de Heck dahlbückerie, ganz weihmäudig tau Sinn warben bed, obglief hei jo ümmer nix vun Leiwsgeschichten weiten wull. Dit Poor, da vör em, dat jammerte em nu doch; hei seihg dörch de Telgens wo väl Ein vun'n Annern holln bed, un füng an tau marken, dat dat doch schön sin müß, wenn Einer en Hart fun'n harr, wat so vull un so tru vör em slög; un as Hanne nu wedder anfüng tau jammern, dat ehr Mud- ding da so sihr gegen wir, un sei abslutemang starwen müß, wenn sei süll dwungen worden einen Annern tau friegen, da föhlte Jobst sülwst in sin oll steinpöttig Hart, wi weih, wi weih des' Gedank de Beiden dor daun müß; sin beiden griesen Wimpern glänzten of in'n Sünnschien un hei glöwte nich anners, as dat de leiw Gott em dor achtern Busch hensett harr, um dit Glück un desse Pien mit antauseihn, damit em dat Hart apen gahn süll, nn hei de Beschüßer vun des' Leiw warben müß.

„God dam!“ brummelte hei vör sik, „dat

kann 't nich länger mihr mit anseihn!" un hei sprüng in de Höcht so drach, as sin hölten Bein em dat verlöwte. Krischan un Hanne fohrten of tau glieker Tied in'n En'n, as wenn sei 'n Abder steken hadd; denn so'n heimliche Leim is schreckhaft as 'n Haas in'n Kobl.

„Na," seggte Jobst, un wischte sik mit 'n Rockärmel de letzte Fuchtigkeit ut de Ogen; „lat Zug man nich stören, dat bün ik un will Zug nich verrahden, denn ik hew dat mit anseihn müßt, wo leim dat Zi Zug einanner hewt, un dat is mi in de Glieder trocken. Äwer Kinnings, Zi möt mi nich as 'n Lurer estemirn; ne, dat is taufällig kamen; ik bün tau old, üm mi noch mit so'n Nieglichkeit rümtausläpen, dat ik up anner Lüd ehr Geheimnisse Jagd maken dau. — Ik weit nu Alles, wo dat mit Zug stahn deit, seggt mi nix mihr, ik will nu dorbi min Mäglichst daun, dat Zi Zug kriegen daut: obglick, wi Zi woll weitet, dat ik 'n starken Fiend bün vun jedwereine Frigeratschon, un jedwereinen ihrlichen Minschen afraciden dau, wenn ik em up so'n Weg drap. Zi hewt mi durt; Du oll lütt Hanne" — hier strafelte hei ehr äwer de Backen — „Du büst dat wahraftigen Gott wirth, dat Di 'n ihrlichen Kirl friegen deit. God dam,

wenn ik nich all so wiet nah — Krischan, hew man kein Bang, ik mak Di kein Verlegenheiten, Du kannst ganz ruhig hengahn un laten Di den bunten Rock antrecken, süh, ik hew em of dragen, un de Minsch, de em driggt, de ward dor nich dümmer vun; den weiht mal 'n annern Wind um de Näs, un min Ansicht nah is dat gor kein richtig Kirl, de nich mal 'n Scheitprügel uppe Schullern dragen hett. Also gah ruhig hen, ik will äwer Din Hanne waken as 'n Kluckhuhn äwer ehr Rüfen; un denn wat ik jichtens dorbi daun kann, dat will ik daun. — Äwer, dat Di de Hahn haadt! Krischan, verget mi de Hanne nich in de Fröm; ik weit, wo licht dat angahn deit. Verget mi s' nich, segg ik Di, sünst bruckst Du Di man nich wedder seihn tau laten in Warjow. Hörst Du?"

„„Jobst, min Hand!““ seggte Krischan un rekte sei em hen; „„ik bün 'n Schuft, wenn 't man 'n annern Mäten run de Hals ankieken dau!““

„Na, so extremlich nehmt wi dat nu nich, jüs wull ik gliet tau Di seggen: Na Adjüs, Schuft!“

Nu würd Jobst denn bet rantrocken, un dat Strakeln un Rüffen güng of äwer sin Gesicht

her, dat Bedanken un Swögen wull kein En'n nehmen; obichons hei mihrmal säh:

„Kinnings, holst stopp, „Si brecht mi jo minen Kalkstummel intwei, un denn treck ik min Wurt wedder taurügg. God dam, lat 't man gaub wesen.“ Hei was ganz ut de Puhs as s' em endlich losleten. As hei gahn wull, sähd hei noch: „Na, Krischan, wenn wi uns vör Din Afrutsch nich mihr seihn sülln, denn will ik Di hiermit Adjüs seggen. Min Jung, un holl Di ok brav un tapfer; Suldatenleben, segg ik Di, dat is ein Leben, dor kümmt nix nich gegen an! Wenn s' mi man nich dit Bein so schampfirt harrn, Krischan, dat swör ik Di! denn drög ik mi noch mit'n Raufhaut in de Welt rümmer. 't geiht nix äwer dat Suldatenleben!“ un Jobst sin Ogen lüchten as 'n Verklärten. „Kinnings, as ik noch so in de Johren was — Jes, Jes, wat was dor de Welt vör mi! Wenn Blücherten seggte: Börwats, Kinner! wo kloppte denn dat Hart unner den Kittel, wo stögen denn de Bein! un as bi Waterlow — ja, ik seih, dat is vör Jug langwierlig, dat mägt Si nich hören, äwer wer in de Tied lewt hett, de friggt anner Gedanken dorbi, wenn man dorvun vertellt.“

„„Ja,““ föll Hanne in, „„Jobst, en annermal, denn fast Du uns dat ok All nochmal vertellen, obglief Du uns dat all hunnertmal vertellst hest, blos hüt nich.““

„Ja, Ji sünd 'n verleiwt Gesinnel, un dat deit mi nu ok all leed, dat ik mi dormang steken hew.“

„„Jobst, wi wät Di dat ganz gewiß dank; wenn dat dortau kümmt, dat ik würllich nochmal min Hanne friegen kann, denn fast Du bet an Din En'n bi uns wahren un fast uns alle Daag Din Lebensgeschichte vertellen, un fast seihn, dat kein Minsch beter tauhört as wi Beiden, Hanne un ik.““ Dat Aihn un Straken güng nochmal an, dat Jobst wedder üm sinen Kalkstummel angst un bang würd un säh:

„Nu geh mit Gott!“ Snubs dreihete hei sik üm un hümpelte davon; as hei 'n En' lang weg wir, blew hei mit einmal stahn, slög sik dreimal mit de Fust vör'n Kopp un brummelte in sik:

„Wat hew ik dahn? Dat Volk hett mi jo woll rein den Kopp verdreht? God dam, dat is gegen min Princip, dat ik de Frigeratschonen begünstigen dau, un ik mak so'n Streich? Dat Rackertüg! Ik harr Krischan jo taun Bernünstigen rahden müßt. Na, nu is't tau spät; ik hew

enmal min Wurt geben, un 'n Kamel, wer sin Wurt nich höllt." In sik argerlich humpelte hei wieder.

Den beiden Verleiwten was 'n Sünnsstrahl in't Hart solln, un de Sünnsstrahl gaw frischen Raub; vör hüt wir dat Weinen un Jammern tau En'n; sei wüssen, wat Jobst verspreken ded, dat hei dat höll, un sei wiren jung genaug, üm den gauben Willn all glieks vör de Dath antaunehmen, un brömten sik all rin in de Taufkunst, wo schön dat warde süll; wo sei Hanne ehr Öllern un den olln Jobst plegen wulln, wenn sei beid irst den Bliesaat'schen Hof regirten. Da Hanne dat einzigst Kind un Hinnik 'n arm Düwel was, so würd jo ganz natürlich de Hof up Hanne schreben un Krißchan müß em verwalten; de Ölln kün'n'n sik denn jo up't Öllndeil setten, denn de harrn jo nu all lang naug ehr Schülligkeit dahn in de Welt; harrn sik lang naug plackt un quält, dat sei nu of mal utrauhn kün'n'n.

Ach, dat sünd so köstliche, herrliche Ogenblicke, wenn man jung is un malt sik denn sin Taufkunst so bunt un schön mit allerlei Biller ut. Dat Hart wart grot, dat Hart geht apen; de

Friede, Dat möt, dat möt.

Engels stiegen vun'n Himmel in't apne Hart herinner, un denn wedder tau Höchten un de Jr' vergeiht unner unsern Fäuten. Man föhlt sik in de Unendlichkeit furtbragen un sitt mintwegen in en ganz unbekanntes Land up en Balkon vun en Sloß orer up süs wat un süht in enen schönen ewigen Mai; de Blaumen bläuhn, de Vagels singen, un in dat Sloß strahlt Alles vun Gold un Riechdohm, un denn pedd't Einer einen minswegen unverwohrens up de Fäut, dat deit weih, wenn man Liebdörn hett, un — bums föllt man ut all sin Himmeln vun'n Balkon un vun't Sloß un steiht dor mit ümgekrempelte Taschen un 'n leddiges Potjemoneh. So is't gewöhnlich: wer am allerwenigsten hett, de drömt sik am allerrieksten; worüm ok nich, man kann't jo hewn, un üm so'n Beten lohnt't sik jo gar de Mäuh nich, irst antaufangen.

Unf' Beiden peddte hüt morn Keiner up de Fäut; sei drömten lang un ungestürt, un wöllterten sik in ehr Glück rümmer, wobi de Rüss man ümmer so dörch de Luft knallten. Langsam kömen sei wedder taurügg up desse Jr'; da äwergüng dat wedder au't Lammertiren, denn dö'r hüt müßten sei sik trennen.

„Un nü man noch einmal!“ seggte Hanne,



man noch en einzigstmal fall it Di seihn, un denn, wer weit, up wolang."

Un de Stün'n, wo sei em noch einmal seihn süll, kôm of rangejagt, un dor stünn'n sei nu webber, an't En' vun't Döör, sei mit de Schörtenslipp vör de Ogen un hei mit den lütten Berliner unner den Arm un 'n witten Stöck in de Hand. Hin'n ut de Rocktasch kelen ganz verwegen de beiden En'n vun en poor bägdige Mettwüst, de em Hanne noch tausteken harr. Hanne wir süs 'n ganz frames Mäten un deb kein Unrecht, äwer vör ehrn Leiwsten höll sei Stehlen vör kein Sün'n un harr ehr Mudding des beiden Verwegenen achter in Krischan sinen Rock ut'n Rock is't.

„Krischan,“ weimerte Hanne, „wenn 't doch man mitgahn künne, wenn 't Di of nich spraken süll, wenn 't Di man blos mal mantedöhr seihg; seihn müg it Di gor tau girn, un wenn of man alle Daag enmal. — Krischan, wo wiet is dat denn eigentlich vun hier?“

„„Oh,““ seggte Krischan, „„Hanne, dat kann 't Di nich seggn; so väl is gewiß, in einen Dag hal it dat Stück nich.““

„Ach Herr Jes! wenn Di denn man nix äwerkümmt unnerwegs? Wo wist Du denn de

Nacht äwer blieben? Krifchan, wat möt ik all vör Angst üm Di utstahn!"

„„Hanne, wat Du nu man redst. — Süh, ik bün jo doch 'n grot Minsch un nehm dat driefst mit twee Kirls up; wat fall mi woll äwerlamen? Un denn wer nix hett, den nimmt Keiner wat!"

„So, de Wüßt heft Du doch?"

— „„Ja, de Wüßt, dat wir dat Enzigst wat man mi afnehmen un wat anner Lüüd tau Nutzen lamen kann, wieder äwer of nix; dat Hemd un de poor Söcken, de ik in minen Berliner hew, de kânt doch keinen Minschen mihr glücklich maken."

„Ja, äwer segg mi blos, wo wist Du de Nacht äwer blieben? Du kannst doch nich unner frien, apenboren Himmel slapen?"

„„Och ne, Hanne, süh dat giwt jowoll noch gaude Minschen in de Welt? Wenn s' mi nich in'n Wirthshus upnehmen willn, denn slap ik up Stroh in'n Schün, wat ik jo all männig Nacht dahn hew; daräwer wes man ganz ruhig."

„'t is doch schrecklich vör mi, wenn ik hüt Abend tau Bedd gahn dau un ik möt denn denken, dat Du bi wilbfrömm Minschen up

Stroh liggn fast; ne, dat fast Du nich! Da, hier heft Du noch 'n poor Gröschén; hörst Du, Krischan, nu slap of in'n Wirthshus un in'n ördentlich Bedd. Wo kannst Du woll süs gesund nah de Stadt henkamen, wenn Du de ganze Nacht so up Stroh hulwaken fast?"

Hanne langte bi desse Würt unner de Schört un halte 'n lütten gestrichten Büdel taum Börschin, den sei Krischan in de Hand drückte, und den de in de Bürentasch glieben let und seggte:

„„Hanne, wat büst Du doch vör'n köstlich Mäten! wenn 't dat man blos mal wedder an Di gaudmaken kunn.““

„Ach lat man, dat kümmt später; un ik wull jo girn mihr daun, wenn Du man blos nich weg müßt.“

„„Ja, Hanne, dat is of nix Lütts, vun Di tau gahn; ik war dat Sulbatenkram gornich in'n Kopp rinkriegen, blos wiel ik ümmer an Di denken möt.““

„Ach, Herr Jes! dann sparrt sei Di jo woll gor in't Loß? Ne, Krischan, denn denk man leiwer 'n beten weniger an mi un mark Di dat Sulbatenkram ördentlich, dat sei Di man nich insparrn daun. Hörst Du, Krischan?“

„Ja, wo kann 't denn woll weniger an Di

denken? Warst Du denn nich of ümmer stramm=  
weg an mi denken, Hanne?" "

„Gewiß, Krischan, ümmertau! bi jede Masch,  
de ik knütten dau, bi jede Tüfft, de ik schell,  
bi Allns, Krischan, denk ik ümmer blos an Di!"

„„Na, denn — lew woll, Hanne!" "

„Krischan! — Ja, ik wull, Du künnst hier  
blichen."

„„Hanne, wat jik nich ännern let, dor let  
jik nix bi daun; süh, ick blew jo of girn hier.  
— Lew woll!" "

„Ach Götting!" Un nu jüng de oll lütt  
arm Hanne wedder bitterlich an tau rohren, dat  
dat harr 'n Stein weik maken künnt. 't is of  
'n sworn, heil sworn Ogenblick, wenn Zwei so  
taum lekten Mal bi enanner staht un dat Lew=  
woll sall äwer de Lippen räwer. O! dat treckt  
einem dat Hart tausamen as wie 'n Snürbüdel,  
un ritt einem de Seel ut 't Liew rute. Äwer  
wenn't Leiden üm't Scheiden nich wir, denn  
wiren of nich de Freuden üm't Wedderseihn, un  
de jünd söt, so söt wi Zuckerkann.

Licht un Schatten möt sin, hett uns' Herr  
Gott dacht, as hei Allns hett so schön maht, wat  
wi nun anstarrrt un nich spiß kriegen kânt, wo't  
enmal mäglich is, dat Allns so schön sin kann,

un Allns so ut luter Gornix maht. Ja, bi den Gedanken staht einem de Gedanken still un uns ward ein Bredd vörschaben, wo wi nich dörfelien kânt, un wenn wi of dusend Brilln un Näsenklemmers vör de Ogen holt. — Licht un Schatten möt jin, süs ward de Minschen dat tau endönig, hett uns' Herr Gott dacht, un hett darup grüwelt, wat hei vör allerlei Schatten maken süll, un so hett hei tau de leddigen Geldbüdels, wat of 'n sihr swarten Schatten is, dat Scheiden ersun'n. Un wo kein Minsch noch nich de Weihdaag vun't Scheiden empfun'n hett, de hett of noch all min Daag keinen Minschen recht leiw hatt, denn dörfch de Trennung föhlt man irst recht, wo sihr Einer den Annern an't Hart wussen is, un man sangt ar tau begriepen, wo gräsig leiw man den Annern hett, un let jif 'n Thön afbieten davör, wenn hei em man en einzigstmal seihn kann. Ja, äwer wat nich geht, dat geht nich!

Schört un Taschendäuf wiren taum Utwringen natt, as endlich, endlich Krischan jif losret vun Hanne, nahdem hei ehr noch 'n langen dägdigen Ruß updrückt harr, un mit en Hart, as wenn dor 'n Dufendpundstück an hängn ded, irnstlich afföckte.

„Dor geiht 'e henn!“ seggte Hanne mit 'n Gesicht as dörchrewen Appelmoos. „Dor geiht 'e henn in de wiede Welt herinner. Abjüs! Abjüs!“

Krischan lihrte sik nochmal üm un swenkte mit de Müß un röp taum leßten Mal: „„Abjüs Hanne!““ De Wind drög den Schall man noch eben an Hanne ehr Uhr, de mit 'n Dauß weihte un ok nochmal mit 'n gebraken Stimm „Abjüs Krischan!“ röp.

„„De Affchied ward Di woll heil swor? Hahaha!““ lichte 'n Stimm achter uns' Hanne, de sik versihrt umbreihete, un de oll lütt Tanten Vischen in ehr schadenfroß Gesicht sahg.

Hanne föhlte den Spott deip in't Hart; sei wuß äwer, dat dat man purer Reid wir vun de oll lütt Zumpfer, diweil sei äwrig bleben wir, un nu ok man noch 'n Gesicht harr, wo sik Einer nich mal mihr dreiahtel in verleimen künn.

„„Na nu ward de nixnützige Leiwenschaft jowoll 'n En'n kriegen?““ frische dat oll lütt Ding.

Hanne, dat unschüllige Kind, dat mit en rein Hart leiwte, so rein as 'n niege Salwjett, de noch nich brukt is, de künn desse Würt nich verdragen; sei wendte sik af, ahn wat tau antwurten, äwer weinte ehr heiten Thranen.

Krischan stünn nu dor ganz haben noch un schwenkte: Abjüs! Abjüs! Hanne äwer seihg nix mihr, ehr Ogen wiren vull vun Druppen, un ehr Hart vull Qual; sei gung, un wüß nich wohen; sei dach, un wüß nicht wat; dat Hart wull breken, un kunn nich. Ach! so was ehr noch nie tau Maub wesen; de Welt köm ehr so lerrig vör, wi 'n grote wiede Tün'n, wo sei in henasseigh; sei künn den Born nich seihn, Alls wir swart, Alls gruglich un öb; narres nich kein Schimmer vun an beten Licht; de Hoffnung schien ehr ut de Welt verjagt.

Bi Tanten Vischen äwer wir't hell, de seigh mihr as anner Lüß; ehr lütten rodunnerloppen Ogen lüchten as 'n poor Marinwürmken, un halwslud snackend, mit de Händ'n bekelmirend, as Köster Eufemihl, gung sei snurstracks nach Unkel Bliesaat's Hof, un vertellte nu dor, mit verschieden Tausätz, wat sei soeben erlewt harr, wat sei seihn un wo't mäglich wir, dat so'n vun butwennig so'n fram un unschüllig Kind so wesen künn und sit so mit so'n pauwern Knecht küssen un äwer em rohren künn, um so'n Knecht! blos 'n Knecht! Wo hägte dat oll lütt Krät sit, as sei seihg, dat dat Hanne ehr Mudder of friwelte; dat ehr dat sihr unan-



genehm was, dat ehr Dochter so wiet in so'n Verhältniß set; sei wuß dat jo all lang, un ehr blew jo of nix nich verborgen; äwer jede niege Ersehrung mök ehr doch ümmer wedder niegen Kummer. Nah 'n beten Nahdenken vun Tanten Lena lag doch 'n lütten Trost in Tanten Vischen ehr Vertelling, wat dat oll lütt schadenfroh Ding gor nich recht was. De Trost wir de: dat nu de nakte Bengel ut't Dörp köm, un vielleicht up lange Tied; in de Tied künn hei sik anderswo jo licht 'n anner Mäten upgabeln, denn sei wuß, dat junge Burschen girn de Verännerung lieben mägt, un sik den Döster daran fehren, ob sik tau Hus en arm Mäten tau Dod weint un quält; hei künn wat Anners fin'n, un denn würd Hanne sik dor of woll drin faten, so slimn wir't denn doch nich mit'n Dodaquälen. Wenn en Hart of bet up't Üterste quält ward, breken, intwei breken deit dat doch nich; 'n lütten Riß mag't woll kriegen, äwer de helt mit de Tied wedder tau un is taulek gornich mihr tau seihn.

As Hanne denn nah langn Umherirrn endlich an't Hus anlangte un noch ganz verbaast un verbiestert utseihg, funn Mudding denn of dörchut nich schelln, sei seggte blos: „Hanne,



Hanne, wat makst Du mi vör'n Kummer! Süh, Du büst 'n unbedarwtes Ding, Du weist Din Bestes noch nich intauseihn; äwer ik, as öllerhaftige un vernünftige Fru, ik seih in, wat vör Di gaud is; ik will Di versriegen, dat dat all Din Lewdaag Di gaud geiht; Du müßt nah mi hören, un müßt daun, wat ik Di anschün'n dau. Süh, Jochen Pott, dat is 'n still'n ibrlichen Minschen, 'n betern friggst Du Din Lebede nich —"

„„Mudder!““ unnerbröck Hanne; „„lat mi doch mit Jochen Pott taufreden; de will mi jo gornich; de hett dat jo all lang up Jetten asseihn, dat müßt Du doch woll markt hewn!““

„Woll hew ik dat markt, un weit of noch mihr; äwer de Minsch is 'n Schapst—“ Mud-  
ding verbeterde sik: „de Minsch, wull ik seggn, is noch tau jung, hei weit of noch nich sin Bestes intauseihn; äwer ik waß of äwer em un seih vör em in. Zi paßt vör enanner; Zi ward noch mal 'n heil glücllich Poor afgeben, woran wi Öllern uns' Freud hewen.“

„„Jochen is gar tau dränbatt'lich,““ seggte Hanne, indem sik ehr oll lütt Kinn ganz frustreden ded un glief dorup en poor Thranen in

de trugen blagen Ogen strahlten as en poor Daudruppen up twee Vergißmeinnichts.

„Ach wat, dränbattlich hier, dränbattlich dor! maß mi nu nich irst falsch, Hanne! Du, wi seggt, süßst dat noch nich in; später warst Du mi woll noch mal danken, dat ik so gaud vör Di sorgt hew.“

Hanne weinte. Tante Vischen harr de Lieb äwer dor stahn un harr bald 'n gräßig grimmi-gen Blicß up Hanne, bald einen up Tanten Lena smeten; dat harr sei noch nich wüßt, dat de Jochen Pott taum Swiegersöhn utseihn harr; dat wir ehr heil un deil wat Niegs und sette ehr so sihr in Uprührung, dat sei binah de Spraß verliren deb un äwer un dāwer blag anlöp. Jochen Pott, darup smet. sei ehrn letzten Hoff-nungsanker, den sei in ehr jumpferliches Hart hewen deb. Jochen Pott, meinte sei, wir de Einzigs, de, wenn siß man irgends Einer dortau verstünn sei tau friegen, de't daun deb. Jochen Pott was dumm un liggt tau berahden; sei harr all verschiedene Mal ehr Angel utsmeten, wat äwer leider noch ümmer nich vun em bemarkt worden wir; nu köm dit dor noch datwischen! Nu wir't hoch Lieb, dat Jochen dat bemarken deb; nu müß sei grötere Angels utsmieten, de

ihre tau bemarken wiren, un of ahn Abjüs orer süs wat tau seggn, löp Tanten Vischen ut de Döns un ut't Hus snurstracks nah Jochen Pott sin Rath. Jes, wat kunn dat oll lütt Ding de Bein smieten; wo schechte sei, as wenn't achter ehr brennen ded. Un dat brennte jo of, doch nich in ehrn Harten, denn ut würlliche Leiw friegte sei nich mihr; sei friegte blos ut Ihr-gieh, dat dat doch nich mihr heiten kunn: Süh, de is äwerbleben, orer, de is of as 'n oll Jumper tau Dob stormen. Dat brennte in ehren Kopp; de Tied brennte un set ehr up de Hacken.

Bi Jochen Pott seigh dat trostlos ut; de arm Misch harr siet gistern Morn kein Raub und kein Rast hatt, de Welt dreihete sich noch ümmer as 'n Brummkäsel üm em rümmer; hei wir noch nichmal tau Bedd wesen; dor löp hei noch in sin sünndaagsch Klebasch, dat Blaumenbuschket noch vör'n Bussen, wat all hellisch de Uhren hängn let, in de Stuw up un dahl un let of de Uhren hängn. Hei harr ümmer in eins bekelmirt un Neben holln, so dat em de Lung ganz drög un Arm un Bein ganz lahm worden wiren, strots dem höll em dat nich up'n Stauhl orer in't Bedd; hei bekelmirte noch ümmer sachten in sik: „Wat de woll meinen? Wat de woll

sünd? Ik bün ok 'n Minsch, un bün 'n iher-  
 lichen Minsch; wenn min Rath sik ok nich mit  
 ehrn Hof mäten kann, wat schadt denn dat?  
 Jetten is jo de einzigst Dochter, un de Hof blimt  
 jo ehr? Awer't sünd slichte Minschen, ganz  
 slichte Minschen! Ik wull, dat sei alltausam up'n  
 Bloßsberg seiten, denn harr'n s' dor doch 'n  
 Utsicht dortau! Ja, gaht taum Döster! ik föhl,  
 ik krieg dat mit de Wuth. Ho! ik belach Jug!  
 Ik wull blos, de Lied köm mal, dat Zi wat in  
 min Hus tau söken harrn; Gott Stralar! denn  
 nehm ik Jug bi'n Kanthaken un smit Jug all-  
 tausam ut de Döhr herut, dat Zi Jur Knaken  
 in'n Taschendauf nah Hus drägen kânt!" Un  
 bauts flög Tanten Lischen in'n Swibbagen ut  
 de Döhr rut haben up'n Meßbarg, de vör't Hus  
 lag, un satt nu dor, as wenn sei de Göttin  
 Diana orer süs wer wir, de dor up den lütten  
 Berg ehr Standbild harr.

Tanten Lischen was snurstracks up Jochen  
 Pott sin Rath losstüert un, wiel de Döhren all  
 apen stün'n, ok glieds rin. Jochen, de bi de  
 letzten Würt wedder lud worden wir un Arm  
 un Bein ok wedder in Bewegung sett harr, seihg  
 un hürte in sinen Iwer nix; hei wir ganz ver-  
 biebert in sin Defelmatschon un so, ahn dat hei

dat woll grad wull, Tanten Lischen tau packen kregen un sin Drauhung an ehr utföhrt, ut purer Verbieferung.

Nu, as Tanten Lischen natürlich up den Berg 'n heilos Krischen anfäng, kôm Jochen of webder taur Besinung und seigh in, wat hei anstift harr.

„Je Lischen,“ seggte hei, „wat müßt Du mi of grad so in'n Weg lopen! Nimm mi't man nich krumm; ik mein dat wohrhaftig nich so böß mit Di; Du kannst tau all un jeder Tied min Fuß bepedden, ik war Di in bößen Willn nie ruthandtiren, ik mein man de Annern!“

Tanten Lischen was of nich im geringsten hüt gegen Jochen äwelnehmisch, obschons sei doch ganz blag anlopen wir in den irsten Momang; sei grawwelte sik, possirlich naug vör anner Lüð, vun ehr Postament runner un rechte Jochen de Hand hen, indem sei seggte:

„Jochen, ik nehm Di nix nich äwel, hörst Du, min Jung? nix nich! Ik mein dat all min Daag blos gaub wit Di; wo kunn ik Di woll wat äwel nehmen.“

Jochen hörte man verbeuwelt wenig vun dat, wat Lischen em seggte; sin Dgen seken wiet äwer dat lütt Ding weg, und sin Gedanken wiren all webder bi de Kuhlhaasen, un halwolud sähd hei

vör sik, as Lischen recht fründlich nah em rup  
ließen ded:

„De Falschheit listt ehr ut de Ogen!“

„„Wat? Wat?““ beehrte nu Lischen up;  
„„Jochen, wat is dat?““

„Je, is mein Di jo nich, is mein jo de  
Annern!“

„„Jes, wat is denn dat? wat hest Du denn  
emal vör?““

„D, nix Grots.“

„„Jes, un wo sühst Du denn egentlick ut?  
Wat sall dat Bläumenbuschket un de sünndaagsch  
Kledasch?““

„D, nix Grots.“

„„Dat süht jo grad so ut, as wenn hei up  
Friege ratschen geiht,““ sähd Tanten bi sik, sei  
wüß noch vun Jochen sinen gistrigen Gang nix.  
„„Jochen, sett Di,““ seggte sei nu lud un trödt  
em up’n Stauhl dahl, indem sei enen annern  
dicht bi ranschuben ded, worup sei sik sülwst  
sette. „„Sett Di, min Schatz; Du schienst wat  
Slichtes gewohr worden tau sin, vertrug mi dat  
an; sühst Du, is hew en Hart, wat mit Din  
föhlt un vör Di sleiht!““

De Angel was recht grot un künn woll nich  
gaud unbemerk’t blieben, äwer bi Jochen was

hüt dickes mulsteriges Water; em schien dat ganz natürlich, dat ehr Hart vör em slagen müß, sei wiren jo wietlöftige Verwandte; deswegen antwurte hei of man so hen:

„Ach, lat man gaub sin.“

Ne, jonich, Lischen let dat nich so gaub sin; sei fate wedder nah:

„Jochen, wenn de Minschen slicht gegen Di hannelt hewn — Jochen, süh, denn bün ik Di doch ümmer tru; ik will Di trösten un all wedder gaub maken an Di. Segg, wat is Di passirt; wo büst Du henwesen?“

Nah langen Fragen, denn Lischen was hellisch nieglich darup, gestünn Jochen denn endlich, wo hei gistern hen wesen, wat man em seggt un äwerhaupt, wo em dat gahn wir.

Lischen was bi des' Vertellung bald blag un bald wedder witt anlopen, ehr tröck nu of noch vun Jochen sin Sied 'n Bäu up, wat sei gornich vermauden west wir. Wenn sei bi de Koffegesellschaft nich vör luter Angst achter'n Aben krapen wir, denn harr sei ganz natürlich marken müßt, wat bi Jochen de Klock slahn harr, un denn köm ehr dat nu nich äwerrascht. Äwer Lischen verlür den Maub nich un up't Frisch smet sei ehr Angel in't Water:

„„Jochen, süh, wo künnst Du nu of woll sowat denken? De Lüd sünd jo vâl tau dicknäsig un wüllt vâl tau hoch rut, as dat sei ehr Dochter mit Di versfriegten daun; un denn of, süh, wat sühst Du Di nah ene Annere üm, de gornich vör Di paßt, wenn Di en truges Hart de Hand henhöllt?““

„Wat?“ seggte Jochen un keß sîk fort üm, „hett Hanne dat vielicht up mi affeihn?“

Eischen würd heil un deil blag; Hanne was jo ehr Fiendin, orer doch binah, un Jochen ver-  
föll tauirst up de un nich up ehr, da sei em dat doch so handgrieplich möß? Wenn sei man sülwst wüßt harr, wo slicht ehr ehre Lüttigkeit kleben deb, denn säh sei gornix, äwer ehr güng dat of so as all de Minschen; wer noch so hässlich is, gesteiht sîk dat doch sülwst nich einmal ganz in.

„„Ach, Hanne,““ seggte sei, „„Hanne, denkt gornich an Di, de hett dat up ganz wen anners affeihn un nimmt Di in ehrn Leben nich, äwer —““ Eischen blew behaken, 't wull nich so recht rut. „„Awer süh —““

„Wat süh?“ frög Jochen, de all wedder mit sin Gedanken bi de Koblhaasen wir.

„„Süh, ik mein dat tru mit Di!““

„Ja, lat man gaud sin, ik glow dat jo.“ —



Dat wir wedder üm blag tau warden vör Tanten Pischen. In Jochen güng wat ganz Besonners vör, sin Ogen lüchten un sin Gesicht würd fründlicher utseihn; mit'n Mal sprüng hei in'n En'n un seggte äwerlud:

„Un sei möt doch min warden! Jetten heit kein Schuld; de Olln möt rümfregen warden.“

„„Herrjes!““ Bi Tanten Pischen bröf de Sweit in groten Druppen ut; „„ne, so'n Minsch äwer of!““ säh sei in sik, tröf Jochen wedder vun achtern up'n Stauhl dahl un slög ehren Arm üm sinen Nacken, wobei sei up de Thön stahn müß.

„„Jochen!““ seggte sei, „„Jochen, Du versteihst mi hüt gornich.““

„Ne,“ seggte Jochen gedankenlos un söch sik vun den Arm lostaumaken.

„„Jochen, äwer Du müßt mi verstahn; süh, ik bün irst sösendörtig Johr old —““ sei kef verschämten vör sik dahl, wat ehr of noch so tämlich gelüng, wiel man blos den Schetel up'n Kopp seihg un ke doch man in'n höchsten Nothfall roth warden deit; sei dach bi dit Verschämtdaun: Nothlägen sünd nich verbaden. — „„Süh,““ fohrte sei lud wieder, „„un kann taken un braden, wat Du man verlangst, un so sihr unansehnlich bün ik doch of nich. — Süh,

da Du nu so allein in de Welt steihst, un ik of, süß, de Koblhaasen wüllt doch nix vun Di weiten — wi beiden würden uns ganz gaub verdrägen.““

Nu güng allmählich 'n Thrankrüsel in unsern Jochen up.

„Wat? Wo?“ seggte hei un stünn wedder up vun'n Stauhl; „Wat meinst Du, Vischen?“

„„Ik hew Di min Meinung nu seggt. — Du bruckst Di nich mit mi tau schamen —““

Jochen blew de Verstand stahn; hier wuß hei jik wirklich kein Melodi up tau maken.

„„Segg?““ frög Vischen nu drierster, „„segg, wat meinst Du bortau?““

Jochen stünn un glupte mit sin waterigen Ogen up Tanten Vischen, as wenn de Kreih wat Blanks liggn süht, un endlich köm ut em rut: „Wat fall'n dor Grots tau seggn!“

„„Du büst also dormit inverstahn, min Schatz?““

Nu stegen Jochen de Hoor tau Barg. Irst de Geschicht mit de Koblhaasen un nu mit Tanten Vischen, wenn't so bi blieben ded, denn muß hei noch nothwennig verrückt warden, dat güng gornich anners. Em was of ungefähr so tau Maud, as Hanne dessen Morn, of hei seihg.

in'n grot Tünn, wo nix in tau seihn wir, as  
Allns gruglich swart.

Lischen wull grad wedder up em losfohren,  
als tau sinen Glücken de Döhr apen güng un  
Johst sin koppern Näs dörch de Spalt glänzte.  
Wenn den Minschen dat Unglück äwer'n Kopp  
tauhopflappen will, dann grippt gewöhnlich unſ'  
Herr Gott tau rechter Tied dortwischen.

„Dat Di de Hahn hact! Jochen, Du steihst  
jowoll noch in de sülwig Uniform vun gistern;  
orer geihst Du Racker all wedder up frischen  
Wegen? Un, Döwel! wo sühst Du verhäsbäst  
ut, as wenn de Wulf mit all Din Schaap davun=  
lopen is. Hahaha! Du büst 'n Narr un wieder  
gornix; habbst Du gistern Morn minen Rath  
befolgt, un wirst nich up so'n Wegen gahn,  
denn wirst Du hüt anners Sinns. Na, dat  
schad't nich, Du hest doch nu ok de Welt 'n  
beten beter kennen lihrt. — Ach süh', Lischen is  
ok hier, hew ik doch, God dam, ganz äwer weg=  
seihn.“

Lischen muß natürlich äwer besse Nichtbeach=  
tung wedder blag anlopen; un as Johst sik an=  
schickte, vör hüt bi Jochen tau blieben, denn  
hei halte ahn dat Jochen em dat heiten bed, de  
Gluckbubbel, Mettwust, Brod un Bobder ut't

Edschapp un nöhdigte. Jochen und Vischen grabb, as wenn hei dor tau Hus hürte, taum Sitten un Taugriepen; da tröck Vischen siß taurügg, indem sei seggte:

„„It dank, it hew kein Tied mihr.““ Sei schöw af as 'n begaten Pudel, pickblag in't Gesicht. Buten schimppte sei gräsig up Jobst, dat de dor nu of grad twischen kamen müß, da sei binah gewun'n Spill harr, un schimppte of up Jochen, dat de so dumm wir un nich inslagen ded in de Hand, de sei em henrechte; nu was ehr Arbeit vun hüt Morn jo binah ümsünst, un dat harr ehr so vâl Mäuh köst!

Jobst att irst mit recht gesun'n Apptit un höll Jochen noch en lang Kapittel äwer den Junggeselln- un Ehstand, wat Jochen äwer all nich recht inseihn wull; hei meinte as all de Annern: Äten, Drinken, Arbein un Friegein möt sin, Jetten künn doch noch mal sin Fru warden, un bet in den Schinken, dat dat Fett dorvun fleigen ded.

„Wat wull denn dat oll lütt Ding hier?“ frög Jobst, as hei inseihg, dat all sin Prebigten nix nich helpen ded un nu of all 'n tämlische Wiel siß man blos mit dat Fröhstück unnerholln harr, wat em so recht nah 'n Mund snackte.

„„O, nix Grots,““ sah Jochen.

Jobst äwer harr of den lütten Fehler, en beten nieglick tau sin, un dat schien em doch de Mäuh wirt, wat Tanten Vischen wullt harr, wiel Jochen so verbiestert utseihg, as hei rin köm. Jochen harr den Fehler, dat hei nix verswiegen funn, un so köm hei dor denn of bald mit tau Ruum.

„Dat Di de Hahn hackt!“ lachte Jobst, sprüng up un höll sik den Buß, so lächerlich köm em dat vör. „Dat Friegeu brickt vun alln Sieden äwer Di in, un wenn Du Tanten Vischen friegen deist, denn frieg ik de oll Kohnsch mit dat halw Dg of noch!“

Nu vertellte Jobst denn, wat Jochen vun de Bliesaaften bevör stünn, un vermahnnte em up dat Strengste, sik dörchut up nix nich intaulaten, wenn Tanten Vena em de Kapittel vörlesen ded; denn wenn hei sik of wat nah Hanne gelüsten laten süll, hei sei doch in sinen Lebe nich freg, indem dat hei, Jobst, davör upkamen ded un sik, nu nahdem hei sin Verspreken geben harr, ihre uphängen laten wull, as dat mit bitaumahren, dat Hanne einen annern un nich ehren Krishan friegen ded.

„De hewt mi ehr Vertrugen schenkt,“ seggte

hei, „un wer mi sin Vertrugen einmal schenkt, vör den geh 't dörch't für, ehre ik as 'n erbärmlichen Kirl vör em stahn dau.“

Jochen muß nu heilig versprechen, nich blos kein Gelüste nah Hanne tau hegen, sonnern ok Jobst in allen Stücken mit bitaustahn, dat sin Schützlinge taum sekern Ziel kömen. Darup hümpelte Jobst, nachdem hei sik ok noch 'n Enning Mettwust in Popir wickelt harr, ohne dat hei bortau upförrert würd, taufreden af.

Jochen, as hei allein wir, füng wedder an, hen un her tau lopen, un termaubbarste sik, wat dorbi antaufen wir, dat dat mit em un Jetten doch noch wat warden künn. Hei verföll taulekt up den Gedanken, doch mal den Paster Ehrbor um Rath tau befragen, un mit des' Gedanken sette hei sik nu up't Bedden'n dahl un drusselte sanft un ruhig in. In sinen Drussel kömen em de schönsten Biller vör de Seel; hei seihg sik mit Jetten unner den groten Vin'nbohm, de vör Koblhaasens Döhr stünn, sitten, un um em spalten so'n söß Flaßköpp, de as de Örbel-piepen up enanner folgten. Je, dor spalten ok wirklich wed' um em rümmer, äwer dat wiren kein Flaßköpp, dat wiren griesse mit lang Swäns'. Jochen satt ok taulekt wirklich wo unner; hei

wir bi dat Drusen un Drömen in't Wiwagen  
 kamen, vun't Bedden'n runnerrutscht un satt nu  
 in'n verdöwelte verkwatschte Stellung unner den  
 Disch de bi't Bedd stunn; hei harr dorbi wat  
 ümstött, äwer was ruhig drusen un drömen  
 bleben, un wi wüllt em dat Glück gönnen, wat  
 hei sik dor taurecht drönte.

So mancher Mensch is blos in de poor Stün'n  
 glücklich, wenn hei drömt; sobald hei upwaht,  
 geiht sin Leiden wedder vun Frischen an; drüm  
 ehre Jeder den annern sinen Slap!

---

#### Dat 4. Kapittel.

Nah Swerin. — Dat fürnehme Gericht, un Susemihl sin Gedanken äwer dat Wurt Fräulein. — Worüm de Sprüttenmannschaft in de Vein kümmt un Susemihl mit Kolumbus tau verglieken is — Zwei Lannslüd. — Susemihl verswinnt un sin Fru leggt en Gelübniß af.

---

Nah Swerin was de Parol in Kuhlhaasens Gehöft. Jehann sprüng as 'n Kattfel üm dat oll wandshapen Dings vun Kutsch rümmer un späulte un schürte, all wat dat oll Gestell man afholln wull; as dat g'scheihn wir, da würden de beiden olln Böß striegelt un kämmt, dat sei hochup prusten. Sauber un fein müß Allns sin, denn dat güng nah Swerin.

Tanten Zophie harr daräwer ganz ehr dreidäbig Krankheit vergeten, wir noch den sülwigen Nahmiddag upstahn, üm nah den Schinken un de Wüst tau seihn, de ehr leiw Mann mitnehmen süll, denn hei müß doch unnerwegs wat tau



äten hewen; un dat deit kein Landmann, dat hei sik nich vörseihn deit in des' Wies'.

Unkel Hinnik, as Hauptperson bi all dit, güng blos dörch Hus un Hof un äuwte sik darup, woans man in Swerin dahlpedden müß un wie de Kopp dragen würd. De Deinstdirns harrn naug tau daun mit Tügutkloppen un Bößen un Stäwelsmeren, dormit wenn de Reis' vör sik gahn süll, dat dann of Allns prat wir.

Jetten harr irst de Larp hängn laten, as sei hörte, dat sei vun Mudding un Hus weg süll; dat harr so'n eigenthümlich Huddelnik bi ehr geben; sei wir noch nie wegwesen. Äwer sei wuß noch nich, wat dat heit, wiet weg tau sin vun Mudders Broddschapp mang luter frömmen Menschen, darüm harr sei sik denn of bald darup hägt, un harr sik in de Post smeten, un künn nu gor de Tied nich aftäuwen; bet ehr Badding wedder köm un de Reis' vör ehr vör sik gahn künn; sei güng nu of mit'n gravitetschen Schritt dörch Hus un Hof ümmer achter ehrn Vader her, sei müß sik jo doch nu as Stadtdam up dat führnehmensche instudiren. Ja, 't was 'n schönen Taustand bi Unkel Kohlhaas. De Knechten un Arbeitslud stün'n still in Hümpels tausamen; lachten äwer ehr Herrschaft, beden sik

wat tau Pleg un Ieten Gott 'n gauden Mann sin.

Eusemihl äwer harr 'n sworen Kampf tau bestahn, ihre sin beter Hälft dat taugen bed, dat hei mit nah Swerin reisen künn. Up de Knei harr hei vör sin Kunigunde legen un vun Himmel bet taur Jr' beden: „Kunigunde, min best Kind, ik bring Di ok wat mit!“

„„Ach wat!““ harr sei seggt, „„da kannst Du Kinner woll mit smeicheln, äwer nich mi; un denn, wenn Du mi wat mitbringst, denn möt ik Di irst dat Geld dortau mitgeben, un dat is so gewiß wi Amen in de Kirch, Du friggst keinen roben Sößling mit, denn Du weist dor nich mit ümtaugahn.““

„Kunigunde! äwer ik bitt Di, wo ward dat utseihn? De Minsch kümmt doch mal in'n Laag, wo hei sin Hand in de Tasch steken möt, um denn mit'n Gelbbüdel wedder taum Börschin tau kamen; bedenkt doch, wo würd dat utseihn, wenn ik denn in den Gelbbüdel keinen Sößling in harr?“

„„Dat geiht mi nix nich an, wo dat utseihn deit; Du friggst nix un dormit Basta! Wenn Du nu noch reisen wist, denn reis' mit Gott!““ Dorbi dreihete dat oll lütt Ding sik fort um un güng rut.

Nu stünn de arm Köster dor as wi Joseph in de Regenkuhl, un em sackten afwesselnd de Händ an'n Liew runner, un afwesselnd slög hei sik wedder vör'n Kopp un röp ut — natürlich sacht, man ganz sacht, dormit dat jo Keiner hören künn: „O, wat bün ik vör en unglücklich Minsch, un wat vör Jöhren en Esel west, mi so'n Fesseln an de Gliedmaßen tau smeden, dat ik nich mal 'n Gelbbüdel ut de Tasch trecken kann, wo'n Södsling in is!“ Darup füng hei an, mit verschieiden Instramente an Sekretär un Komod rüm tau didrichen, äwer dat was vergewliche Müüh. Kunigunde höll Allns, wat man 'n Versluß harr, bestännig verflaten, un drög de Glätels in'n lebern Tasch unner dat Kleb, wat sei ümmer irst vun un'n upnehmen müß, wenn sei wat rut hewn wull; na, dat was jo vör Joseph Susemihl 'n unerlangbores Flach. Geld was nich anners tau kriegen as dörch Kunigunde ehr Hand; de nöhm ümmer glieks, wenn't Vierteljohr üm wir, den Gehalt in Empfang, un denn was dat vör Joseph sin Dgen verschwun'n.

Susemihl sammelte lang hen un her, wat dor woll bi tau daun wir; mit müß hei nu einmal nah Swerin, denn dat wir 'n tau schöne Verhalung vör em. Wenn hei mal 'n ganzen

Dag orer'n poor nich mit sin beter Part in Verührung kem, dat wir 'n ördentlich Fest. Hei köm denn endlich sowiet in sin Simmelatschon, dat hei nah Kohlhaasen gahn wull un den dat antauvertrugen, dat hei in Geldnothsumstänn wir un deswegen nich mitreisen künn; hei wuß recht gaub, worüm die riele äwer dumme Bur em mitnehmen wull, dat de em so tau seggn as sinen Verstand bruken wull un deswegen of up alle Fäll nich seggn: „Ja, Herr Susemihl, denn deit mi dat leb, denn möt ik allein reisen.“ Ne, hei würd seggn: „Susemihl, dat schad't em nich, Geld bruken sei nich; wat sei vertihren un bruken, dat betahl ik!“ Un Susemihl güng snurstracks hen nah Hinnik un dat köm of richtig so, as hei sik dat utsammelirt hatt. De rief Bur sähb:

„Röster, wat 'glöben. Sei? Wenn ik Sei inladen daun dau, mit mi 'n Reis' tau maßen, denn sünd Sei natürlicherweise min ingeladen Gast, grad as bi'n Röst, un ingeladen Gäst höllt man fri bi kulturelten Lüden. Wesen S' man tau'n Sünabendmorn hentau achten hier, denn fall't vör sik gahn.“

So, nu was Susemihl ut all sin Gefohr rute, hei hen nah sin Kunigunde: „„Du hör mal,

Sünnabendmorn hentau achten, denn fall't losgahn, un Geld bruk ik nich; Koblhaas sorgt vör Uns! Sübst Du, da sporst Du doch wat bi, nich woher, un denn büst Du of nich mihr böös?" "

„Reis' mit Gott!“ sähd dat oll lütt krätig Ding fort, „äwer denn brukst Du of man nich wedder tau kamen!“

Susemihl wuß, dat dit doch man so haben Harten spraken würd, un deswegen let hei sit daräwer kein gries Hoor wassen, sonnern füng of an tau reinesirn un taurecht tau leggn, wat hei up de Reis' braken künn.

Un so würd't Sünnabend. Susemihl nöhm rührigen Affchied vun sin lütt krätig Fru, de em noch einen bösen Blick mit up'n Weg gaw. De oll Burs sahg markwürdig naug ut; 'n Zilinger harr hei up'n Kopp, den jebenfalls sin Großvader of all dragen harr, un'n spiß un haben breid un denn wat langhoorig, mit'n gabliche Kremp, de an beiden Sieden sit in de Höcht bögte, mit so'n Swung as de Ankerarms. Tau den Haut paßte ganz und gor de blage Frack mit de lang'n Swänz und mischen Knöp; de witte West un de lanking Bux bedeckten dat anner vun den Röster, wotau de grot fetun'n Halsdauf of noch dat Einig' bed un de spißen

Badermürres nich tau vergeten. Dat Ganze flebte em pußig genaug, un let em glichs as so wat Gelihrtcs erschienen; un wer man en beten Nahgedanken harr, künn dat furts up'n irsten Blick inseihn, dat de Mann in de Klebasch 'n ländlichen Schaulmeister wir.

Jehann satt all stramm und stiw up 'n Bud, so gaub as sin gesickt eng Liveree em dat verlöwte; an beiden Sieden vun em wir'n Kisten un Kasten stapelt mit Lebensmittel un Speck. Hinnik harr sik vör den breitgesetnen 'n niegen Bilinger anschafft, un was nu grad bi, sin Döckting 'n Ruß tau geben un sin Fru Gemahlin de Hand tau drücken, de em denn 'ne glückliche Reif' un 'n baldig Webberkunst wünschen ded, as Susemihl lichtfäutig un 'n lütten Triller flitend anköm.

„Na, Herr Köster,“ redte Hinnik em fründlich an, „Sei kamen grad tau rechter Tied; nu stiegen S' man furtzens in.“ — Dat geschahg ok un achternah Herr Kohlhaas mit de breid Unnerlipp un den Bilinger in'n Nacken. — „So, nu Adjüs bet 'n Dingstag. Jehann, vörwats!“ Dor rullte dat wackellige Gestell hen und Jeder, de unnerwegs man 'n halw Dg rinsmieten ded, de kunn glichs an Hinnik sin Lipp un Susemihl

sin Badermörrers erkenn'n, dat darin nix Gewöhnliches set.

Wiet wiren sei noch nich führt, as Köster Susemihl sin Maag verdöwelte Stimmen antausrichten süng. Wat Wunner, hei harr dessen Morn mit 'n nüchtern Liew up'n Weg müßt, indem dat sin leiw beter Hälft dat noch heßsch mit'n Arger an dessen Morn kregen harr un em deswegen abslutemang keinen Koffe harr faken wullt, un wiel ümmer Allns unner Sluß wir, hei sik of sülwst keinen besorgen kunnt harr.

Hinnik markte dat Knurren in Susemihl sinen Maagen un wuß, wat dat tau bedüden harr; hei röp Jehann tau, stilltauholln, un de Kiepen mit Lebensmittel wür'n vun'n Buck runnerlangt; de Gesellschaft ut de fürnehm Kutsch sette sik in'n Schoffehgraben und süng ganz gemächlich an tau fröhstückten, wonah Susemihl ördentlich upleben ded un ganz fidel würd, as de Reif' wedder wieder güng.

Up de Reif' passirte nu eben nix Bemerkbores, as blos so'n lütten, vör Susemihl 'n beten unangenehmen Vörfall.

As nämlich de Abend heran bröf — sei führten man wat gemächlich, üm de Pier tau scho-

nen, wat jeder Landmann deit — beslöten sei in Knüttendörp tau blieben. Jöhann spannte ut un füng an tau futtern; Hinnik un Susemihl brünken irst noch 'n Bubbeld Bier tausamen un leggten sik darup up't Uhr; beide snorkten denn of bald, as wenn teigen Holsfagers in Eikenknäst rüm hantirten. So gegen Zwölfen würd Susemihl sin Snorken wat ließer un unregelmäßiger, man harr em't anseihn künnt, dat hei in't Drömen wir. Ja, hei brömte vun Versöhnung mit sin leiw Kunigunde, un dorbi kôm em de lütt Affatz vun ehrn lütten Tüffel so düblich vör de Ogen, as wenn dat gor kein Drom wir, woräwer hei sik dermaßen verfliehen bed, dat hei forsch taurügg treckte, as hei 't ümmer bed. Dit Taurüggtrecken was of kein Drom mihr, orer de Drom was so lebendig, dat Susemihl dat in Würtllichkeit utführen bed; up so'n Drömen was de oll wormsteking Bettstell nich inäuw; knack! seggte sei, un perbauts was Susemihl mit sin Middelstück dörch de Bred fulln. Nu lag hei dor, Bein un Kopp piel tau En'n un dat anner nah un'nwats; Hinnik grünst mal in'n Slap äwer den Krach, snorkte äwer ruhig sin Melodie wieder. De arm Köster künn sik nich rippeln noch rögen, dat was em rein un-



mägelich, -sik allein ut sin Daag tau befrien; un as hei dörch väles Spatteln 'n beten bequemlicher tau liggn kôm, wir 't doch noch ümmer 'n sihr fatale Stellung, un em müß nothwennigerwies' dat Krüz ganz lahm werden, wenn hei bet taum Dagwarden so ligg'n süll; dennoch was em dat sihr tröstlich, dat hei man drömt harr, un seggte sachten bi sik: „'t is doch beter in dit dörchbrafen Bett allein, as tau Hus in 'n heil sülwanner tau slagen, un ik will leiwer des' Krüzweihdaag, de ik kriegen war, utholln, as mit 'n blag Og up'n Sünndag rümspazirn.“ Dat durte lang, bet hei wedder inslöp un an'n annern Morn harr'n Hinnik und Jeshann beid ehr Last, den krüzlahmen Susemihl ut dat noch krüzlahmere Bedd heruttautahsen, un em mit Oppedelbock un so wat intauriemen, dat dat man einigermaten mäglich wir, de Reif' furttau-setten.

So kôm denn de hochbeint Rutsch so gegen Middag in Swerin an.

„Wo sall 't utspann'n?“ frög Jeshann.

Susemihl meinte: „„Tau drei Krüzer in de Duhrstrat, dor is dat 'n billig loschern.““

„Wat vertihrt dor?“ frög Hinnik un schöw de Unnerlipp bet nah vörn.

„„D,““ seggte Eufemihl, „„so vun uns' Slag, Landlud un -- ““

„Dor spannt wi nich ut! Eufemihl, slagen S' 'n anner Gasthus vör; wo All und Jeder ver-  
sichert, da versichert natürlicherweise de rief Bur  
Kohlhaas nich; wo Barons un Grafen versichern,  
dor will ik of luschiren, denn ik kann't natür-  
licherweise lasten; ik kann't betahlen!“

„„Na, denn nah \*\*\* in de Slossstrat, dor  
is't äwer heilsch fin.““

„Desto beter!“ seggte Hinnik, indem hei sik  
bet strammer tröck. „Ik kann mi mäten mit  
Grafen un Barons, un de Mensch möt sik nich  
runner drücken ut frien Stücken; hei möt na-  
türlicherweise nah haben streben, ümmer höger  
rup. — Jehann \*\*\* in de Slossstrat.“

„„Sei,““ seggte Eufemihl, „„sünd up den  
richtigen Weg; ik hew of so'n Drang in mi,  
ümmer nah haben vörwats tau streben, äwer  
min Fru hett mi man ümmer achter an'n Rock-  
slippen tau faten un zuppt mi wedder nah un'n,  
so dat ik nich recht vörwats kamen kann. Ik  
segg sei, min leiw Herr Kohlhaas, 't is 'n wohres  
Krüz, wenn de Fru nich so will wi de Mann;  
ik hew mi all alle erdenkliche Müüh geben, ehr  
'n beten höhere Billung bitaubringen, äwer all

min Mäuh is vergewß, sei is tau profaisch, as de Dichters seggn —““

„Ö prrr!“ sähd Jeshann un de Kutsch höll still; tau glieder Tied reten fief bet sös Merkürs an de Wagenböhr herümmer un grawwelten dat Dings apen, fregen Susemihl irst sacht bi de Slefitten un togen em Hals äwer Kopp ut de Kutsch rute, un dunn kôm Hinnik of dran; „Jes,“ dach de, „dat is jo mal 'ne führnehme Behannlung,“ un tröck sik den Rock wedder äwer de Schullern räwer, den sei em dor runner reten harrn bi de Behülflichkeit. En anner Part vun de Markürs smeten und reten sik mit de Kisten un Kiepen vun'n Buß rümmer, röken an de Deckels un möken listige Gesichter.

„Susemihl!“ sähd Hinnik lief' tau den Köster, as heid vun hin'n un vun vörn in dat Hotel rinnödiget wiren; „Susemihl, dat Snacken möt't Sei hier natürlicherwise daun, diweil ik mit dat Hochdütsche noch nich so recht framen kann, un hochdütsch möt einer doch hier natürlicherwise snacken.“

„Das is gewiß!““ sähd Susemihl halwslud, damit hei gliek bewiesste, dat hei't kunn. „„Kellnöhr, en Ezimmer für uns Beiden! nich, Herr Kohlhaase, in enem Ezimmer können wir das machen?““

Herr Kohlhaas let 'n unverständlich „Mm“ und ein verständliches Kopfnicken vernehmen.

De Kellner müg woll seihn, dat sin Gäst kein vun de führnehmsten wiren, wenn hei of gliêf sah, dat de Mann mit de breid Unnerlipp kein Lump wir; hei bröck de Beiden denn drei Treppen hoch nah achtern rut up en dennoch recht fründlich Zimmer mit zwei Bedden; de anner Trupp Markürs mit Kisten und Kiepen achteran, griffslachten äwer Susemihl sin lang Rockschöt, de binah up de Treppen nachslepten; denn vör em wir de Kledrock jo of nich maht. Dat leb Fru Kunigunde nich, dat hei siê wat Ries vun de Ehl maken let, dat kunn ganz gaud 'n Stück Lüg vun'n Tröbler verrichten, un denn paßt dat nich ümmer so, as dat woll möt. Susemihl wir mit desse Sporsamkeit jo of tau-freden; dat heit, hei müß.

As de Kiepen un Kasten in en Eck upstapelt wiren, trullten de annern Markürs wedder af, de äwer vörup gahn was, un of woll de Oberkellner wesen müg, blew bestahn und frög mit 'n deip Reverenz: „Belieben die Herren hier auf Ihrem Zimmer zu speisen, oder speisen die Herren am Table d'hôte?“

Susemihl sin Blick föll unwillkürlich up de

Kiepen in de Ede, wendte darup si an Hinnit un frög: „„Nich war? wi essen am Table d'hôte.““

Hinnit möt wedder so'n unverständliches „Mm“ un 'n verständliches Nicken, worup de Kellner si taurüggtröck.

„Susemihl?“ frög Hinnit, as de Minsch rute wir, „seggn S' mal, wat is denn dat egentlich, an Snabelschot äten; wat will de Kellner dormit seggn?“

„„Snabelschot nich, Herr Kohlhaas, Tafeldob sähd hei; un seihen S', dat is wat Fins, un viel Sei doch so vör den Furtschritt sünd, so rahd ik dor jo ok man tau; dat Wurt erklärt si miner Ansicht nah ganz einfach: Tafel nennt de führnehme Welt 'n langen Disch, wo so mintwegen 'n Stücker twintig Mann an sitten kânt; dod, nu dod mag dorvun kamen, dat de twintig Mann nu Allns verpuzt, wat up de Tafel kümmt; sei maht de Gerichte dod; seihen S', so erklärt si Tafeldob. Wi hewt jo hier noch rieflich vun dat, wat Seier Fru ut Vörsicht uns mitgeben hett; doch miner Ansicht nah süht dat gor tau puzig ut, wenn man as führnehme Mann in so'n nobel Gasthus si an mitgebröchte Saken satt ät. Wat meinen Sei dortau?““

„Natürlicherweise!“ meinte Hinnik; „wi ät an Tafelbod; de Lüd süllt seihn, dat ik dat lasten kann.“

As de Klock Zwölf slög, marschirten denn uns' beiden Gäst runner in den Ättsaal un nöhmten Platz. Tafelbod was irst um Drei. En vun de Kellners langte Hinnik glieds de Spieskort hen un blew stramm achter'n Stauhl stahn. Susemihl, de inseihg, dat Hinnik nicht so recht mit't Bauksteifirn trecht kamen kunn, sähd:

„„Erlauben Sie, dat ich es Sie vorlesen thu?““ Un hei las vör: „„Boullon mit Klümpe.  
— Schweinsbraten mit Magdeburger Sauerkohl.  
— Kalbsbraten mit Zwetschen. — Rebhuhn mit Appelfoppot. — Baefsteek mit Eiers. — Karpfen mit Marrettig. — Wm. — Hasenbraten mit saurer Gurke. — Rehbraten mit sauren Zwetschen. — Gänsebraten mit Appel un Zwetschen. — Pflaumenpudding. — Reispudding —““ un süs nochwat.

„Na gut, denn bringn Sie uns dat,“ seggte Hinnik, de de Kort vör den Käsenzettel ansahg un all in'n Stillen bi sik seggt harr: „Je, wat so sührnehme Lüd doch vör'n Maagen hewen möt.“

„„Ja, was belieben Sie?““ frög de Kellner un höll dat Uhr bet ranner.

„Nu, das da,“ bedühte Hinnik nochmal.

„„Das Alles?““ frög der Kellner verduzt.

„Alles!“ seggte Hinnik, un reckte sik bet in’n En’n, as wenn hei seggn wull un wat hei of in sik dach: „Jf kann’t jö lasten!“

„„De Lüß hier in de Stadt,““ seggte Susemihl liesing, as de Kellner afgahn wir, „„de ät doch hellisch männigfach; wenn wi tau Hus mal Plum’n un Klüten äten daut mit’n Stück Speck darin un de Klütensupp vörup, denn meint wi wunner, wat wi all up unsern Disch hewen, un hier geiht dat jowoll in’t Hunnerte! — So’n Käsenzettel““ — Susemihl harr de sülwig Ansicht, de Hinnik harr — „„vör enen Mittag? Je, dat is väl!““ Den Köster sie Hart lachte inwennig un sin Tung lichte all üm sinen rasirten Burt rüm; wo sull dat smecken! wo wull hei sik nu mal recht, recht satt äten!

Un dunn güng’t los, so’n söß Mann fungn an uptaubrägen, un dat ret gornich af, de ganze halwe Disch würd vull vun Töllern, vun Rüm’n un Dinger sett, dat Susemihl gornich Dgen genaug harr, um in all dat Geschirr rintaufieken, un sin Näs nich grot un lang naug wir, um all de schönen Geruch intausnüffeln.

Hinnik satt dor, un dat würd em tau Maub, as wenn sin Verstand up Reisen gahn wir; wo

süll dat all rin un wo süll't blieben! — Endlich köm hei doch wedder tau sik un buchte nah Eusemihl ran: „Je, segg'n S', äten de sührnehmen Lüd denn all so väl? Dor glöw ik, kânt wi doch nich gegen an.“

„„Ja,““ sähd Eusemihl, „„de Urt kann wat laten!““ Dorbi was hei all in'n Gang, 'n Hauhn tau trangschiren, un de Schüh löp em bi de Halsbin'n dahl.

„Na, denn help Gott!“ süzte Hinnik un krepelte sik de Rockärmel bet up, „denn will w' mal seihn, wat sik dorbi maken let.“

Bet lang an'n Disch nöhm nu noch 'n Jud Platz, de sik 'n half Beefsteak un 'n viertel Rothspohn geben let; de Jud smet alle Ogenblick so'n schulschen Blick nah de beiden Warsower un sähd stillswiegens tau sik: „Wo haißt? De essen woll vor Zehn? — Schregäwer sette sik 'n Herr mit Fru un drei Döchter un füng of an tau lepel'n un sik tau vermütern vun de Reis'. De Herr köm mit den Juden in't Gespräch un sprök vun Land un Lüd, vun Geld un Course un sowat wieder, wat denn all woll spraken ward. Hinnik äwer un Eusemihl de sähden gornix, sei stoppten blos ümmer hellweg rin, un Hinnik würd all ganz natt vun Sweit, de groten Druppen



stünn' em up Näs un Börtopp, äwer hei let sif nich stüren, denn da wir noch 'n gehörig Flach vör em, wat noch rajolt un eben maft werden müß. Den schragäwer Herrn sin Frugensvolf dat süng, as sei up de Beiden upmarksam worden wiren, an tau fiheln un reten de Taschenbäuf ut de Taschen, üm sei sif vör't Gesicht tau holln, un de Jud sähd tau den Herrn, indem hei vun de Sied schulte: „De Beiden werden noch 'ne Eheirung anstiffen in's Land, wenn se lange leben!“ Nu wendte sif de Herr schragäwer an Hinnik un meinte: „Ihre Familie ist wohl noch nicht beisammen?“ — Hinnik set up vun'n Töller un peddte Susemihl up de Fäut, wat so väl heiten süll, as: „„Köster, antwurten Sei mal!““ — Susemihl verstünn denn ok, nachdem hei doch irst mal unnern Disch felen harr un sif äwertüggt, dat dat Fautpedden ok würllich vun Hinnik herrührte.

„Doch, mein Herr, woanßen meinen Sie?“  
gaw hei dunn tau Antwort.

„„O, ich dachte,““ sähd de Herr, „„weil ich so viele Gerichte und keine Esser sehe.““

„I, sehn Si mich denn nich un diesen Herrn hier? Wir essen da jo ümmer fix drauf los.“

„Na, wünsche guten Appetit!“ seggte de Herr un buchte of in't Taschendauf.

„O, danke, den haben wir,“ antwurtete Susemihl un güng wedder forsch up'n Kalwsbraten los, dat de Funken dorvun stöwten.

'n halw Stün'n müg nu dit Geschäft woll so vör sik gahn sin, de Jud wir all lang wedder weg; den gegenäwer Herrn sin Frugens harr'n Messer un Gabel wegsmeten un wiren rutlopen, um sik buten uttaulachen; beils äwer Susemihl sinen Antoch, beils un am mihrsten äwer sinen Anstand un sin Antwurten. De Herr stünn of up: „Geseignete Mahlzeit.“ — „„Danke!““ — Da seggte Hinnik endlich, indem hei beip uffüfzte un mit beiden Händ'n sik de Mag rew: „Ne, nu — nu kann 't — nich mihr, un wenn s' mi hier of noch vör'n ungebillten Menschen taxiren, — ik kann'r nix vör. Da möt ein sik doch irst natürlicherweise dran gewöhnen, bet hei einen führnehmen Appetit kriegen daun beit. Ik kann'r nix vör, püh!“

„„Je,““ seggte Susemihl, „„ik kann nu wirklich of nix mihr laten; wenn ik dit, wat hier nu äwerbliwt, so tau Hus harr in en egen Schapp, wotau min Fru keinen Glätel, wat wull ik mi denn noch so männigen Dag plegen; wat is

dat schab' üm all dat schöne Ätent!"" Hei kunn  
jif noch lang nich trenn'n vun den schönen An-  
blick, an all den Äwerfluß; doch endlich meinte  
Hinnik, „nu ward 't of woll bilütten Tied, dat  
wi an uns' Geschäft denken, binah hew ik ver-  
geten, worüm wi eigentlich hier sünd. Je, dat  
Fürnehmische, dat höllt denn doch gefährlichen  
jwor.“

„„Also, dat Instertut möt wi nu söken. Kell-  
nöhr! kommen Sie mal ran!"" De Kellner köm.  
„„Wonehm,"" frög Susemihl, „wohnt hier woll  
so'n Instertut, wo man so junge Mätens hin-  
thun thut? Vonwegen, dat sie da ein betchen  
Billung genießen. — Befahlen thun wi in ens,""   
sette hei noch hentau.

„Gleich, gleich, Herr!“ sähd de Kellner, löp  
weg un köm glief darup mit'n Bauk taurügg,  
wat Susemihl vör'n Art Huspostill taxirte; de  
Kellner süng darin an rümtaubläbern un ver-  
schiedene Erziehungsinstitute rutegrawweln. Nah  
Fräulein Feinstich in de Königstrat würd besluten  
hentaugahn, nahdem de Kellner noch bekräftigt,  
dat de dat größte Instertut hewen süll.

Je ja, je ja! Hinnik kunn nich wedder vun'n  
Stauhl upkamen, so sihr harr hei inpackt, un  
Susemihl den güng dat nich beter. Na, dat is

en Anstrich vun Fürnehmlichkeit! Bilütten, bilütten kömmen s' wedder up de Bein, un nu muß Jehann anspan'n, denn tau Haut wir rein unmöglich tau gahn.

Jehann harr sik ebenso güttlich in de Kät dahn, as sin Herr in'n Spiessaal; dat durte of irst 'n schöne Tied, ihre hei in'n Gang köm, un as hei prat un de beiden Herrschaften instegen wiren, da slenkerte hei sik mit sin Bietsch de Nofeinmütz vun'n Kopp, dat hei irst wedder afstiegen muß un sei ut'n Könnsstein grawweln; un as hei da wedder sitten bed, da harr hei den Tügel falln laten.

„Wat heit denn dat?“ röp Hinnik argerlich ut de Klapp. „Nah de Königstrat tau Fräulein Feinstich.“

„Ja, Herr,“ sähb Jehann mit'n hell'sch spitze Tung; hei harr tau sin Widdagäten 'n Buddel Win up sin Herrn sin Recknung drunken; sin Herr harr nichmal an Drinken dacht bi all dat Aten.

In des' Verfattung kömen s' denn endlich nah langen hen un her führen, tweimal wären s' wedder an ehr Hotel vörbikamen, in de Königstrat an.

„Nu, Köster,“ seggte Hinnik, „Sei weiten jo,

wat Sei tau seggn hewt; so vål as 't kosten beitt is mi engal, up Geld brukt wi jo nich tau seihn." Also rin.

„„„Gut Tag! wohnt hier woll Fräulein Feinstich?““ frög Susemihl, üm of recht tau gahn, so'n öllerhäftige Dam, de up de Dähl stünn.

„Aufzuwarten,“ seggte de Dam.

„„„Un is sie woll zu spreken?““

„Aufzuwarten,“ seggte de Dellerige wedder.

„„„Denn bringen Sie uns mal zu ihr.““

„Sie steht vor Ihnen, meine Herren, womit kann ich dienen?“

„„„Ne,““ seggte Susemihl wat unseler, „„ne, Sie sünd das jo nich.““

„Gewiß, mein Herr, Henriette Feinstich nennt man mich. Sie aber sind vielleicht im Irrthum —“

„„„Hier is doch die Bangschonsanstalt?““

„Ganz recht.“

„„„Nun, denn muß das hier jo doch auch sein? Äwer Sie sind das nicht.““

„Warum denn nicht?“

„„„Nun, Fräulein Feinstich hat man uns gesagt.““ Hei betonte das Wurt Fräulein hellsch stark.

„Das bin ich.“

Susemihl wuß nu nich recht, wat hei seggn süll; ne, doch hei inwennig bi sik, hier is Uns anners worden, sietdem ik nich hier wesen bün; nu nennt sik des' olle Madam noch Fräulein! wenn hier nu alle jungn Mätens so utseiht, denn warden s' sik mal äwer Jetten wunnern, wenn de irst hier is. De gaude Köster meinte, de Titel Fräulein kem blos jungn Damens tau; süs nennte man jo of 'n oll lebige Dam, wenn sei nie 'n Mann hedd harr: Mamsell; deswegen kunn hei nu nich begriepen, dat des' öllerhaftige Dam dat Fräulein Feinstich sin kunn. Na, all dat Wunnerwarcken in de Natur hett'n En'n, un Köster Susemihl kôm of wedder tau sik. Hinnit stünn achter em as 'n Statue vun irgend 'n römischen Feldherrn, blos mihr civilisirt, hoch upgericht't mit de Lipp nah vörwats, ohne einen Lub vun sik tau geben; dat Hochdütsch wull noch ümmer nich gahn, un verrahden wull hei sik nich; beslöt äwer, wenn sei wedder tau Hus wiren, denn furts bi Susemihl Unnericht in des' Sprak tau nehmen, da hei doch später, wenn Jetten irst hier wir, öfter nah Swerin reisen würd un doch nich ümmer Susemihl achter sik hewn kunn.

„„Je,““ seggte de Köster, as hei mit sin

Wunnerwarfen tau En'n wir, „denn sünd wir hier doch recht hineingerahden.“ — De öllerhafte Dame kreg dat nu mit't Krazsfäuten un nöhdigte de beiden Herrn in ehr Visitentimmer, wo't denn so gefährlich nobel wir, dat Susemihl sik irst mit'n Taschendauf hinwats lang sin Klebstückchen strek, ihre hei sik up den Stauhl dahlsatte, worup hei nöhdigt würd.

De Kuntrakt was denn nu ok bald slaten: Hinnik sull dat Johr dreihunnert Dahler in drei Raten betahlen, womit hei denn ok inverstahn wir un Uns mit sin unverständlich „Mm“ un sin verständlich Nicken bejahte. Susemihl meinte denn noch, up en poor Schinken un enige Wüst würd dat den Herrn Badder ok nich ankamen; wat de Dame mit'n afgewennt Gesicht, wat in sihr spiße äwer fründliche Falten trocken wir, anhürte.

„Na, also in drei Weken trifft die junge Dame bei Sie ein; Abjüs, Fräulein Feinstichen, bis up Wiederseihn!“

Hinnik mök vun rügglings, as hei ut de Stuw gahn wull, ok'n Diener, wobei hei äwer binah äwer den Süll föll, wiel de twei Töll höger wir as de Fauthorn. — Bör de Döhr angekamen, wohen Fräulein Feinstich Beide dat

Geleit geben ded, was vun Jehann mit sin Pier un Wagen kein Spur tau seihn, de harr doch solang täuwen süllt, bet sin Herrschaften wedder rute kenen, dat harr Hinnik em jo doch of seggt. Je, wo wir de Esel nu bleben?

„D,“ seggte Susemihl, „er verpeddtet woll seinen Pferden en bitschen die Füße, wolln man noch enen Ogenblicking töwen, denn wird er woll gleichsen kommen.“ Un sei töwten noch en halw-Duzend Ogenblickings, äwer wer nich mit de Kutsch ankam, dat wir Jehann.

„Natürlicherweise,“ seggte Hinnik lies' tau Susemihl, denn de Dam stünn noch dorbi, „möt wi nu tau Faut uns' Hotel wedder upjöken, denn dat durt mi tau lang.“

„Ja, uns' bliwt nix anners äwer,“ seggte de Köster, un nu würd noch mal 'n Diener maht, wobi Hinnik äwer den Süll hellisch in't Og fôt. De Beiden gungen af un Fräulein Feinstich müß sik dat Liv holln, as sei allein wir, un sik dāgd utlachen, so'n spaßhaften Indruck harrn de beiden Herrn up ehr maht; darup gung sei in dat Arbeitzimmer, wo ehr annern Böglinge, luter oll lütt Backfisch, seten, un vertellte de, dat sei nu noch 'ne niege Kammeradin tau-fregen, un mök all 'n Bild dorvun, wat sei nah



den Röster un nah den stummen Vader, as sei fäh, entsmieten ded; sei mök of de Bewegungen vun den Röster nah, denn de set nie rauhgig up'n Stauhl, wenn hei wat vertellte, hauptsächlich wenn't 'ne wichtige 'Sak wir; mök allerlei Fissamententen in de Luft un rutschte mit sin bestes Deil ümmer hen un her, woräwer hei vun sin Kunigunde all so männig Uhrfieg kregen harr, wiel sei 'ne sporsame Fru wir, un so'n Gerutsch nothwennigerwies' de Stauhl un of de Büren nich gesund sin kunn; de Röster äwer kunn't doch nich laten, trotz so'ne söhlbore Ermahnungen. — Dat öllerige Fräulein kunn dat so drullig nahmaken, dat dat en idel lustig Leben in't Timmer würd, un vör hüt sik man blos up't Handslagen un Stauhlrutschen ämwit würd, denn dat was nu of all schummrig, beschickt kunn doch nich recht mihr wat warden.

Hinnik un Susemihl dwäterten de Strat up un dahl, hen un her, un löpen binah alle Straten tweimal dörch, blos de nich, de sei söchen. Bi so'n Dwätern ward ein hungrig un döstig; Hunger spürten des' Beiden grade nich, äwer de Döst mök sik sihr bemerkbor; sei mühten inführen in en beliebig Gasthus, un Hinnik bestellte glieks 'n Buddel Schlampanger, denn

Susemihl säh, dat des' Urt de dürste wir, un vun't Dürste müß Hinnik nehmen.

De' tweit Buddel würd of brögt, un de drüdd wir bald ut, denn so'n Gebränk dat müß ein doch lawen, un dat bed Susemihl denn of ut vulln Harten; un bi dat Lawen müß denn jo of präumt werden, und so lawten un präumten sei de viert Buddel of noch ut. Susemihl harr dorbi gliet's bi de irst Buddel all dat Handslagen un Stauhlrutschen wedder kregen, dat de Buddels un Gläs up'n Disch ehr Noth hadden, de Balangsirung tau holln; hei sülwst verlür taulegt dat Gliekgewicht un sette sik mit sin sünndagschen Antoch bats unnern Disch; würd äwer vun Hinnik, de nah den Genuß vun geistige Gebränke ümmer sihr irkst un argerlich würd, wedder hervörsöcht, un nu davör wir, dat sei ehr Clapstell upsöken beden; en Nachwächter müß sei denn man ut de Verlegenheit helpen, süs wiren s' gewiß nich trecht fun'n. Indem Hinnik in de Tasch langte, üm den Mann vör sin Bemäuhung 'n Dahler tau geben, — unner dem gaw Hinnik in de Stadt kein Drinkgeld, — trillerte Susemihl all de Trepp henan mit sihr wietlöfstige Arm- un Beinverschrenkungen; dat Treppenstiegen möß em noch däfiger in'n Kopp,

hei wüß, dat sei tämlisch hoch wähten, äwer de Treppen harr hei nich tellt; so kôm't, dat hei so hoch stiegen ded, as 't man irgend bequemlich gahn wull. So, nu stünn hei dor vör 'ne Döhr, wo't nu rin gahn süll, äwer tau sin Mallühr was 't ein, de rut güng; nämlich rut up de Dackrön'n. Susemihl kröp, denn de Döhr was wat lütt, kröp rut, un as hei buten gewohr würd, dat hei sik doch woll verbiestert harr, da snappte de oll zackermetsche Döhr wedder in't Slott, un vun buten was weder Drücker noch Slätel, de Döhr wir nich uptaukriegen. Da, Röstler, nu verpuß Di irst!

Hinnik pulterte of de Trepp henan, mit de Unnerlipp vörut, as hei den Nachwächter los wir. „Drei Treppen,“ brummte hei vör sik, „dit sünd nu drei.“ Dorbi fate hei up den Drücker vun 'ne Döhr un güng rin. „Natürlicherwise,“ seggte hei, as hei bin'n wir, „natürlicherwise, Röstler, so'n Lüd möt 'n nobel behanneln. — Nah, liggt Sei denn all in de Buch? Dor helt der Däumel 'n Licht henstellt un kein Strikstücken dorbileggt, un of nich mal 'n Swammdohs; womit sall ein dor 'n Licht ankriegen? Verfluchtes Gesinnel schient ein dit verfluchtes Markürvoll tau sin —“ batsch — harr hei sik bi'n Stauhl

bitau henschett; „dor sitt ein nu natürlicherwise an de blanke Jr' un kann sin Stäweln noch nich mal vun de Bein kriegen. — Taum Dunnerweber! Susemihl, wo sünd Sei denn eigentlich; worüm antwurten Sei mi nich?“ — Je, Susemihl satt jo in de Dackrön'n un füng nu nahgrabens an tau frieren.

Ünner sin argerlichen Sülwstgespräke harr Hinnik sik denn nu bilütten bet up't Hemb uttrocken un grawwelte sik in't Bedd herin. „Wat, Susemihl, harr'n wi denn nich hüt Morn twee Bedden, un nu hewt uns de zackermementschen Markkürs, dit Volk, sülwanner kwartirt, un hewt uns de en Beddstädt wegslept? So'n Wirthschaft! nah, denn gahn S' man bet hen.“ Dorbi schöw hei sik mit rinner in dat ensläperen Bedd. De dor inlag, was de Jub vun hüt Middag, de bi sin Beefsteak un sinen viertel Rothspohn Hinnik sinen gauden Apptit bewunnert harr un vör de düren Tieden hang worden wir; as de sik nu so bedrängt süht, ward hei natürlich upwaken, springt piel in'n Er'n mit'n heiden Geschrich: „Gerechter Gott, 'n Einbruch!“ — Hinnik ward gewohr, dat dat nich Susemihl sin Stimm is un Susemihl ok nich so'n langn Burt drög, ward ok upspringen un röpt in de Ver-

hässbäsung ut Leiweskräften: „„Für! Für!““  
 — „Diebe! Diebe!“ schriegt de Jud wedder un  
 friggst Hinnik bi de Kehl tau packen. — „„Für,  
 Für!““ schriegt Hinnik, un söt den Juden mit  
 beide Arms üm't Krüz, dat't hellschen knaken bed.

So rangelten sei sik denn nu ut dat Bedd  
 rute, trönnelten sik midden in de Stuw' herin,  
 wobi sei ümmer ümschichtig wedder schriegten:  
 „„Für, Für!““ — „Diebe, Diebe!“ un denn  
 de Jud dat 'ol mal mit de grötst Angst kreg un  
 röp: „Gerechter Gott! er mordet mich, ich bün  
 'n geschlogener Mann!“

Hinnik sin Fürraupen was un'n in'n gan-  
 zen Hof hört worden un de Husknecht was glief  
 nah't Sprüttenhus lopen, üm de Sprüttenman-  
 schaft in'n Gang tau setten, bet dat Für üm sik  
 griepen kunn. Of in'n Hus würd de Larm  
 hört; de mihrsten Reisenden wiren all tau Bedd  
 gahn un kömen nu in korten Tüg tau Rum;  
 Manns un Frugens un Kinner mit ehr besten  
 Habseligkeiten ünnern Arm, un dat würd en  
 Gerön'n un Gelop un en Dörchnanner, dat kein  
 Minsch sin eigen Wurt hören kunn; bloß den  
 Juden sin „Gerechter Gott“ un Hinnik sin  
 „Für!“ drängten mitunner dörch.

„Wo is dat Für!“ kümmt 'n Sprüttenmann

de Trepp in'e Höcht un drängt sik dörch dat Gewimmel, den Schlauch all in de Hand achter sich her slepend. „Für! Für!“ hört man Hinnik sin Stimm wedder; also in dat Zimmer! De Döhr ward gliek in dusend Stücken slagen un un'n fang'n de Kirls an tau pumpen — klatsch! prallt de breide Strahl in de Stuw herin, wo de Beiden noch in'n Hemd an de Ir' rümtrönnelten; un — brrr — brrr — schüddelten sik Beid un leten los.

„Wo haist?“ seggte de Jub.

„„Dit is mal wat!““ seggte Hinnik un befehl sik achter un vör.

„Wo brennt's denn?“ frögen Verschiedene, de ehr Reifesecken un Kleidungsstücken unner'n Arm hadden, un nich mal sik so völ Tied nahmen, dat Nothwendigst antautrecken.

„Ja, wo brennt't? narrens nich brennt!“ seggte Hinnik, „des' Minsch hett sik hier rinnerflesen hemlicherwies' in min Bedd, un deswegen natürlicherwiese röp ik Für, um em los tau warden.“

Nu füng denn Uns an tau lachen, blos de Jub nich, de was sihr irnst un hellisch falsch; „„Wo haist?““ seggt'e, „„ich hob mich nicht geschlichen in sein Bett; ich wohn auf Nr. 18

vor'n 'raus zwei Treppen hoch, und des' is Nr. 18. Brrr!"" hier schüddelte hei sik webder vun wegen de Mattigkeit, denn sin halwlin'n Hemd klewte em man so an, un dat is in'n Harwstnacht nix Angenehmes. „„W'rüm schießt man gleich þu mit de Wasser?"" resenirte hei noch argerlich, „„kann man nich erscht sehn zu, ob es ist nöthig?""

De Schreck harr Hinnik nu sowiet nüchtern maßt, dat hei inseihn kunnt, dat hei an Alln de Schuld wir, wiel hei nich up't rechte Zimmer gerahden was, sonnern 'n Trepp niedriger; hei füng denn nu of an, sik tau verexküsen, wo-vun de Jüd äwer nix weiten wull; de nöhm Hinnik sin Klebaschen un smet sei mitsammt em ut de Stubendöhr in sin krätig Wuth. Hinnik sammelte sin Kram denn of stilling webder up, slög sik't äwern Arm, sin beiden Stäwels in de Hand, un schämte sik ganz bannig, binah de Ogen ut'n Kopp; irstens dat de Lüd nu hört hadden, dat hei nich hochbütsch snacken kunn, zweitens, dat man em dat doch as 'n Dummheit anreken müß, wenn hei so anner Lüd ehr Stuw vör de sinig holln harr. Mit so'n schamerigen Gedanken steg hei denn noch 'n Trepp höher un kröp verdreitlich und mißgestimmt, as 'n Winsch



man warden kann, in't Bett; hei seihg gornich ümsik, bit was em doch tau scharnirlich, nichmal Susemihl müg hei unner de Dgen kamen, un freute sik of deswegen man dat de gornix seggn ded un wohrscheinlich all slöp, as wi hei dach.

In't Hotel was t' noch lang lebennig, denn desse Geschicht wir doch Allen, uter den Juden, de 'n frisch Hemd antrocken und sik schnell wedder in't Bett leggt harr, um sik vör Verfüllung tau schützen, sihr spaßig, un 't würd noch manch Buddel Wien in't Gastzimmer up dat Wohl vun den Landmann drunken, de ehr so'n vergnügten Abend bereit't harr. Of de Sprüttenmannschaft tügte sik einen, de mit up Hinnik sin Recknung köm, denn so 'n Narrheit de müß doch mit'n Geldbuß vun Rechtswegen bestraft warden, un denn köm't ja up'n Handvull nich an.

Nu mät wi Susemihl mal wedder upstöken; wi hewt em in de Rön'n sitten laten, wo hei denn of während de Tied, wo dat mit den Juden un Hinnik passirte, ruhig sitten ded; de Larm un'n un dat Fresen, wat em äwerkamen was, harr of sinen Rausch 'n beten verjagt, dat hei nu mit'n kloreres Og um sik seihn kunn, un markte, dat hei twischen zwei Hüser baben in de frische Luft sitten ded. Da nu de Döhr dörschut



nich wedder apen güng, da föll em in, grad as Columbus 't infölln is, dat up de anner Sied of noch Land sin müß, vör Susemihl 'n Döhr; tau des' Entdeckung brukte hei nich äwer'n Meer tau swömmen, äwer haben äwer'n Hahnbalken krupen, anners kunn hei nich up de anner Sied gelangn; up des' Sied was wieder kein Lut noch Döhr.

Susemihl füng denn of sin Entdeckungsreis' an un gelangte of richtig bet haben up den höchsten Sitz vun dat Dack, äwer ganz ut de Puß, so dat hei sit hier irst 'n beten besin'n müß.

„Jes,“ seggte hei halwolud bi sit, „wenn nu min Kunigunde mi hier so sitten seihg, wo würd mi dat gahn, wenn ik wedder henaf köm! wenn sei't nahs man blos nich mihr an min Bür seihn kann, dat ik hier up't Dack rümmerrangt hew. Doch wat sall ik dorbi maken, wenn Einer Mallühr hewn sall, denn het hei Mallühr! Dit kümmt vun den verfluchten Schlampanger. De oll fett Kohlhass liggt nu gewiß all in gaube Rauf in't warme Bedd, un ik möß hier fresen un in Ängsten sweben mang Himmel un Jr.“ — So sprök hei mit sit sülwst und satt dor as de Pog in'n Maanschien; un de Maan

schiente of wütklich un lüchte em up sin Entdeckungsreis'.

As hei nu dor satt und siß verpußte, dor geiht da still gegenäwer in'n Gebel 'n Finster apen, un in dat Finster kümmt in'n streng'n Regelscheh 'n slanke bleike Gestalt taum Vörschienen. „Lieber Mond!“ süzte dat in de Nacht henut, „Du siehst so freundlich auf mich nieder; o schaue auch auf ihn! sieh in sein Fensterlein und sage ihm, daß ich noch seiner treu gedenke, daß mein Herz noch glüht in heißer, treuer Lieb zu ihm; sage, daß ich so manche heiße Thräne vergossen habe wegen seiner, daß er so lange weilt und ich meine Arme so oft vergebens ausstrecke nach ihm, nach ihm! ach! und wo er wohl jezt sein mag?“

„„Dor sitt hei jo!““

„Wo, wo?“

„„Dor haben up't Daß!““

„Er? Wer?“

De Leiwster nich vun't lütt bleif Mäten dor haben; ne, Susemihl! un de Stimm würd of nich an't bleif Mäten richt, ne, de harr en Bengel an den annern richt't, de unsern Susemihl ut sin Daßkamer, gegenäwer dicht an't bleif Mäten, gewohr worden wir, und de meint harr,

dat Susemihl dor haben dat mit't Nachtwanneln  
fregen; de Bengel harr sinen Kammeraden ropen,  
üm den den Nachtwannler tau wiesen; de kunn'n  
nu noch nich glief wies' warden.

„Dor sitt 'e jo,“ seggte wedder de Erste,  
„dor, kief doch, dor haben up dat Dack, ganz  
uppe Spiz!“

„„Jes ja, kief mal, wo hei dor rieden deit;  
ne, segg mal, Franz, süll de Minsch denn woll  
nu würklich slapen?““

„Gewiß! süh, wer sett sik denn süs bi nacht=  
slapen Tied dor haben up'n Hahnballen?“

„„De wannelt Nacht! Herr Je, da möt 't  
min Mudding doch mal wecken.““

„Un ik rop Frik!“

Dit Gespräch harr denn ok dat bleif Mäten  
upmerksam maht, un ok sei verget ehrn Leiwsten,  
wunnerwarke äwer den Nachtwannler un röp  
ok ehr Mudding und ehren Brauder an't Finster.  
Un'n up de Strat güngn noch enzelne Lüß.  
„Kieft dor haben!“ röp Franz, de nu mit Frik  
allwedder ut't Finster kef. „Kieft, dor haben  
sitt Ein un wannelt Nacht! ik hewn tauirst seihn.“

„„Herr Je, ja!““

„Gotts ein Dunner, wenn de dor man nich  
runner föllt!“

„„Ja, Ji möt em man nich raupen.““

Ümmer mihr Winschen versammelten si; Jeder, de de Strat passiren müß, blew dor irst bestahn un wunnerwarfte, un vun dat Wunnermarken wackten all de Nahwers wedder up un seken ut't Finster nah dat Dack rup, wedd sogar mit Sperkuckewiets orer Opernkiefers.

„Wat mägt de tau kieken hewn?“ dach Susemihl, de gor nich im geringsten ahnte, dat dat up em afgeseihn wir; un hei kröp bet up de ütelfte Spiz, dat man em nu irst recht in Ogen-schien nehmen kunn.

In't Hotel, wo sei noch meistens All up wiren vun den irsten Schack, würd dat denn nu of wedder lebennig un Allns löp Trepp up nah'n Bähn, um dor ut de Luß den Nachtwannler genau tau seihn. De Wirth natürlich keß of ut, up de Sieb, wo Susemihl richtig dacht harr, dat dor 'n Jngang sin müß. As de nu eben den Kopp rutsteken hett, röpt Susemihl em tau: „Herr Wirth, sagen Sie mich doch blos mal, worüm kieken die Leute dor unnen ümmer so an ihr Haus raufe, is dor was an passirt?“

„„Sie plagt der Teufel!““ röp de Wirth argerlich; „„nach Ihnen guckt ja das Volk. Was in des Himmels Namen haben Sie denn mitten

in der Nacht da oben auf meinem Hause rumzureiten? Ich möchte mir solchen Spaß verbitten! Die Menschen glauben, Sie sind ein Nachtwandler, ein Mondsüchtiger. Mein Dach ruiniren Sie obendrein mit Ihrem Unsinn!"

„Herr Je, mein lieber Herr Wirth,“ beswigtigte Eufemihl, indem hei Anstalt maken ded, nah de Bähnluf dahltaurutschen; „nehmen Sie't man nich krumm, ich bitte Sie, werden Sie doch man nich gleich so argerlichen; sehn Sie, es geht Uns natürlich zu in der Welt; ja, Uns natürlich, darüber habe ich mich mit unsern Herrn Paster Ehrbor schon manchmal gestritten. — Sie werden wohl mal Gelegenheit haben, den Herrn Pastor Ehrbor kennen zu lernen — ich sage Sie, Wunner giebt's nich, was in den jekigen Jahrhundert ein jeder denkende Mensch einsehn sollte, denn —“

„„Machen Sie nur, daß Sie da herunterkommen! Hören Sie nich, wie das Volk klatscht? So was vor meinem Hause! solch'n Skandal!““

„Ja, ich wollte Sie man sagen, daß Uns mit natürlichen Dingen zugehn thut, und daß Sie nicht etwa meinen sollten, ich sei hier auf unnatürlichen Wegen rausgekommen. Hören Sie blos, was mich verpassirt is.“

„„Ach was, machen Sie nur!““

„Ja, erlauben Sie, wenn ich Sie nicht treten soll, müssen Sie den Kopf en beten rechtsch holln; — so —.“ Un somit was Eusemihl denn vör de Tauschauers verschwun'n un sette blos noch up'n Bähn den argerlichen Wirth dat utnanner, woans hei in so'n mißliche Laag gerahden wir. De Wirth spröf mit'n heßsch verdreitlich Gesicht vun'n anner Gasthof wat mank de Thän un schöw unsern Columbus in Nr. 68 bi den verschamten Hinnik rin, de piel in'n En'n springn bed un dach: „Nu geiht't wedder los mit de Sprütt; wunnerte sik äwer nich slicht, as hei seihg, dat dat sin Reisgefährte wir, de em dor stürte, und freute sik nahs in'n Stilln, dat de vun sin Mallühr nix gewohr worden wir. Eusemihl äwer vertellte gaudhartig, wat em passirt, denn hei künn nix in'n Harten vör sik beholln, dat müß ümmer All rut; blos dit nöhm hei sik stark vör: gegen sin Kunigunde vun dessen Wörfall kein starwend Wurt tau seggn, und bed of Hinnik, dat hei dor nix vun seggen müg.

Nah desse Unannehmlichkeiten flöpen denn de Beiden desse Nacht sihr unrauhig. Hinnik meinte alle Ogenblick wedder den Juden in'n Arm tau hewen, un Eusemihl sahg ümmer den lütten Af-

saß vun sin lütt Fru ehrn lütten Tüffel; wiel sin lütt Fru dat doch gewohr worden wir, dat hei ut Nachtwanneln gahn was.

Nu möt wi blos noch seihn, wo Jehann denn eigentlich bleben is. Je, Jehann, de was vun dat ungewohnte Gedräng wat duslich un mäuhb worden, un wat denn vör Wunner, as hei dor vör Fräulein Feinstich ehr Hus so lang still holln süll; da wir hei innerdruffelt un dröimte vun luter Winbuddels mit afgeslagen Hälser, un de danzten up langen gedeckten Dischen hen un her. Wi hei so drömt', wir 'n Jung de Strat lanterkamen; Jungs sünd ümmer vull Knäp; wi de seihn harr, dat Jehann slöp, maßt hei vör de Pier' ehr groten Ogen so'ne Bewegung, as wenn hei de Pietsch regirte, und seggte: „Jüh!“ Dat leten de olln trugen Diere sik nich tweimal seggn un söckelten in so'n lütten Draw af, de Strat entlancken, en poor Mal üm de Eck un so taum Duhr herute; sei wiren jo woll Gott weit wo wiet lopen, wenn nich de Sulbaten mit vuller Musik daher getrocken kömen; so wat kunn'n de Warsower Mähren nich verdragen, denn dat wiren sei nich gewohnt; heidi! sprüngen sei piel in'n En'n, un as sei markten, dat de Tägell slaff wiren, dunn güng't los in vullen Draw

äwer Stoc un Stein, as wenn sei den Sün'n-  
 wagen tau trecken un nu in einen Dag üm  
 de Jr' müßten; Jehann as Hellios was vâl  
 tau deip weg in sinen Drom, as dat hei vun all  
 dem wat markte. Grad will de Wagen an de  
 Kumpeni vörbei, as 'n jung'n Kirl ut de Reihg  
 springt un mit sichern Griff de Tâgel fôtt; de  
 Pier' stahn, äwer de Kutsch verliert dat Glied-  
 gewicht un süh dah — da liggt de ganz Besôk;  
 Jehann, de slapende Hellios, de flög in'n goth-  
 schen Bagen as ut'n Möser schaten — bauts in  
 den halwvulln Graben. Dat Glaswerk an de  
 Kutsch was in dusend Stücken un Jehann pudel-  
 natt. „Nu lief ein!“ seggte hei, as hei sîk vun  
 de Dôp vernüchtert ut den Graben rute graw-  
 welt, „so kann ein tau sitten kamen! Herr Jes,  
 Gott Stralax! Krischan, büßt Du dat? un in  
 so'n Mundirung, büßt Du denn unner de Sul-  
 daten?“

„Ja, as Du sühst.“ — De jung Kirl, de  
 de Pier in de Bucht sprungn wir, was kein Anrner  
 as uns' lütt Hanne ehrn braven Krischan. Na,  
 nu würd wunnermarkt vun beiden Sieden, bet  
 sei sîk in Kortn utnanner sett harr'n, wo s' hier  
 her kômen. De Leitnannt vun de Kumpani be-  
 orrerte en poor starke Kirls, de de Kutsch wedder



in de hoch Kant bröchen; Jehann würd wedder ruppe set't, üm nah sin Hotel taurüggtauführen, un denn, as hei Krischan verspreken bed, em in de Höll, wat 'n Kraug is, wedder uptausäufen, wo sei denn sik vun ehre Heimath 'n Strämel vertellen wulln un'n Buddel Bier dortau drinken. Jehann scherte sik wenig an sine Herrschaften, hei bröck de Pier' in'n Stall un de Kutsch in'n Ruum; tröck sik reinliche un dröge Klebatsch an, de hei sik vun'n Husknecht borgte, un güng nah de Höll, wo hei den Krischan of all richtig fin'n bed. Krischan was süs 'n sihr solieden Minschen un güng nie in'n Kraug, hüt äwer, üm Jehann, üm sinen Vannsmann, mök hei 'n Unahm.

„Je,“ seggte Jehann, as sei fast sitten beden; „wat klebt Di dat einmal nett, ik wull, ik wir 'e of unner.“

„„Dat wünsch nich,““ seggte Krischan, „„irst is't'n Blaag un'n Quälkram un am En'n wieder nix as 'n Spälkram; ne, lat Di versichern, Jehann, ik tröck vun Harten girn dessen staatschen Rock ut un kröp vergnögt in minen Linnkittel wedder rin. 't is doch 'n ganz annern Snack, wenn 'n arbein deit, as wenn 'n spält; dortau bin 't all rieflich old, un denn““ — hier süfzte

hei — „,,denn jo wiet vun jin Dirn tau jin! Jehann, dat is nix Lütts.“

„Ach wat, Krijschan, sett Di doch de Dirn ut'n Kopp, de friggst Du jo doch in Dinen Leben nich; wat meinst Du, dat de olln Bliesatts ehr einzigst Kind an'n Knecht vermeiden.“

„,,Jehann, dat weit ik woll, dat dat so'n Sak is, äwer wenn Einer Eine recht leiw hett, süh, denn glöwt hei jewoll, dat de Hewen gel utseihn ward, wenn hei't girn will. Jehann, dau mi einen Gefallen; wenn Du tau Hus kümmt, gah henn nah min Hanne un segg ehr, Du habbst mi spraken un 't güng mi sihr gaud; 't is twors nich woht, denn dat drög Komißbrod smect mi dörchut nich un äwerhaupt — na, dat dröfft sei nich weiten, süs quält sei sik man noch mihr üm mi; segg ehr man blos, mi güng't gaud, ik let ehr of völmal gröten un sei süll man utholln, de Tied würd woll wedder kamen, wo ik nah Hus trügg gahn dörf. — Nu segg mal, wat makt denn Din Herr hier eigentlich?“

„Je, weit ik't?“ seggte Jehann un schenkte sik frisch in, „ik müß jo hüt Nahmiddag nah Jungfer Stahlstichen führen, wat sei dor dahn hewt, dat weit ik nich, un luschern daut wi in \*\*\* in de Slopßtrat.“

„Dunner, dat is jo ein vun't finst in de Stadt!“

„Ja, wi ward nu ümmer nobler, dat kannst man glöben!“

„Is denn Jur Fru ok mit?“

„Ne, äwer de Köster.“

„Susemihl?“

„Ja.“

„Je, dat is denn jowoll 'n heil wichtige Sak?“

„Wenn 't mi nich irrn dau, denn is't üm Jetten; de Dirn sall jowoll hoch rut, sei mägt s' jowoll versriegen willn hier in Swerin. Ik weit dat äwer nich un kümmer mi dor ok nich üm, dat sünd nich min Bohnen.“

Unner derglieken Vertellungen löp de Tied hen. Krischan harr sik bet Alost Twölf Verlöw beden, wiel, as hei meldte, hei Besök kregen harr. Jehann kümmerte sik nich üm de Tied, hei harr sin Mähren de Krüw vull stoppt, de würden woll nich verhungern, wenn s' ok mal nich ehr Recht kregen. So hentau Twölfen möken de Beiden sik denn ok ut'n Stow; Krischan was noch heil vernünftig, denn wi geseggt, hei was 'n sihr soliden Minschen, Jehann äwer harr sik wedder gehörig rinhängt, un mit dessen Getügten

töm hei denn vör't Hotel an, wo nu allwedder  
 Uns in gaude Rauh wir, natürlich vör'n ver-  
 slaten Döhr.

„Dat is ein Stück!“ brummte hei vör sik,  
 „lut't sei einem de Döhr vör de Näs tau; un  
 hier is 't nich mal as tau Hus, wo 'n äwer'n  
 Knick stiegen un in't Finster kladdern kann.“  
 In des' Bertwieslung sette hei sik up de steinern  
 Tritten und drüste dor denn, as hüt Rahmeddag  
 up'n Buß, wedder selig in, wo hei denn ok  
 richtig bet taum Morgen süten bleben is, wiel  
 kein Minsch mihr Inlat begehrte un de Nacht-  
 wächter, de dat Rewir harr, harr sik vun dat  
 Drinkgeld, wat hei vun Hinnik kregen, 'n ver-  
 gnügt Nacht maht un sik 'n Düwel üm de Wacht  
 bekümmert. As man Jehann nu dor sünn, was  
 hei pickblag froren un müß mit warm' Kruken  
 in't Bedd bröcht warden; dortau kreg hei naht  
 noch 'n schönen Rüffel vun Hinnik vun wegen  
 dat Wegführen un de intweiligen Rutschenfinstern.  
 Äwer wat sall man bi Gescheihnes maken? Mit-  
 unner let sik dat wedder gaud maken, mitunner  
 nich; wat sik nu hier wedder gaud maken let,  
 würd dahn, de Rutsck kreg nie Finstern; Jehann  
 jin Snuppen gaw sik äwer nich so licht, un  
 de eigenen Gedanken, de de Hotelbewahners vun

unſ' Warſowers kregen, wiren of ſo licht nich wegtaumiſchen.

Vör beſſen Dag, denn Hinnik nu noch be-  
nuzen wull, üm ſik de Stadt 'n beten tau be-  
ſeihn, müß hei tau Faut gahn, un dat ded hei  
denn of, wobi natürlich Suſemihl em begleiten  
müß, de äwerall de ganze Stadt jo kennen wull.  
Jeder lachte, wo de Beiden ſik ſeihn leten; de  
Jungs möken ſik einanner upmarkſam; „ſüh, dat  
is de Nachtwannler!“ un löpen denn 'n Weg lang  
achternah, ſo dat jeder Minſch dat gewehr würd,  
wat Suſemihl vör'n Streich in de verleden Nacht  
maakt harr. —

„In't Hotel ät wi nich wedder,“ ſeggte Hinnik  
ſo gegen Middag, „indem dat wi natürlicherweiſe  
unſ' Vex wedder nich upkriegen beden, un man  
kunn denn am lezten En'n marken, dat wi doch  
man ganz gewöhnliche Lüd wiren; wi möt uns  
up dat Äten tau Hus irſt mal inäuwen.“

„Wi hewt jo noch in de Kiepen,“ meinte  
Suſemihl.

„Ne,“ ſeggte Hinnik, „of dat nich; wi kânt  
uns äwerhaupt am Daag dor nich weder ſeihn  
laten; irſtens üm min — ne üm Seier dummen  
Säß, un tweitens, wiel ſei uns denn doch wedder

ranfrieggen würden; wi ät hüt in'n geringer Gasthus, de Lüüd kennt uns jo nich."

Äwer in dat geringer Gasthus, wo sei ringeraden deden, kennten ehr de Lüüd all tämlisch gaud, un Ein' redte Susemihl gor an: „Na, hewen Sei denn oft dat Mallühr, up de Däker rümtaurutschen?"

„Wo? Nein, das lassen Sie nu man,““ sähd de Köster sihr verbiestert un Hinnik argerte sik dāgd äwer desse Erkenntlichkeit; doch sei wiren nu enmal da un müssen nu of da blieben, harrn äwer noch manch spikfinnige Reden uttauholln. Hinnik bestellte dat Äten; „äwers nich so viel,“ sette hei noch hentau in Angst, dat hei wedder sik verrahden müß.

De Nahmiddag löp denn nu so hen, ahn dat wat passiren müß. Abends güngu sei in't Theater, wo't äwer Hinnik nich gefallen ded, wiel s' der so väl bi sik sülwst snacken deden, wat doch eigentlich man Kinnsche un Verrückte daun. Susemihl äwer was ganz weg in dat Stück, un hei beslöt in sik, nahs of eint to schriewen, da hei jo all immer wat vun'n poetsche Aber in sik spührt harr; hei smet sik of gliets mit'n Stoff herümmer, de sihr na de Jungfrau vun Orlean smacken ded,

wiel hei dat Bauk in sin Besizdom un all sühr oft dörchstudirt harr.

Nah'n Theater wulln sei noch einmal in'n Gasthus inführen, äwer sühr mit Mäßigkeit umgahn, blos en poor Glas Bier drinken, damit ehr nich wedder wat Unangenehmes taustöbten kunn. 't was of sowiet Alls recht gaud, blos der Deuwel müß dor Krakel mang en poor Dischergeselln anstiffen, de nu heßsch upnanner in't Geschirr gtingn; de äwrige Gesellschaft nöhm gedeilt Part, un nu güngt los vun't Schelln up't Slagen, dat de Stäuhlbein in de Luft rümflögen. Hinnif seggte gornix, harr äwer sinen Zilinger up'n Kopp beholln, wat nu de sühnischen Gäst woll argern müg, denn de ein nöhm de Just un dämerte em dor einen drup, dat de Haut glifs äwer de fürnehme Lipp räwersuste un de Rand up de Schullern tau sitten köm, dat Hinnif man naug tau daun harr, ut desse Düsterigkeit sik heruttauföhlen. Dat kettelste Susemihl, un hei mein, dat hei, as Hinnif sin Rebelsführer, nu dornat tau seggn müß, sprüng denn of up'n Stauhl un süng an 'ne Ned tau holln äwer de Schändlichkeit vun so'n Insultiren vun frömme Lüd, de ehr Sak gornix angüll un de sik dor of gornich twischen steken wulln! — Baff! lag Suse-



mihl an de Jr', denn twei lange Geselln harrn em tau glieker Tied an sin nich tau korten Rockschöt sat un zupen em dermaßen daran, dat hei natürlich dat Giefgewicht verlieren muß un sik mit'n sanften Ruck an de blanke Jr' hensezte. — Nu schienten de zackermentischen Kirls dat man noch bloß up uns' beiden ihrlichen Warsower afgeseihn tau hewen, denn nu fülln s' jammerlich äwer Hinnik un Susemihl her, bet de Wachraupen würd un de dormang tredte un de Hauptredelsführers un ok Susemihl unschülligerwies' sachten mit sik nöhmen. „Kinnings,“ seggte de Köster unnerwegs, „Kinnings! Meine Herrn, sehn Sie mich doch an, sehe ich aus wie so Einer, der Stank macht? Ich bün jo der unschuldigste Minsch vun die Welt, lassen Sie mich doch laufen.“

„„Vorwärts!““ was die korte Antwort, un en Stedt mit'n Kolben vör sin bestes Stück nöhdigte em, de Bein nahtautrecken.

Hinnik, den harrn s' so verdisamentirt, dat hei brun un blag vun twei Wächter in sin Hotel schafft un in't Bedd legt warden muß. As hei recht tau sik köm un nahdach, meinte hei bi sik sihr richtig, dat de Lüd doch 'n schönen Begriff vun em kriegen müssen; un wo nu de oll Euse=



mihl woll noch steken ded; hei wir dat gor nich gewohr worden, dat de mit de Wacht afführt worden wir.

„Wenn de dwalsche Kirl man nich wedder up dat Daß sitten geiht,“ seggte hei bi sik, „denn geiht dat noch. — Jes, wo möt uns dat hier gahn! Na, äwer ik mark mi sowat!“ Doch hei kunn dörchut nich inslapen, hei müß ümmer an Susemihl denken, dat de nu noch nich da wir un mäglicherwies' wedder up't Daß set. „Ik möt doch mal nahseihn;“ meinte hei endlich, un söhlte sik ut dat Bedd rute, trots sin Weihdaag, de em de Brügeli verursacht harr; hei söhlte sik ok ut de Döhr rut, de Trepp henup un findt ok richtig de Luf, wo Susemihl gistern rutfrapen is; hei maßt ganz liesing de Döhr apen un röpt: „Susemihl! — Köster!“ Kein Antwort; hei stiggt mit dat linke Bein rut, „Köster, sünd Sei da?“ — Noch kann hei nich dat ganze Daß äwerseihn, un hei treckt dat rechte Bein ok nah — baff! sleiht de oll dämlich Döhr wedder tau, grad as gistern. — O Jes, wo würd Hinnik tau Maub! „Ne, Lüd un Kinner, sowat tau erleben, un denn in'n Hemd!“ un dorbi was 't ganz infamtig kold. Dat wör Hinnik swart vör Ogen, hei glöwte, de Besin-

nung tau verliren; hei meinte, hei müß natürlicherweise 'n Schlag up de Stell kriegen, äwer ne, hei behöll de Besinnung un freg of keinen Schlag, un drömen ded hei of nich, dat markte hei an't Thänklappern. Ne, ne, sowat lewt nich, nu müß hei doch rein wi Bodder versmölten, wenn s' em hier sün'n. Wat let sik dorbi daun, dat s' em nich sün'n? Nix, rein gornix! un sitten blieben kunn hei of nich, denn wir hei morgen dod, un dod blieben dröffte hei nich wegen sin Fru un Kind, hei wir de sin Leben schüllig; also blew nix anners äwer, hei müß Skandal maken; de Entdeckungsreis', de Susemihl unnernahmen harr, wull hei abslutemang nich unnernehmen; de Lüd up de Strat sülln dat Leiden nich irst noch gröter maken, denn, hei slöt ganz richtig, dat woll Mancher des' Nacht dor rupfiefen müg, un wirklich harr of dat bleif Wäten em dor in de Rön'n sitten seihn, as sei grad vör'm Taubeddgahn noch mal ut'n Finster kek. Hinnik füng also ut luter Bertwiflung 'n dägdgen Schottschen mit Hän'n un Häut up de oll Döhr tau trummeln, wat denn of taur Folg harr, dat dat ganze Hus wedder up'n Beinen köm un sik up'n Bähn versammelte.

Na, wir de Wirth gistern noch nich falsch wesen, denn wir hei 't hüt.

„Mein Herr!“ seggte hei, as hei Hinnit in sin bedrängten Umstän'n dor sitten sah. „Morgen ziehen Sie mit ihrem Begleiter aus; Sie bringen ja mein Hotel in einen schlechten Ruf, daß hier kein Mensch mehr logiren mag! Was ist das mit Ihnen? Sind Sie aus einem Narrenhaus entsprungen? Ich habe nicht gern etwas mit der Polizei zu thun, sonst würde ich Sie sofort arretiren lassen! Was suchten Sie dort und in solchem Aufzuge?“

Hinnit wuß rein nix tau antwurten as: „„Herr, erküs;““ nöhm de Hemdslippen vörn tausam un rönnte, wat hei kunn, de Treppen henaf in sin Zimmer un slöt ratsch achter sij tau. O, wo was em tau Maud, wo was em tau Sinn! Mit sin Fürnehmlichkeit wir hei nu heil un deil dörchplumft, un dat köm man blos vun den verbreihten Köster her; wat harr de verleden Nacht dor tau söken hadd? denn wir em dat jo nich insalln, bes' Nacht dor rut-taukrupen, un wir nich in so'n Mallühr geraden.

De Slap blew natürlich rein weg, un langsam, langsam in Dodsqual güng de Nacht

voräwer, un as de Morn da wir, da wir ef  
all'n Kellner mit'n Salwjett ünnern Arm un 'n  
Rechnung in de Hand da, un förrerte Hinnif  
up, uttrautrecken. De Rechnung was ebenso  
vüllig wi de Wirth, un brög nich mihr as Allen  
in Alln söstig Dahler Krant vör de beiden Daag,  
nu so'n Gericht belöp jik of tämlich, wat sei'n  
Sünndag äten harrn.

Girn un willig betahlte Hinnif, wat sei em  
afverlangten, wenn hei man blos irst ut't Hus  
rut wir. Man tau, man tau! dat brennte as  
Für achter em.

„Jehann, geschwin, geschwin!“

„„Je, äwer wo's Susemihl?““

„Ach wat, man rut, man rut, de kann nah-  
famen.“

Dat durte of kein fief Minuten, dunn  
wackelte de hochbeinte Kutsch davun.

„„Geiht 't nu stracks tau Hus?““ frög  
Jehann, indem hei jik ümbreichte un in de  
Kutsch rinbölkte, dat dat Jeder hören künn.

„Ne, nah en anner Gasthus, äwer wo unj'  
Urt verfährt.“

„„Na, denn man tau!““ — In drei Krü-  
zer würd wedder aflad, blos üm noch up Suse-  
mihl tau töwen; morgen süll't wieder gahn.

Hinnik äwer wull sik narrens mihr seihn laten, Jehann müß mit sinen Snuppen nah de Slossstrat in de Gegend vun't Hotel rüm flankiren, damit hei, wenn Susemihl sik seihn let, em Bescheid seggen kunn, wo Hinnik sik uphöll. — Je, ja, Susemihl wir da nich un köm da nich.

„Jes,“ seggte Jehann bi sik, „wenn de Minsch man nich unnern Dorfswagen kamen is.“

„„It begriep dat ok nich,““ seggte Hinnik, as Jehann sin Meinung Abends lut gegen em utsprök; „„morgen künnt wi nich mihr up em luren.““

„Äwer wat seggt wi man,“ meinte Jehann, „wenn wi ahne den Köster tau Hus kamt? Sin Fru de springt uns jowoll up'n Kopp un ritt uns de Ogen ut't Liew.“

„„Ja, dat möt wi denn natürlicherweyse dorup ankamen laten. De Minsch is doch kein Kind nich mihr, wo kann de sik so verbiestern?““

De Nacht güng hen un am annern Morgen was de, de nich da wir, Susemihl! „„Na,““ seggte Hinnik, „„Jehann, denn spann an; ik kann 'r nix vör.““ — Jehann spannte an, un

hulter de pulter dienerte de oll Kutsch ut de Stadt herute den Weg entlanfen nah Warshaw hantau.

Zophie harr natürlich gisteren all ümmertau utseken, ob denn ehr Herr Gemahl noch nich köm, un Fru Susemihlen was of kamen un harr mit'n heßsch krazböstig Gesicht nahfragt, ob denn de Herrn noch nich wedder da wiren; un dit wir einmal un nich wedder, dat hei, as ehr Mann, mitkamen wir, wenn hei nich tau rechter Tied wedder an't Hus sin kunn: — Grad as sei am annern Dag nu wedder mit'n grugelichen Arger tau Hus gahn wull, süh da! da bögte Jemann mit sin Fuhrwarß um de Eck. As de Kutsch still höll, sette sik Fru Susemihlen in Posentur, beide Arms in de Sied, um ehren Mann, sowie hei ut den Wagen steg, gließ mit 'ne schöne Begrüßung tau empfangen; äwer wo lang würd ehr Gesicht un wo besniet würd sei utseihn, as blos Hinnik taum Börschin köm un wieder kein Mensch in de Kutsch satt.

„Wo herwt Sei minen Mann laten?“ fohrte sei Hinnik an, as sei sik en beten besun'n harr.  
„Wo is Susemihl?“

„Ja,“ seggte Hinnik benauht, un wuß

nich recht, wat hei seggn süll; „„ja, de ward woll nahkamen.““

„Wat? Nahkamen? Wo? Woans? Worüm hewt Sei'n nich glieks mit sik bröcht? Sei sünd verwantwurtlich vör minen Mann; Sei hewen em versührt!“

„„Je ja, ik kann'r jo natürlicherwise nix vör, dat hei uns ashan'n kamen is.““

Nu sohrte de oll lütt krätig Fru wie 'n Bliß 'n Gedank dörch'n Kopp; dat Gewäten füng an, sik tau rögen; wenn ehr Mann nu utknepen wir, wiel sei em, dat müß sei sik hüt sülwst seggn, wiel sei em nich ümmer so behannelte, as sei 't em woll schüllig wir; wenn em nu de Grugel ankamen wir, wedder taurügg tau reisen, un hei wieder in't Land, wull gor nah Amerika gahn wir? Des' Gedank presie ehr 'n poor Thränen in de Ogen, un sei füng an tau lamer-tiren: „Jes, Jes, wat is dit! wat is dit! Nu kümmt hei jo woll gor nich wedder un ik bün 'n armselig, verlaten Fru! Seggn S' mi de Wahrheit, Kohlhaas, ik bitt Sei drüm, seggn S' mi, wo is min Mann? Worüm kümmt hei nich mit Sei taurügg?“

„Fru Susemihlen, Jes, ik segg Sei de Wahrheit wiß un wehrrastig; ik weit nich, wo

hei is, hei is mi afhan'n kamen, Maandagabend bi'n Prügeli, wo wi unschülligerwies' mit mang gerahden deden; nahdem hew ik em nich wedder seihn.""

„Ach du meine Güte!“ füng dat lütt Ding nu an; „ach du mein Gott! denn hewt sei em jowoll dod slagen; hei is man wat gebrechlich vun Knaken! O, ik arm Fru, hei was so'n gauben Mann, so hartensgaub!“ Dat sähd sei nu taum irsten Mal; süs harr sei em ümmer vun'n slichten Kirl utschulln; äwer so geiht dat ümmer: vör'n Dob dögt de Kirl in de Wörtel nich, nah'n Dob, denn hett dat gor keinen betern geben, as de Selige grade wir; denn will Jeder gaub maken, wat hei verschuld hett; doch denn is't vergewlich Mäuh; wer dod is, de quält sik nich mihr dorüm, wat Minschen daun un laten. — Na, Fru Susemihlen beweinte nu ehren Mann as 'n ihrsame Wittwe, un tersmölt't ganz in Weihmaud un Kummer; kein Minsch wull dat gelingen, ehr tau trösten; sik sülwist leggte sei dat Gelübniß af: wenn hei würllich nich dod wir, wenn hei wedder köm, denn wull sei em de beste Fru vun de Welt sin, un wull of bloß darup sin'n, wo sei em dat Leben versöten kün, wenn hei bloß wedder kem! — Nah Kohlhaas



äwer güng sei nich wedder hen, denn de was in ehren Ogen de Mürder vun ehren Mann, denn wenn de em nich mit sik snackt harr, wir hei nich tau Schaden kamen. O, de arme Fru!

---



## Dat 5. Kapittel.

En Breif an Paster Ehrbor. — Susemihl unner de Durn-  
hed, un woans sin Fru em upnimmt. — Jetten nimmt  
Affchied, Mubbing but Slösser in de Luft un kümmt dorbi  
up'n Meßwagen tau sitten. — Krischan likt in't gelobte Land,  
un as hei recht tau'ficht, is't 'n leddig Kiep.

---

Noch drei Daag vergüngn, un ümmer let sit  
nix vun den Röster seihn; Fru Susemihlen  
güng ganz in Swart, un ehr rothverweinten  
Ogen bewiesten, dat sei doch würllich en Hart  
harr vör ehren Mann, wat süs Jeder betwiveln  
müß. — Da am vierten Dag köm 'n Breif bi  
Paster Ehrbor an, un as de Herr Paster den  
Breif apen brök, was dat Erste 'n grugelichen  
Klex, wat em in de Ogen füll, darunner stünn:

Mein lieber, hochehrwürdiger Herr Paster  
Ehrbor, Hochwohlgeboren!

Denken Sie Sich 'mal wie mich das gehn  
thut! greifen Sie mal in Ihren Bausen un

fassen Sie Sich 'mal an Ihr Herz, ob es nicht von Mitleid für mich ergriffen schlägt, wenn ich Sie mittheile, daß ich Aermster unter der Sonne, ich, Joseph Susemihl, hier in Schwerin achter Schloß un Riegel in en Art Loch sitzen thue, wo's Licht von Oben kümmt. Daß ich hier sitze mit den unschülligsten Herzen von die Welt, un nix Böses mich bewußt bün, kann ich beswören, aber man hat mich hier heringefmissen vun wegen, daß ich sollte Schuld sein an einer Prügeli, wobei man Einen die Ohren abgerissen hat. Herr Kohlhaas wird Sie darüber das Nöthige ausführlich mittheilen können, denn der wird woll aus seinen Hut wieder heraus gekommen sein un hat gesehn, wie's vörging; was mich abers am tiefften kränken thut, das is, daß mich der Herr Kohlhaas so schändlich in'n Stich gelassen hat un sich nich um mich bekümmern thun that. Nun wollte ich Sie man blos bitten mein lieber Paster Hochehrwürden, daß Sie zu meiner Frau gingen thäten un ihr trösteten; sagen Sie aber, ich wäre wohrafftigen unschuldig an die Sache, un wenn sie wünschen thäte, daß ich wieder an das goldene Tageslicht befördert werden sollte, um zu ihr zurück-

zukehren, müßte sie so gut sein un mich 5 Thaler nachschicken, die ich als Entschädigung für's Sitzen denn bezahlen müßt; thäte sie solches nicht, so würde ihr Gatte, as wi ich, 6 Wochen lang smachten müssen un dann unterdessen umkommen, weil ich das Growbrod nich vertragen kann, welches man hier zu essen bekommen thut; sie wird woll nix herrücken wollen, denn mein lieber Herr Paster Hoch=ehrwürden, denn thun Sie mich den Gefallen, thun Sie an mich das Sameriter = Amt un schießen Sie mich vor; ich will Uns mit Dank abbesahlen wenn ich man erst wieder zu Hause bin; das kommt blos man, weil meine Frau mich kein Geld mit geben wollte.

Nun leben Sie woll, und grüßen Sie meine Frau, ich verbleibe in tieffter Ergebenheit

Ihr ergebenster

Joseph Susemihl.

### Nachschrist.

Sehen Sie abers zu, wenn Sie zu meiner Frau gehen, daß sie gut aufgelegt is, sonst möchten Sie was Unangenehmes mit ihr erleben; un denn sagen Sie von der Prügeli

auch man nix, wenn sie's nich schon erfahren hat.

Der Obigte.

Na, de Herr Paster kunn denn dor woll nich ümhen, hei muß nah Fru Susemihlen un ehr vun de Uperstahung vun ehren Mann berichten; hei möß sik denn of gliet up de Söcken.

Fru Susemihlen satt grad vör ehren Drachfasten un harr 'n Bündel vergelte Breif vör sik liggen, un 'n Fluß Hoor, un süs noch allerlei Mohritäten ut de Tied her, wo sei noch Brut un ehr Joseph noch Brödigam wir, un dat oll lütt Krätending harr ganz ehr Krätigkeit vergeten, sei sahg so lammfram un dorbi so verweint ut: de Erinnerung dörch desse Saken an jene Tied, de harr ehr angrepen, un de Tied vun damals köm ehr so schön vör, so schön as dat Fröhjohr, wenn de Blaumen un Bläder un Knuppen mit dat en Og in de Welt kieken un liesing fragen: „Künnt wi kamen?“

As de Paster bi de Fru Susemihlen intreden ded, deckte sei geswinn ehr Schört äwer de Mohritäten un füng an allerlei Knixe tau maken, un füng of an tau rohren, denn damit söch sei all Lüd tau bewiesen, woväl sei vun ehren Mann höll un holln harr.

„Frau Susemihl,“ sähd de Paster so fidel, as sin Geistlichkeit em dat verlöwte, „Frau Susemihl, ich habe Ihnen eine fröhliche Botschaft zu bringen.“

„„Bon wem, Herr Paster?““

„Bon Ihrem Mann!“

„„Ach!““ sähd sei un wir binah koppheister achteräwer schaten, wenn sei nich mit'n Rügg an'n Draßkasten stahn harr. „„Lebt er noch?““ lallte sei, un 't let ehr bannig smachtend.

„Ja,“ seggte de Paster, „Frau Susemihl, Ihr Mann ist frisch und gesund, nur ihn hat ein kleines Unheil betroffen, wofür er, wie er schreibt, nichts kann.“

„„Er schreibt? und mich, seine Frau läßt er in Smerz vergehn? Warum schreibt er nich an mich? Ich gehe ihn doch nöger an as wi Sie? Was? das ist jo 'n infamiger Kerl!““ De Krätigkeit bröck wedder bi ehr dörch; sei nöhm bi de letzten Würt de Rohritäten, rakte sei mit beiden Hän'n tausamen un smet sei in einen Klumpen in'n Draßkasten rin. „„Dat is jo unerhürt! ik beweine den Kirl hier mit'n truges Hart, un hei is so slicht un lewt? Hei lewt un let nix nich vun sik hören?““

„Frau Susemihl,“ beswichtigte de Paster, in-

dem hei de Hand up ehr Schuller leggte, „Sie sehen Alles gleich von der schwärzesten Seite an und verbittern dadurch sich und Ihrem Manne das Leben. Wenn Sie mich ruhig anhören wollen, so werden Sie besser von Ihrem Manne denken. Sehen Sie, unschuldigerweise ist er in eine Sache verwickelt worden, was jedem Menschen passiren kann, er ist aus Versehen arretirt; bei der Untersuchung wird es an Zeugen gemangelt haben, und Ihr Mann ist zu fünf Thaler Strafe verurtheilt worden; da Sie ihm nun die Mitnahme von Geld verweigert haben, hat er vorläufig sich der Gefängnißstrafe unterziehen müssen. Früher etwas von sich hören zu lassen, ist ihm wahrscheinlich nicht möglich gewesen, es ist nicht gleich jedem Gefangenen erlaubt zu correspondiren; an Sie wagte er nun endlich nicht zu schreiben, weil er durch ihr übereiltes Handeln leider eine kindliche Scheu vor Ihnen hat, deshalb wählte er mich zu seinem Fürsprecher, und wenn Sie vernünftig sein wollen, Frau Susemihl, so machen Sie Ihrem Manne keine Vorwürfe über das, wozu er selbst nicht kann; Ihr Herz hat Ihnen doch in diesen Tagen, die Sie als eine Prüfung ansehen können, gesagt, daß es warm für ihn schlägt. Also

keine Vorwürfe. Und was beschließen Sie von wegen der fünf Thaler?"

„So'n Dummheit! so'n Nachtmüßigkeit! jik dor vun de Schandoren upgriepen tau laten. 't 's mi doch in minen Leben noch nich passirt, un so'n Streich sall ik nu wedder gaub maken? Herr Paster, wenn nich de Schan'n vun minen Mann up mi mit äwergüng, ik let em sitten! Dat nimmt mi gor nich Wunner, dat 's em inspun'n hewt; unschülliger Wies'? dat is nich wohr, ik kenn' em, hei möt de Mäs äwerall mit mang hewen, bet hei s' sik verbrennt. Ik let em wohrraftig sitten! Wat, meint hei, dat wi de fies Dahler man so hentausmieten hewt? Wi mät uns inschrenken, dat weiten Sei, Herr Paster; uns wass't dat Geld nich up'n Puckel!""

„Aber bedenken Sie doch, meine liebe Frau, Ihr Mann kann doch nicht sitzen bleiben? Welche Schande wäre das auch für Sie, und überdies geht die Schule nächsten Mittwoch wieder an, dann muß er unbedingt an seinem Plaze sein, wenn er nicht sein Brod verlieren will. — Sie waren doch so in Trauer versunken, da Sie glaubten, Ihren Mann verloren zu haben; wie sollten Sie nun nicht, von Freude ergriffen, gern die fünf Thaler bezahlen, um ihn wieder zu



haben? Liebe Frau, der Tod ist nicht immer so billig wie dieses Mal; lassen Sie mich nicht glauben, daß Ihre Thränen erheuchelt waren."

„„Nein, Herr Paster, das waren sie nicht; hier sind die fünf Thaler." — Sei kunn gegen so'ne Red nich gegen an, leggte deswegen zitternd vör innerliche Wuth, äwer mit grote Raub in't Gesicht den Herrn Paster de hief Dahler hen. „„Besorgen Sie das für mich?" — frög sei mit beberige Stimm.

„Gern!" sähd de Paster un tröck mit dat Geld af. — Als de Paster äwer ut de Döhr rut wir, da steg uns' lütt krätig Fru de Gall in de Lung; de lezte Thran, de noch verschamt up de Back lahg, würd hastig wegwischt, un dunngüng't äwer de unschülligen Breif un Rohritäten her: „Ji, ji Finzels! ji Lappens sünd all Lügen, all niederträchtige Lügen vun den niederträchtigen Kirl; ik bün jo woll duhn wesen, dat ik juch upbewohrt un bi juch rohrt hew. Da — da — nu süllt ji nich noch enmal leigen! so — nu!" Dorbi ret sei de arm Swüre un Leimsteifen, de all vör Öllerswäche binahe utnanner fülln, in dußend Stücken un proppte sei in'n Aben, dat, wenn taum irsten Mal inbött würd, sei ut'n Schoßtein fleigen kunn'n. — „So," seggte sei, as

sei dat besorgt harr, „nu lat em man kamen!  
 — Gnad Di Gott! ik will Di nich ümsünst beweint hewn; Du Racker leest Di as 'n Bagelbunt inspin'n? Givst Di mang Prügeli un vergift ganz, wat Du vör'n Amt bekleeden deist? — De Reis' sall Di slicht bekamen! Paß up! paß up!"  
 Nu rönnte sei döör'n Hus un Hof mit steigend Hoor, un smet un hantier as Einer, de sin beten Verstand verluren hett: de unschülligen Häuhner, de ehr farg Fauder ut de kahle Ir' söchen, würden mit de Fäut stött, wenn sei ehr tau nah kemen; un de arm Deinstbirn, de vor acht Daler Lohn alle hüslichen Arbeiten besorgen un dat Stück Kösterland dortau beackern müß, de würd in den Rügg bufft un in de Hoor reten, wat de, wiel't 'n hell'schen Stoffel wir, sik Uns gefallen let; dat heit, bet 't Vierteljohr üm wir, länger höll de dümmste Schapenpüster nich bi de Fru Köstern ut, so dat Fru Susemihlen bi alle Mäbvermeiders in ganz Meckelnborg all bekannt wir, un dat dägdig swor höll, ehr noch 'n Kreatur, wat bi ehr't versöken wull, tau besorgen.

Unnerdeffen dat de Fru Susemihlen so in Led un Bedröwniß. swömmt harr, harr Jehann sinen Gruf an Lütt Hanne richtig bestellt, harr

äwer, indem hei dat gaub meinte, Hanne Allns vertellt, wat Krischan em seggt, hei harr nix verswegen, of nich dat, dat dat drög Romiſſbrod nich glieden wull; Jehann harr dacht, sei kann em doch am En'n wat nahschicken, un hei verbeteret sin Laag damit. Jehann harr't gaub meint; äwer desse gaude Meinung harr doch bi de oll lütt Hanne 'n slichten Anklang fun'n; dat grämte de tru Seel, un quälte ehr, dat ehr leiw Jung dat nich vun'n Besten güng, wat sei so girn seihn harr. — De Däskopp vun Jehann! Unkel Jobst harr naug tau daun, dat hei dat lütt Dirning man tröst'te, un verspröck ehr, davör tau sorgen, dat Krischan so oft as möglich 'n Pund Bodder, 'n poor Eier un'n Stück Schinken nahschickt kreg; wat denn of' n annern Dag all vörſik gahn süll.

Hanne müß einen ganz nüblichen Breif schrieben, den irsten in ehren Leben, de denn of an'n Rand rüm mit'n poor bägdge Dintenklex recht schön verziert wör, daräwer süht de leiw hinweg. Krischan was de glücklichste Minsch vun de Welt, as de Riep bi em ankem. Jehann wir doch so'n Däskopp nich, as hei utseigh; hei harr äwer of tau Tanten Lena, de em nah Allns utföhrlich befragt, wat Sinnik in Ewerin dahn,

so vâl as hei wûß vertellt; hauptsächlich wo't mit Susemihl harr taugahn, un dat de up't Dack seten un unnerwegs dôrch de Beddstädt braken wir; Uns harr hei hoorcken vertellt, obglicß sin Herr em dat streng verbaden. Je Jehann de kûnn enmal nich gaud heit Ätent äten, un wer nich gaud heit Ätent äten kann, de kann of nich gaud swiegen, is'n oll Sprickwurt.

Na, Tanten Lena kûnn, as wi weiten, of nich gaud heit Äten äten, deswegen wûß denn nu, as de Paster den Breif noch gornich 'mal fregen harr, all dat ganze Dôrp, dat Susemihl verschwun'n un up't Dack seten, un wat em nich noch Uns sûs passirt wir; so kûnn dat jo of tauleßt gornich anners kamen, as dat dat of in Runigunde ehr lütten Uhren kôm, vun wegen dat Nachtwanneln. „Na, lat em man irst hierfin!“ seggte sei, „ik will em dat Nachtwanneln woll verjagen.“ — Ach, Du arm Kirl, wat heft vôr'n Fru! — Hei satt achter Slott und Kiegel, un wenn hei dor achter rut kem, denn töwte tau Hûs wedder nieges Ungemach up em. Susemihl was eigentlich tau beduren; 't was noch ein Glück, dat hei sik äwer Uns sîhr licht hinwegsetten kûnn un'n sîhr vergetern Kopp harr, sûs müß hei jowoll of all rein ganz deip=

finnig worden sin vun all sin Erlewtes un sin Erwewtes.

Wedder wiren drei Daag vergahn, nahdem de Herr Paster Ehrbor den Breif kregen harr, da betahlte Köster Susemihl vör Gericht sin fief Dahler un kunn, nahdem hei noch 'ne gaude Vermahnung mit up'n Weg kregen harr, gahn; äwer wo sihr müß hei nu wedder gewohr warden, dat sin Fru de Kassengeschäfte besorgte, hei harr 'n leddigen Magen, un wat noch schlimmer wir, 'n leddigen Geldbüdel! un denn jös Miel vör sik, ihre hei tau Hus wir, wo hei sik taum wenigsten swack satt äten kunn. „Dit is nu mal wat!“ seggte hei bebröwt bi sik, as hei in Hotel \*\*\* den Bescheid kreg, dat Herr Kohlhaas all verleben Woch afreist wir, diweil de Wirth em nich länger harr beharbergen wullt, un nu of em, unsern Susemihl, ganz sachten up anstännige Wies ut de Döhr drängte. „Dit is nu mal wat, wo möt mi arm Düwel dat gahn! Da süht man nu wedder, wat de Kiekböhm deit: de dicke Kohlhaas kann ungeschoren astrecken, un ik smächtig Kirl möt sitten un kann mi jo woll min Maag up'n Rügg snören un kamen denn as 'n verhungerten Köster tau Hus an, wo s' mi of woll schön empfangn warden.“ Hei süfzte

deip up. „Na, ik warr mi in minen Leben nich wedder mit so wat bemengelirn, lat em sin Dochter allein besorgen, ik reis' nich wedder mit em! Jes, wat hett mi dat belurt! so wat kann of blos man mi gescheihn. Wat ward min Kuni-gunde seggn, wenn ik nu tau Hus kam? Bun wegen dat Utblieben un vun wegen de sief Dah-ler! Sei hängt mi jowoll bi de Bein in'n Scho-stein.“ Mit so'n Reden, den Kopp uppe Bost un't Og up de Jr', was hei, ohne dat tau marken, ut't Duhr rut un up de Landstrat gerahden, de nah sine Heimath führte, äwer wat lang wir un — o! wo kurrte de Maag! Susemihl sin Gedanken versöln up't Borgen, hei müß seihn, woans hei't wedder afdragen bed; äwer, wo kein Minsch borgte em wat, wo em Niems kennte? „Dat is of so'n Sak! Ach wat“ — föt hei end-lich Maud. „Gott verlet keinen Dütschen nich, am allerwenigsten einen vun de Geistlichkeit!“ wotau hei sik stark reken bed, un jo of mit Recht, denn ahne Koster is de Paster doch man halw, un de Kirch man en ganz gewöhnlich Hus.

„Ik gah tau minen Collegen,“ beslöt hei, un in't irste Döörp fragte hei sik nach den Koster, den hei dat nah langen Börreden bedünte, dat hei em helpen müß. — Na, da wir denn je of

woll noch 'n Happen äwer un in'n anner Dörp  
güng't wedder so, bet endlich Susemihl nah drei  
Daag in de Gegend vun Warsow, de em bekannt  
wir, anköm. 't was so gegen Middag. „Ne,“  
seggte hei bi sik, „an'n hellen Middag kann ik  
nich inrücken; irstens wiesten de Kinner mit  
Finger up mi, un tweitens is min Kunigunde  
denn ümmer am kretelichsten, un in so'n Um-  
stänn kann ik ehr wohrhaftig nich unner de Ogen  
gahn, ik behöll jowoll kein Hoor up'n Kopp.  
Ne, ik will mi hier achter de Heck in'n Schutz  
setten, wo't nich tochen deit, un töwen, bet dat  
Schummerabend ward.“ — Geseggt, gedahn; hei  
sette sik dahl, wo em kein Minsch wies werden  
kunn, achter de Durnheck, un simmilirte äwer  
sin Schicksal nah, woans em dat verfolgen ded,  
un woans hei wedder mit sin Kunigunde in de  
Reihg kamen süll.

Ümmer bet, äwer langsam, jühr langsam, steg  
de Sün an'n Hewen raf, un doch wir unsern  
Köster kein Dag so flink henlopen, as des', un  
wedder of keiner so lang worden, as des'; lang  
würb em de Tied, wenn hei dach: „Je ihrer ran,  
je ihrer 'van!“ nemlich an de Gardinenpredigt,  
de em sin Fru holln, und an den Tüffel, den sei em  
vörholln würb; fort würb em de Tied, wenn hei

an de Grugelicheit vun so'n Holln un Vörholln  
dach, un dat nu man noch so väl Stün'n un nu  
man mihr so väl nah wiren, wo't vör sif gahn  
müß.

So — dor verkröp sif de letzte Sünnenstrahl  
achter den annern Durnrämel. Enen Ogenblick  
verstummte Allns up de Jr'. Wenn de Sün-  
n kümmt un wenn sei geiht, is de Andacht vun  
allns Jrdische so grot, dat de oll lütt wippelich  
Thunkönig sülvst still sitten un de Sparling sin  
Piepen let. In dessen Ogenblick süßte Eusemihl  
beip up und seggte dunn, indem hei sif mit de  
Hän'n stüdde, üm uptaufstahn: „So, nu man  
tau! 't helpt einmal nich, wat möt, dat möt, un  
wat nich anners is, dor let sif nix bi daun. Du  
geiht min Kunigunde in'n Stall, üm de Bäg tau  
melken, un wenn dat olle Diert hüt nu man  
rieklich geben wull, denn is de Sak nich so  
slimm as süs, denn is sei am besten upgelegt.  
Also vörwats, Joseph!“ un mit dit Komando  
güng hei snurstracks in't Dörp, äwer ümmer  
achter Schön un Hüser rüm, damit em Keiner  
gewohr würd; hei gelangte denn ok richtig vör  
sin Hus an. O, wo puckerde em dat Hart, wo  
güng't oll lütt Dingschen tau fih in de Post,  
un wo beberten em de Bein! Ja, hei ded 'n



sworen Gang. Kieſing, ganz kieſing machte hei de Huſdböhr apen, de man vörſchaben wir, ganz up de Thönen ſleſ hei lang de Dähl an de Schaulſtun vörbi nah de Wahnſtun; hei leggte dat Uhr an't Glätelloſſ, üm ſik vertaugewiſſern, ob of Müms bin'n wir; ne, dor rögte ſik nix, bloſ dat tick, tack vun de Stubenuhr hörte hei; ſin Kunigunde was in'n Stall! Eufemihl föt en Hart, wo hei kein harr un drückte up de Klink, mök de Döhr halw apen un keſ nieping, ganz nieping üm de Eck, ob of würklich kein Minſch da wir; — ne! — hei rin, äwer ſtilling, ganz ſtilling; zingend un zitternd ſette hei ſik in de düſterſte Eck bi'n Aben, wo ſi'n Kunigunde em nich glieks wies warden kün, wenn ſei rin köm. Hier ſatt hei nu wedder up Kahlen der Erwartung un höll de Dumen in de Hän'n, damit de Zäg doch man riekllich Melk geben müg.

Wat wir dat? — 'n Emmer würd haſtig dahljett un'n Ketel in de Eck ſmeten. „Verfluchtes Diert! frett un ſüpt nich! kein Wunner, dat ſ' kein Melk giwt. Jehanne, wo ſtickſt Du inſamtige Dirn? Ik rahd Di, paß mi beter up de Zäg, Du Maſſer! wenn ſ' morgen nich mihr Melk giwt, denn kannſt Du Di gratelearn.“

„Je, Madam, wat kann ik davö —“

„Höllst Din Mul? Du sajt uppaffen, wenn sei dat Gauder in'n Dreck tramt het un dat denn nich mihr freten will, dat Du ehr frisches in de Krüw stichst, denn fräten möt s'! Hest mi verstahn? Is min Mann, de verfluchte Kirl, noch nich da?“

„„Help Gott!““ süßte Susemihl achtern Aben, „„sei is schön in'n Gang; ik wull, ik wir man noch achter de Durnheck sitten bleben un wir tau'n Steinklumpen worden. — Ach Herr Jes!““

De Döhr würd apen reten. — „Sös Daag sünd nu wedder rüm, sietdem ik dat Geld weggeben hew, un de Jammerlappen kümmt nich!“ Bauts, smet sei 'n Tass' in de Wuth vun'n Disch un trampte mit de Fäut up de Schörten; „so will 't em trampen, het hei nich mihr quäken kann!“

„„Ach Du meine Güte!““ süßte dat achtern Aben rut, „„wo ward mi dat gahn.““

„Mi, jin Fru, hier so verlaten in de Welt sitten tau laten! sik nich üm mi tau bekümmern! gornich, un de verfluchte Bäg — ut de Hut süll man fohren; mi wunnert man bloß, dat min Nerven dat uthollen künnt.“

„„Ach, wenn s' man reten!““ dach Susemihl,

de achter sinen Aven ganz in einen Klumpen tausam krapen wir, „„wenn s' man reten un sei füll in Ahnmacht!““ Hei wünsch süs keinen Menschen wat Böses, äwer in dessen vertwivelten Ogenblick let de Angst vör't natt Johr em slicht denken, un ganz so slicht, as jif dat anhört, dach hei doch nich; hei meinte so: wenn sin Kunigunde in Ahnmacht föll, denn künn hei ehr mit Wedderbelebungsversöke unner de Arm griepen, un wenn sei denn wedder upwakte, müß sei doch en lütt Geföhl vun Dankbarkeit in jif spüren, un dit Geföhl minnerte denn de Wuth bi ehr; äwer ne, sei föll leider nich in Ahnmacht, sonern öwte ehr Wuth noch an allerlei unschüllige Gegenstände ut, as Proppentrecker, Schauanhelper un Stäbelknecht, bet sei endlich in de Gegend kam, wo uns' arm Worm vun Röster, den't nu bilütten all blag vör Ogen wür, sitten ded.

Kunigunde, as sei ehren Mann dor sitten seihg, blew vör Schreck un Awerraschung steidel un stumm bestahn. „Nu geih't los!“ dach Susemihl, „nu gah er man fründlich entgegen, utwieken kannst Du nu nich mihr. — Kunigunde!“ — Kunigunde seggte nix un rögte jif of nich; de lütten dunkeln Ogen äwer schöten

grugelige Bliße up den arm'n tausamgekrapnen Ehemann. „Kunigunde!“ seggte de noch einmal un rechte as taur Versöhnung beide Hân'n ehr entgegen. „Kunigunde, ik hew kein Schuld!“ Nu äwer brökt Gewitter los, un dat gaw en Dunnern, Blißen un en Hagelschur, as wenn de Welt unnergahn süll; wir 't Susemihl irst man blag vör Dgen worden, so würd 't em nu gel un grön vör Dgen un taulegt würd 't em pießwart; doch hei tröstete sik in Stilln un dach: „Allns hett 'n Awwergang, so is sei all männigmal wesen, dit ward ok jo woll vöräwer gahn.“ Doch dat süll so bald nich tau En'n gahn; Kunigunde gaw sik in so'n Angelegenheiten nich taufreden mit de Ned, mit dat Wurt; de Dath müß ok helpen, un wupdi harr sei ehren Mann bi de Elefitten, un hatsch — hatsch fohrte sei em mit de fief Fingern in't Gesicht, dat dat Für davun slög.

„Du verfluchte Kirl! Du asige Kirl! Du infamtige Kirl! Du makst mi so'ne Geschichten? Ik will Di dat Stadtreisen utdriewen!“ — wupdi harr sei den lütten Tüffel vun den lütten Faut runner, un de lütt Affsag danzte up Susemihl sin unbedeckten un bedeckten Körperbeile rüm, as wenn hei 'n Schauhsahl wir, de de Schauhster irst hart kloppen möt.

„„Kind, min best Kind!““ weimerte Susemihl, as 't em doch gornich afrieten wull,  
 „„Kind, schon Di! Du deihst Di wat tau nah,  
 Du rittst Di de Nerven kaput.““ — Doch dat  
 hürte Kunigunde in ehr Befahrungswuth nich;  
 sei dämerte un schüll un rohrte, dat binah dat  
 ganze Dörp achter ehr Finstern tauhop köm.

„Hoho!“ seggte Lütt Jöching tau Körling,  
 „de Köster ward vun't Nachwanneln kurer.“

„„Ne,““ seggte Frixing, „„sin Olsch kloppt  
 em man den Reif'stoff ut de Jack.““

„Ja, un riwt em nu noch de stiven Knaken  
 'n beten smiebig, de hei dorvun biholln hett.“ —

Endlich, endlich reten Kunigunde ehr Nerven  
 doch intwei; sei let den Tüffel falln, föll sülwst  
 achteräwer, doch mit so väl Besinnung; dat sei  
 verlangs up't Sopha orer Kanepeh, as sei seggte,  
 tau liggn kem.

„Gott Low!“ süfzte Susemihl deip up un  
 strek sin Hoor wedder achter de Uhren, wat em  
 in Verwirrung kamen wir. „Gott Low! Ja,  
 de leiw Gott hett Allns so weislich inricht, dat  
 Allns 'n En'n hett; dat is wat Köstliches!“ —  
 Dorbi langte hei äwer doch gliest nah de Water=  
 buddel un füng an tau speihn un an tau sprütten,  
 un was sihr besorgt üm sin Kunigunde. Sei

wüß, wenn sei ut des' Ahnmacht rut wir, denn wir't mit de Zwrigkeit of ut, un sei versöll in 'ne stille Weihmähdigkeit; dat heit, so lang as dat durte, länger nich. 't kôm of ditmal so, sei spröf gornix mihr; hei heute sîk woll, wat tau seggen, un so löp denn de Dag hen in stillen Frieden nah den sworn Kampf. Grad as wenn de Sün nochmal nah en grugeliches Gewitter dörch de Wulken fikt, un Allns so stilling is, un sîk hägt, dat 't nu doch nich so warm mihr is; so sahgd bi unsern Rôster ut an dessen Abend.

Bi de Kohlhaafen was 't of 'n hell'schen Taufstand — dunnern ded 't da nich. — Sôs Reihfiekens harrn ut de nögste Stadt kamen müßt, un seten nu un neigten un prünten all wat dat Tüg man holln wull, denn Jetten müß doch nah de Mod gahn, un müß of in Alln vullkamen utrüst sin; bi Fräulein Feinstich, dor wir 't eklich sin, dat harr Hinnik jo sülwst seihn, un sîn Dochter künn doch nich as 'n Burdirn mang de jungn Dams esestirn; sei müß mit de Annern glicf kledt sin.

„Nu möten wir uns äwer auch dägdeg auf dat Hochdütsche leggn,“ meinte Hinnik. „Natürlicherwise, Du, Jetten, dröffst Dir denn nich

verrahten, dat Deine Öllern man plattdütsch snacken; süß, ik hew mi nix marken laten, an mi sünd sei nix gewohr worden. Ik weiß natürlicherweise wi's möt; wenn ik mit dat Hochdütsche of noch nich so kramen kann, as wi uns' Köster, de oll Esel möt nu of so'n Streich maken, er sollte uns in Prowatstun'n nehmen; äwers nu let sin Olsch em nich tau uns kamen."

„„D, Vater,““ meinte nu Jetten, „„mit das Hochdütsche, da laß mich man machen, das kann ich eben so fixing wi der Köster.““

„Ja,“ seggte Hinnik, „Du büßt ene prächtige Dirn!“

Mudding meinte: „„Dat lihrt sik of noch bet nah, wenn Du man irst in de Stadt büßt, un wenn wi Öllern dat of nich kânt, dat deit em nix; wi sünd doch wat wi sünd, un wenn wi of up'n Lan'n wahren. Ik wull dat kein hochdütsch Dam rahden, mi äwer de Schullern antauseihn; ik bün eben so vâl as 'n Gräwin orer süs wer ein.““

„Na,“ seggte Hinnik, „beter is beter, wi künnt uns dat jo lichting angewen'n.“

De söß Neihjumpsers döwrten nu nix anners snacken as hochdütsch, damit de Fomili Kuhlhaas sik dor 'n beten nah richten kunn. Na, dat wir

jo of ganz schön, wenn de man sülwst 'n beten  
beter dormit bewannert west wiren un de Famili  
Kohlhaas nich vun Natur so'n dicken Brägen-  
kasten habb harr, wo man sich mäuhsam wat  
dörchtatrechtern wir.

Indessen löp de Tied rasch hen. Zetten stek  
in de nobelsten Kleider un kunn ganz gaub un  
girn vör'n gne' Fröln gelln, wenn man blos nich  
un'n nah de Fäut seihg, de wat rieklisch utwussen  
wiren, wat sik eben nich vör'n gne' Fröln schicken  
beit; de lütten Hän'n wiren of nich vör Schosse-  
hanschen berekent, sonnern vör geknütte Fust-  
hanschen; äwer dat schadt nix, wer kann gegen  
de Natur an? Kein Minsch. Un je gröter de  
Faut, je wisser steiht sik dat! je gröter de Hand,  
je wisser fött sik dat! also is't ümmer eigentlich  
kein Üwel, äwer't argert einem mitunner doch.

De Dag köm heran, wo Zetten Abschied  
nehmen müß vun ehr Mudding un vun Hus  
un Hof. Snapplange Thränen würden rohrt,  
bi Mudding in de Schört, bi Zetten in't sein  
gestickte petiften Taschenbauf. Vader, de natür-  
licherweise sin Döchtling henbringen ded nah  
Swerin, de stünn dorbi un mök de beste Schüpp  
vun de Welt. — Jehann satt all mit sin eng  
Riwerjeh wedder up'n Buß un hägte sik dannig,



mal wedder nah Swerin tau kamen, wo't vör em en lustig Leben gam; unner'n Siß harr hemlich Hanne Bliesaat 'n dägige Kiep vull Eier, Schinken un Bodder verladen vör ehren Krischan. Jehann satt as 'n Kluck äwer de Kiep un bewakte sei mit Liew un Leben; dat markte kein Minsch.

Rund üm de Kutsch, de vör de Döhr höll, harr sik dat ganze Döörp versammelt; dat heit, wat vun oll Wiwer, Jungs un Dirns darin wir, üm doch tau seihn, wat Jetten vör 'ne führnehme Dam jezt wir; un wo ehr dat woll laten ded.

„Holl Di gaub!“ seggte Mubding noch tau ehr Dochter, wobi ehr de Thranen ümmer pieplings längs de Backen löpen, „süh, Du büst uns' einzigst Freud un uns' Stolz, bliew dat ok ümmer, giw Di nich mit All un Jeden af in de Stadt; söß Di ümmer vun de Urt Minschen ut, de bi uns passen daun. Hörst Du? Un denn seih tau, wenn Du uns 'n Grawen orer 'n annern Eddelmann taum Swiegersöhn besorgen kannst, denn heft Du unsern Wunsch erfüllt; so'n groten Kropmann in de Stadt is ok grad nich tau verachten, äwer beter is beter, je führnehmer Du versriegt warst, je grötter Freud makst Du Din

Öllern; un jüh, dat is jo of man de einzigst Urjak, dat wi Di nah de Stadt schicken, damit wer anbitt. Du heßt dat Öller un wi dat Geld, un nu reis' mit Gott!"

Swab, smeten de beiden Frugenslud sik gegen-  
siedig 'n Kuß in't Gesicht un Jetten seggte:  
„„Mudder, Du saßt Din Freund an mi hewen.  
Gew woll!"

„Abjüs, Mudder!" seggte of Hinnik un de  
Reis' güng vör sik.

„Hurrah! Jetten Abjüs! Jetten sall leben!"  
röpen de flakpoppken Jungs un gelzöppgen  
Dirns de Kutsch nah, bet sei nich mihr tau seihn  
wir. — Fru Kohlhaasen güng in de Stuw, sette  
sik up dat gewichste Sopha un füng an tau  
drömen vun Tieden, de nah düssen kamen sülln;  
sei seihg ehr Dochter all an den Arm vun einen  
Grafen in't Timmer treden, un de Graf sähd:  
Guten Tag, Mutter, un sei stünn denn up un  
gaw den Herrn Grafen of 'n Kuß, un föt denn  
ehr Döchting üm un sähd: Guten Tag, meine  
Dochter, Fru Gräwin! Nehmt Platz, meine  
Kinner! hier, hier; un sei harr dat denn as  
oll Mudder Hanksch so hill. En Bild verdrängte  
dat anner; sei seihg sik denn of mal up'n hoges  
Sloß sitten in luter Sammt un Sied, as

Swiegermudder vun den Slobßbesitter. De Heer was lang verköst, un sei wahnste nu dor bi ehr Kinner, wiel de Herr Swiegersöhn dat nich harr leden, dat sin Swiegeröllern as Buren in't Dörp wahnsten; dor spälten rechts un links of en poor Kinner, of in Sammt un Sied, dat wiren de Großkinner; un ümmer gröter würden de Großkinner, un güngn taulekt as Generals un Adjedanten mit lange Slepdägens vör ehr, de Großmudder, up un dahl un seggten denn — —:

„Fru, wat sitten Sei dor so in'n Däs? Sei seihst un hört jowoll keinen Menschen?“ dit sähd kein Großsöhn ut de Taufunft, sonnern de Grotknecht vun jezt, de mit sin pochterreten Gesicht un sin Lehmstämeln in de Stuw rin trampt wir, ahn dat Zophie dat markt harr. — „Wat is dat vör'n Wirthschaft?“ fohrte de Grotknecht wieder, „de Herr seggt gistern, wi fällt Meß laden, un seggt nich, wo wi em hen führen fällt; nu hewt wi den Meß tau Wagen un de Herr is weg; de Wiwer is of kein Arbeit anweist, wenn't so bi bliwt, denn fall't woll gahn.“

„Denn lad't den Meß wedder af, un de Wiwer länt sik Arbeit söken, wo weck is!““ seggte de gne' Fru argerlich, denn dat 's of un-

angenehm, wenn Einer so ut den schönsten Drom vun de Welt upweckt un up'n Meßwagen sett ward.

Brummsch un mürrsch, allerlei mang de Thän brummelnd, güng de Grotknecht wedder ut de Döhr un leggte sik nahs in't Heu, wo de annern Knechts all lang verlang legen harrn.

„Wenn't so up'n Hof utsüht, denn geiht 't Barg dahl!“ seggte Jobst, as em dat vertellt würd. „Mi bangt, mi bangt, dor kümmt of mal de Tied, wo de Gelbbüdel slapp ward, de Knaken hewt denn dat Urbein vergeten; wat ward denn?“

Unnerdessen köm Vader un Dochter in Swerin an; Jehann freg de Drer, stracks vör Fräulein Feinstichen ehr Hus vörtzuführen, äwer nich wedder up den Buck intauslappen, sonnern wakend so lang tau luern, bet Hinnik wedder rut kem. — Fräulein Feinstich kenne denn of gliest unsern Hinnik wedder un füng hellsch führnehmsch an tau knixen, un heit ehren niegen Zögling willkommen, nöhdigte Beid wedder in dat Visitenzimmer, wo Hinnik sehr up den Süß Acht geben ded.

„Je,“ seggte Setten lief' achter ehren Vadder, „wat is dat hier bannig fin, mi kümmt dat ördntlich unhemlich vör.“

„„Dat givt sik natürlicherweije,““ seggte Hinnik eben so lief' wedder trügg; lud sähd hei hüt of noch nix, wiel hei sik noch schamte, mit sin Hochdütsch tau Ruum tau kamen. Zetten müß derwiel vör em reben, un Zetten de sweg irst recht still.

Fräulein Feinstich de füng nu an, Zetten dat utenanner tau setten, woans sei dat hier gewennt wiren, un woans sei dat holln deb, wat sei all vör Ünnerrichtstün'n gew, un wo s' dat Nahmiddags ümmer spaziren güngen un all so wat, un wull denn nu of ehren Besök de annern Timmers wiesen un Zetten ehr Kammerabinen vörstellen; Allns in de schönste Jhrborkeit, äwer as de Döhr apen güng, wo de annern oll lütten Backfisch seten un sticketen un prünteten, da würd dat mit einmal 'n heil grot Gelach; alle Gesichter versteken sik achter de Arbeit, un sülwst Fräulein Feinstich kunn nu nich mihr irnst utseihn, sei müß mit lachen, denn sei wuß, wat dat Lachen tau bedüden harr.

De lütten Dirns, de hadden sik all darup freut, dat niege Fröln kennen tau lihren, un harrn all sik allerlei Biller in ehrn lütten Däts utmalt, woans dat niege Fröln woll uptreden würd, un wat sei an harr. Gegen den Antoch

kunn'n sei nu woll nix gegen hewn, äwer Jetten kôm mit gor tau verschrabene Knixe, de genau mit de utgemalten äwerein stimmten, in de Döhr, dat de lütten Kiekindewelts sik unmägelich dat Lachen verwehren kun'n; un äwer Hinnik sinen Anstand un sin Puhlipp kunn man of jußt nich weinen.

Na, Fräulein Feinstich müß denn irst ördentlich grow warden, üm de lütten Lachers tau stüren, sei wüß dat äwer so geschickt antaufangn, dat Jetten un Hinnik dat dörchut nich markten, dat man äwer sei lachte. Hinnik würd nu mit taum Koffe inladen, natürlich mit Jetten un Fräulein Feinstich allein in de best Stuw. De Trupp Backfisch harrn ehr egen Timmer, wo morgen denn of Jetten rin kôm, hüt harr sei man dessen Börtoch.

Bör'n Koffe betahlte Hinnik irst, so as 't asmaft wir, 'n Drüttel vun dat Pangschonsgeld. As Fräulein Feinstich nahs den Koffe inschenkt harr un Hinnik nöhdigte, sik Zucker un Melf sülwst tau bedeinen, kôm hei hellisch in Verlegenheit. „Wat sall de oll sülwern Tang dor up den Sucker?“ dach hei bi sik all, as hei sitten güng, nu süll de Frag löst warden. „Je, 't is doch narrschen bi so'n führnehm Lüd,“ dach hei

wedder, namm dat grötst Stück Zucker mit de  
 tief Finger vun de linke Hand ut de Schaal,  
 klemmte dat darup in de Tang, de hei in de  
 recht Hand höll, un smet dat nu in sin Tass',  
 un Jetten, de genau uppaßt harr, woans ehr  
 Badding dat mök, de mök dat ebenso nah.

Noch narrscher güng dat Hinnik, as Fräulein  
 Feinstich anfüng, nah allerlei tau fragen, denn  
 dat sahg sei gliek, dat sei Hinnik wat beiden  
 künn. Hinnik müß nu antwurten, un trugte sik  
 nich mit sin Hochbütsch löstauleggn, un platt=  
 bütsch tau spreken, dat güng doch nu ganz un  
 gor nich, wat müß de Tam denn woll vör'n  
 Ansicht vun em kriegen? Hei antwurte also  
 ümmer man blos mit „Mm“ un „Ne“, wobi  
 hei nickte un schüddelte, so as 't paßlich wir;  
 wat sik äwer nich dormit beantwurtē let, dat  
 müß Jetten beantwurtē, nahdem Badding Döch=  
 ring lief' up'n Faut peddt harr.

Endlich, vör Hinnik en Ewigkeit, Jetten  
 fin'n sik bald darin, Fragenslud äwerhaupt  
 fin'n sik licht in Allns, wir't mit de Koffe=  
 drinkeri tau En'n un Hinnik was froh, ut dat  
 Hus rut tau kamen; obgliek hei gor tau girn  
 wat vun den nobeln Anstrich prometiren wull;  
 hei harr woll all so'n beten vun dessen Anstrich,

äwer dat kunn hei man blos vör dumme Lüd tau Gülligkeit bringen, deswegen fährte hei hüt, nahdem hei Jetten Abjüs seggt un Fräulein Feinstich 'n hellisch verbwassen Diener maßt harr, in drei Krüzer in, blos üm de Nacht dor tau slapen, am annern Morgen süll't wedder tau Hus an gahn. Mit de Tied, wenn Hinnik nu mal wedder köm un sin Döchtling besöch, denn süllt woll all beter gahn, un denn wull hei of wedder in'n führnehmisch Hotel awstiegen, äwer ohne Susemihl, un wull denn of fröhtiedig tau Bedd gahn, damit em der Deuwel nich wedder rieden un hei bi'n Juden in't Bedd stiegen kunn.

Nahdem Hinnik sik nu in'n drei Krüzer tau-rügg trocken harr, bröck Jehann sin Bier un Rumpelkasten in Sekerheit; grawwelte dorup de Kiep mit Lebensmitteln vun'n Buß runner, seihg tau, ob de Breif, de em Hanne geben, of noch in't Futter vun sin Jokeimüß sitten bed, un möß sik up'n Weg nah de Kesern; sün'n denn of glieks sinen Lannsmann, un Krischan möß 'n hellisch vergnögt Gesicht, as hei den olln ihrlichen Jehann mit de Kiep ansichtig würd. Ja, Krischan sah in den stäwigen, breitschullerigen Kutscher mit de rumwerige Näs sinen aller-leiwsten Schatz, sin smucke Hanne! denn Jehann



bröck seker wat vun ehr. Hanne ehr Würt, de de oll lütt Rosenmund spraken harr, sülln ut de breid Keß vun Jehann sin Mundgeschirr rutkamen; un wenn dat ok as 'n Beedkloß statt as 'n helle Klingel schalln bed, so spröck doch ut desse Würt de Geist vun sin Alles! sin söt Hanne. Na, de Gruß un wat süs noch Mündliches vun ehr kām, was denn ok bald gierig runnersluckt, un Krischan kōm ganz uter sik, as Jehann den Breif unner't Mützenfutter rutsöhlte; „Her!“ röp hei, un sin Ogen strahlten, as de Ratt ehr in'n Düstern. Darup wendte hei sik an sinen Untroffzir: „Herr Untroffzir, o kamen S' doch mal 'n Ogenblick ran un wesen S' so gaud un lesen mi dessen Breif mal vör, un denn wesen S' ok woll nochmal so gaud un setten S' sik hen un schrieben S' 'n poor Reihgen wedder up; Jehann hett hier ok wat mitbröcht, womit ik 't wedder gaud maken kann.“

De Untroffzir rōt all, wat in de Kiep wir, un was denn ok glieds parat, sinen Unnergebenen den Wunsch tau erfülln, brōk den Breif un füng an tau lesen:

„Mein bester Schatz un Krischan!

Du kannst Dich woll denken, was mich die Seit hier lang werden thut, wiel Du mein

beſter Schatz nich hier büßt. Ach, ich telle  
 immer die Tage, woväl noch nach ſind, bis daß  
 Du mein beſter Schatz wiederkommen thuſt.  
 Ich frage immer den Maan un die Sterns  
 woans es Dich woll geht, un denn ſehen mich  
 die ümmer ſo trurig an, as wenn ſie ſagen  
 wulln: Kriſchan geht es ſlicht! un denn muß  
 ich allemal weinen un das thue ich jeden  
 Abend ehre ich zu Bette gehn thu. Lieber  
 Kriſchan, die Mutter iſt noch immer ſo ſtein-  
 pöttig ſie quält mich noch immer mit Jochen  
 Pott un will vun unſrer Liebe nix nich wiſſen;  
 Jobſt hat ihr da ſchon mal 'ne Straſpredigt  
 über gehalten, un Vater ſagt auch ſchon, daß  
 es mit mich un Jochen nichts iſt, äwer es  
 hilſt noch nichts. Jobſt ſagt, die Zeit macht  
 Allns in de Reihg und wir ſollten uns man  
 ganz geruhigen, er wolle ſchon machen, indem  
 er uns ſein Verſprechen gegeben hätt. — Ach  
 Kriſchan, es koſtet mich ſo viele Thränen, das  
 kannſt Du mich glauben, denn ich halte ſo  
 viel von Dich. Sieh auch nich nach annern  
 Mätens in die Stadt un bleib mich treu, ſonſt  
 vertrink ich mich ehrer als ich ſterben thu, Jehann  
 bringt Dich auch was mit, ich wünſche daß es  
 Dich ſmecken wird, Du brauchſt denn doch

nich das trockene Komißbrod zu essen, was mich sehr dauern thut. Wenn ich wieder Gelegenheit habe, denn schicke ich Dich mehr; Mutter weiß es nicht, abers Jobst weiß es. Nun weiß ich nichts mehr zu schreiben, wenn Du Dich schon gut stehst mit Deinen Untroffzir denn schreibe auch wieder, und Jehann bringt mich den Brief mit. — Deine liebe ungeliebte Hanne, die für Dich sterben thut."

Krischan kömen bi desse Börlesung de Thranen in de Ogen, dat sin Drelljackärmel, worin hei sit afwischte, ganz dörsfuchte. Jehann harv de Hän'n folgt un in sin groten Kalwsogen bummelten ok 'n poor grote Druppen, un hei meinte bi sit: „Dat is doch 'n schön Sak, wenn Ein' einen so leiw hett; wenn 't wedder tau Hus kamen dau, denn schaff ik mi ok Ein' an, un wenn't mi ok wat kosten deit!" —

„Nu daun S' mi den Gefallen," seggte Krischan tau sinen Untroffzir, de sit all mit den Kiepenbedel tau daun mök, „un setten S' sit hen un schriewen S' ok 'n poor Würt wedder, dormit sei doch süht, dat ik ok noch an ehr denken dau, un schriewen S' ok, dat ik mi recht völmal bedanken let vör dat, wat in de Kiep is. — Nu kumm, Jehann, nu willst wi beid en

beten rümmerströpen, unnerdessen de Herr Untroffzir schriemen deit. Un denn, "" wendte hei siß nochmal an sinen Börgeseßten, "" wenn Sei schreben hewn, denn langn Sei man in de Kiep un snieden S' siß man af. ""

"" Gaud, gaud, "" seggte de Untroffzir, sette siß hen un schrew, während uns' beiden Lanns- lüd siß in de Stadt rümbrewen.

„Je,“ seggte Jemann, as sei buten wiren, „weit hei denn all, wat hei schrieben fall? Du mößt em dat doch woll irst vörbaußtevirn?“

„Ne,“ seggte Krißchan, „dat is nich nöhdig; up de Breißschrieweri versteiht hei siß; hei will woll weiten, wat hei dorin schriwt; hei hett gistern of irst einen vör Klas Ohm schrewen, woräwer wi uns All erstaunt hewt. Ne, dat lat man gaud sin, nahs fall hei uns em vörlesen.“

Dat geschahg denn of, as de Beiden wedder in de Kestern ankemen, un Jemann müß siß seggn: „Ne, so gaud harr em Krißchan doch nich vörseggn künnt;“ stel den Breiß in sin Breißtasch, dat Mühsenfutter, un güng mit Krißchan sin besten Wunsch un Grüße wedder nah de drei Krüzer mit den fasten Entsluß, siß of Ein' antauschaffen.

Na nu wull Krischan jif denn of en beten tau gauden daun; hei harr irst all in de Kiep rinnerseten un seihn, dat dor Eier, Speck un Schinken drin lagg, Saken, de hei binah gor nich mihr kennen ded, de hei all lang harr entbehren müßt, un de doch eigentlich vör'n Min-schen ganz unentbehrlich. sünd, taumal vör'n Suldatenkörper, wenn de all de Strapazen ut-holln sall, de vun em verlangt warden. Krischan lachte äwer 't heil Gesicht; hei müg vör des' Maltied woll idel Schinken un gor fein Brod äten. Dat Innere vun de Kiep köm em vör, as dat gelobte Land, orer süs doch so wat Gauds-Hurrjeh! dat Water löp em all ördentlich an't Kinn dahl. Dor stünn de Kiep in de Eck; hei ran! 'n Stauhl dorbi, de Kiep mang de Kneien geklemmt, dat Klappmeß upgeslahn un nu kann't losgahn, — äwer as hei den Deckel upslög — wat nu? — De Kiep wir vull wesen bet baben an'n Rand, un nu — nu lagg dor man oll smerig Papier, leddig Stroh un afgelickt Wust-fluß in? — Dat was doch en Schabernack! un Krischan sin vergnögt Gesicht würd so lang as wi'n Seipenblas, wenn man forsich pusten deit. Wer harr dat dahn? Da satt de Untroffzir, sin Breiffsteller, mit noch drei Collegen un strö-

pelten sif de Maag, un pusten vör Hitt. Krischan meldte mit fuchtigen Ogen, wat em gescheihn. „Woso?“ seggte de dicknäsig Untroffzix, „hett hei nich seggt, dat in de Kiep süll it nehmen as Lohn vör't Schriewen? Ik hew mi noch 'n poor Kammeraden inladen, un wi hewt vespert! Dat harr hei seggn müßt, dat hei dor of noch wat vun afhewn wull.“

Dah! Krischan stünn dor, as harr em Einer 'n bägdg Mulschell geben, dat em die Uhren summten. Dat wir doch 'ne Frechheit vun den Kirl, un de arm Burs müß ganz still swiegen, denn de Kirl was sin Börgesezte un hei Suldat, wenn hei man 'n anner Urt Minsch west wir, harr hei of nich still tau swiegen brukt, den 'n anner Urt Minsch brukt sif nich Allns gefallen tau laten, äwer 'n gemeiner Suldat, dat is denn so wat. — Krischan müß nu sinen drögen Romißbrodknust ut't Schapp rutlangn, weinte sin bitterlichen Thranen dorup un rök dorbi in de Kiep, de doch noch bornach rüken bed, nah dat, wat dor inwest wir. — Hei was 'n gauben Minschen, hei gönnte girn Jeden wat, äwer dit was denn doch tau utverschamten! Doch so geiht dat de Gaubmäuhdigen ümmer, de mät mit anseihn, wo anner Lüd sif an ehr Saken satt ät

un mät sülwst hungern; de Welt is nu einmal so.

„Wer nix hewt fall, de friggt nix!“ was Krischan sin Trost, un hei laute hoch, bet em de Slay unnerkreg. De lezte Habben blew em in’n Mund behacken, un hei drönte vun sin Hanne un verget de Welt un sik, un swömmte blos noch in sin Glück herümmer. De Drom was schön, schön wi de Maimorgen mit sin Bläuthen un Gesang. Ja, de gauden Minschen drömt söt, un de slichten vun Striet un Gefohr; so hewt de Jrsten doch of schöne Stun’n up de Welt, wenn de Stun’n am Dag ehr of gor tau oft verbittert worden. In’n Grun’n genamen is jo Uns man ’n Drom; ob man dorbi ümherlöp, orer man liggt dorbi still up’n Rugg.

Ende des ersten Bandes.

Im Verlage von Hermann Costenoble in Jena erschienen ferner folgende neue Werke:

**Bidmore, Albert S.**, Reisen im ostindischen Archipel. **Autorisirte Ausgabe.** Aus dem Englischen von J. E. A. Martin. (Bibliothek geogr. Reisen IV. Bd.) Nebst 36 Illustrationen in Holzschnitt und 2 Karten in Farbendruck. gr. 8. Eleg. broch.  $2\frac{2}{3}$  Thlr.

**Livingstone, David und Charles**, Neue Missionsreisen in Süd-Afrika, unternommen im Auftrage der englischen Regierung. Forschungen am Zambesi und seinen Nebenflüssen nebst Entdeckung der Seen Schirwa und Nyassa in den Jahren 1858 bis 1864. Autorisirte vollständige Ausgabe für Deutschland. Aus dem Englischen von J. E. A. Martin. Nebst 1 Karte und 40 Illustrationen in Holzschnitt. Zwei Bände. gr. 8. broch.  $5\frac{3}{4}$  Thlr.

**Dixon, W. Heworth**, Neu Amerika. Rechtmäßige, vom Verfasser autorisirte deutsche Ausgabe. Nach der siebenten Original-Auflage aus dem Englischen von Richard Oberländer. Mit Illustrationen nach Original-Photographien. Lex.-8. Eleg. broch.  $2\frac{2}{3}$  Thlr.

**Gerstäder, Friedrich**, Neue Reisen durch die Vereinigten Staaten, Mexiko, Ecuador, Westindien und Venezuela. 3 Bde. 8. broch.  $5\frac{1}{3}$  Thlr.

**Schlagintweit-Sakiniunski, Hermann von**, Reisen in Indien und Hoch-Asien. Eine Darstellung der Landschaft, der Cultur und Sitten der Bewohner, in Verbindung mit Klima und Bodengestaltung. Basirt auf die Resultate der wissenschaft-



lichen Mission von Hermann, Adolf und Robert von Schlagintweit, ausgeführt in den Jahren 1854 bis 1858 im Auftrage der Ostin-  
dischen Regierung. Mit 3 Karten, 14 Landschaften  
und 2 Gruppenbildern von Eingeborenen in Farben-  
druck. **Zwei starke Bände.** Lex.:8. Eleg.  
broch. Preis jedes Bandes 4 Thlr. 24 Sgr.

**Bastian, Dr. Adolf,** Reisen in Siam im Jahre  
1863. (Die Völker des östlichen Asiens.) Studien  
und Reisen. Dritter Band. Nebst einer Karte  
von Hinter-Indien von Prof. Dr. Kiepert.  
Lex.:8. Eleg. broch. 3 Thlr. 18 Sgr.

**Bastian, Dr. Adolf,** Reisen durch Kambodja  
nach Cochinchina im Jahre 1863. (Die Völker  
des östlichen Asiens.) Studien und Reisen. Vierter  
Band. Lex.:8. Eleg. broch. 3 Thlr.

**Bastian, Dr. Adolf,** Reisen im indischen Ar-  
chipel, Singapora, Batavia, Manilla  
und Japan. (Die Völker des östlichen Asiens.  
Studien und Reisen. Fünfter Band.) Lex.:8. broch.  
3 Thlr. 10 Sgr.

**Bastian, Dr. Adolf,** Reisen von Peking durch  
die Wüste Gobi, durch Sibirien zum Ural,  
mit Ausflügen in den Kaukasus und die  
Krim. (Die Völker des östlichen Asiens. Sechster  
Band. Schluß des ganzen Werkes.) Lex.:8. broch.  
circa 3 Thlr.

**Martins, Charles,** Von Spitzbergen zur Sa-  
hara. Stationen eines Naturforschers in Spitz-  
bergen, Pappland, Schottland, der Schweiz, Frank-  
reich, Italien, dem Orient, Aegypten und Algerien.  
Autorisirte und unter Mitwirkung des Verfassers  
übertragene Ausgabe für Deutschland. Mit Vorwort

von Carl Vogt. Aus dem Französischen von  
H. Bartels. 2 Bde. Lex.-8. broch. 3<sup>2</sup>/<sub>3</sub> Thlr.  
Grüel, Carl, Das Haus Morville. Roman  
2 Bde. 8. broch. 3 Thlr.

Robiano, L. Gräfin von, Gustav Wasa. Hi-  
storischer Roman. 2 Bde. 8. broch. 3 Thlr.

Vibra, Ernst Freiherr von, Aus jungen und  
alten Tagen. Erinnerungen. 3 Bde. 8. broch.  
3<sup>3</sup>/<sub>4</sub> Thlr.

Frize, Dr. Hermann Eduard, Christian Kle-  
bauer und Compagnie. Roman. 3 Bde. 8.  
broch. 4 Thlr.

Delbermann, Hugo, Liebe und Brod. Familien-  
Roman aus dem neunzehnten Jahrhundert. 2 Bde.  
8. broch. 2<sup>1</sup>/<sub>4</sub> Thlr.

Ewald, Adolph, Nach fünfzehn Jahren. Ein  
Strauß Geschichten. 2 Bde. 8. eleg. broch. 3 Thlr.

Mühlbach, Louise, Deutschland in Sturm  
und Drang. Erste Abtheilung: Der alte  
Frig und die neue Zeit. Historischer Roman.  
4 Bde. 8. broch. 5<sup>1</sup>/<sub>2</sub> Thlr.

Mühlbach, Louise, Deutschland in Sturm  
und Drang. Zweite Abtheilung: Fürsten und  
Dichter. Historischer Roman. 4 Bde. 8. broch.  
5<sup>1</sup>/<sub>2</sub> Thlr.

Mühlbach, Louise, Deutschland in Sturm  
und Drang. Dritte Abtheilung: Deutsch-  
land gegen Frankreich. Historischer Roman.  
4 Bde. 8. broch. 5<sup>1</sup>/<sub>2</sub> Thlr.

Mühlbach, Louise, Deutschland in Sturm  
und Drang. Vierte Abtheilung: Frankreich  
gegen Deutschland. Historischer Roman. 5 Bde.  
8. broch. 6 Thlr.

**Gerstäder, Friedrich**, Die Missionäre. Roman aus der Südsee. 3 Bde. 8. broch. 4 Thlr.

**Wintersfeld, A. von**, Der Winkelschreiber. Humoristischer Roman. 3 Bde. 8. broch. 4 Thlr.

**Bacano, Emile Mario**, Das Geheimniß der Frau von Nizza. Eine Geschichte aus den letzten Lebensjahren Ludwig des Bierzehnten. 8. broch. 1½ Thlr.

**Byr, Robert**, Der Kampf um's Dasein. Roman. 5 Bde. gr. 8. Eleg. broch. 6 Thlr.

**Wiedede, Jul. von**, Aus alten Tagebüchern. Im Anschluß an „Eine deutsche Bürgerfamilie“. 3 Bde. 8. broch. 4 Thlr.

**Gerstäder, Friedrich**, Unter den Penquenen. Chilenischer Roman. 3 Bde. 8. broch. 4½ Thlr.

**Marr, A. B.**, Das Ideal und die Gegenwart. 8. eleg. broch. 1½ Thlr.

**Höcker, Gustav**, Geld und Frauen. Erzählungen. 3 Bde. 8. broch. 3½ Thlr.

**Mühlbach, Louise**, Marie Antoinette und ihr Sohn. Historischer Roman. 6 Bde. 8. eleg. broch. 6½ Thlr.

**Mühlbach, Louise**, Geschichtsbilder. Historische Novellen. 3 Bde. 8. broch. 2½ Thlr.

**Ut 't Dörp**. Van'n oll'n Rümärker. Lustige Vertellungen. 8. broch. 1¼ Thlr.

**Löffler, Dr. Carl**, Die Opfer mangelhafter Justiz. Gallerie der interessantesten Justizmorde älterer und neuerer Zeit. I. und II. Band **oder** erstes bis achtes Heft. gr. 8. 1868. broch. à Band 2 Thlr., à Heft 15 Sgr.

- Gerstäder, Friedrich**, Der Erbe. Roman. 3 Bde. 8. broch. 4 Thlr. 24 Sgr.
- Vibra, Ernst Freiherr von**, Ein edles Frauenherz. Roman. **Zweite Ausgabe.** 3 Bde. 8. broch. 3 Thlr.
- Kleinstenber, Hermann**, Das Geheimniß der Schatulle. Roman. 2 Bde. 8. broch. 2 Thlr.
- Kleinstenber, Hermann**, Schach dem König. Historischer Roman. 2 Bde. 8. broch. 3 Thlr.
- Vibra, Ernst Freiherr von**, Die Schatzgräber. Roman. 3 Bde. 8. broch. 4 Thlr.
- Möllhausen, Balduin**, Der Meerkönig. Eine Erzählung. 6 Bde. 8. broch. 6 $\frac{1}{2}$  Thlr.
- Wiedede, Julius von**, Eine Deutsche Bürgerfamilie. Nach einer Familienchronik bearbeitet. 3 Bde. 8. broch. 4 $\frac{1}{2}$  Thlr.
- Sacher-Masoch, Leopold von**, Der letzte König der Magyaren. Historischer Roman. **Zweite Ausgabe.** 3 Bde. 8. broch. 4 Thlr.
- Vibra, Ernst Freiherr von**, Erlebtes und Geträumtes. Novellen und Erzählungen. 3 Bde. 8. broch. 3 $\frac{3}{4}$  Thlr.
- Robiano, L. Gräfin von**, Anna Boleyn. Historischer Roman. 2 starke Bände. 8. eleg. broch. 3 $\frac{1}{2}$  Thlr.
- Deutsche Schützen, Turner und Niederbrüder**, oder: Was will das Volk? Zeitgeschichtlicher Roman vom Verfasser der Romane: „Die Ritter der Industrie,“ „Herren vom Kleeblatt“ etc. etc. 4 Bde. 8. eleg. broch. 5 Thlr.
- Hechtritz, Friedrich von**, Eleazar. Eine Erzählung aus der Zeit des großen jüdischen Krieges im ersten Jahrhunderte nach Christo. 3 Bde. 8. broch. 4 Thlr.

**Wiedede, Jul. von,** Die Heeresorganisation und Kriegsführung nach den Berechtigungen der Gegenwart. Für denkende Officiere, Staatsmänner und Landtagsabgeordnete. Gr. 8. eleg. broch. 1½ Thlr.

**Winterfeld, A. von,** Eingemeuchelter Dichter. Römischer Roman. 4 Bde. 8. broch. 6 Thlr.

**Andreas, Wilhelm,** Die Sturmvögel. Cultur- und sittengeschichtlicher Roman aus dem Anfange des 16. Jahrhunderts. 2 Bde. 8. broch. 2½ Thlr.

**Andree, Dr. Richard,** Vom Tweed zur Pentlandföhrde. Reisen in Schottland. Mittelloctav-Format. eleg. broch. 1 Thlr. 22½ Sgr.

**Annette, Mathilde Franziska,** Das Geisterhaus in New-York. Roman. 8. broch. 1½ Thlr.

**Ati-Kambang,** Auf fremder Erde. Roman. 5 Theile in 3 Bänden. 8. broch. 5½ Thlr.

**Bacher, Julius,** Ein Urtheilsspruch Washington's. Historischer Roman. 2 Bde. 8. broch. 2½ Thlr.

**Berlepsch, S. A.,** Die Alpen in Natur- und Lebens-Bildern. Mit 22 Illustrationen und einem Titelbild in Tondruck nach Originalzeichnungen von Emil Rittmeyer. Vierte, sehr vermehrte und verbesserte Auflage. 32 bis 33 Bogen Lexikon-Oct. **Pracht-Ausgabe** auf feinstem Velin-papier. Vollständig in 9 Lieferungen mit 3 bis 4 Bogen Text und 2 bis 3 Illustrationen in Tondruck broch. à Lieferung 10 Sgr. Nach Erscheinen complet in 1 starkem Bande 3 Thlr. Eleg. geb. 3 Thlr. 22½ Sgr.

**Vibra, Ernst Freiherr von,** Tzarogy. Roman. 3 Bde. 8. broch. 3¾ Thlr.

- Vibra, Ernst Freiherr von, Reisskizzen und Novellen.** 4 Bde. 8. broch. 4 $\frac{1}{2}$  Thlr.
- Vibra, Ernst Freiherr von, Hoffnungen in Peru.** Roman. 3 Bde. 8. broch. 3 $\frac{3}{4}$  Thlr.
- Vibra, Ernst Freiherr von, Aus Chili, Peru und Brasilien.** 3 Bde. 8. broch. 3 $\frac{3}{4}$  Thlr.
- Vibra, Ernst Freiherr von, Erinnerungen aus Süd-Amerika.** 3 Bde. 8. broch. 3 $\frac{1}{2}$  Thlr.
- Vibra, Ernst Freiherr von, Ein Juwel. Südamerikanischer Roman.** 3 Bde. 8. broch. 3 $\frac{3}{4}$  Thlr.
- Brachvogel, A. G., Beaumarchais. Ein Roman.** 4 Bde. 8. broch. 5 Thlr.
- Brachvogel, A. G., Historische Novellen.** 1. bis 4. Band. 8. broch. à Band 1 $\frac{1}{2}$  Thlr.
- Brachvogel, A. G., Schubart und seine Zeitgenossen. Historischer Roman.** 4 Bde. 8. broch. 5 $\frac{1}{2}$  Thlr.
- Brachvogel, A. G., Theatralische Studien.** 8. broch. 24 Sgr.
- Brachvogel, A. G., Ein neuer Falstaff. Roman.** 3 Bde. 8. broch. 4 $\frac{1}{2}$  Thlr.
- Brachvogel, A. G., Aus dem Mittelalter.** 2 Bde. 8. broch. 2 $\frac{1}{4}$  Thlr.
- Brachvogel, A. G., Marciß. Ein Trauerspiel.** Min.-Ausgabe. Zweite Auflage. broch. 24 Sgr. Prachtvoll geb. mit Goldschnitt 1 Thlr. 2 Sgr.
- Brachvogel, A. G., Der Trödler. Ein Roman aus dem Alltagsleben.** 2 Bde. 8. broch. 2 $\frac{1}{4}$  Thlr.
- Brachvogel, A. G., Adelbert vom Babanberge. Ein Trauerspiel.** Min.-Ausgabe. broch. 24 Sgr. Prachtvoll geb. mit Goldschn. 1 Thlr. 2 Sgr.

M80986

Fricke, W.

Wat möt, dat möt

PT4848

F75W3

v.1

M80986

THE UNIVERSITY OF CALIFORNIA LIBRARY

